

5235.8/4591

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

DEC 2 1954

三才女史詩鈔

東坡先生文

詩鈔合



光緒八年壬午
十月刊於嘉禾

紹興縣志

序

吾鄉鮑海門徵君與余江干張石帆齊名
沈文慤嘗稱為京口三詩人徵君諱皋字
步江號海門由監生舉乾隆丙辰博學鴻
詞不就著有海門詩鈔徵君夫婦皆能詩
故其子女多工詩子諱之鍾字論山號雅
堂由召試舉人內閣中書登甲科官戶部

典試黔粵才名籍甚長女諱之蘭次女諱
之蕙三女諱之芬皆以詩名一時如王夢
樓程蘅帆諸名公多重之一門風雅迄於
今猶首推鮑氏焉蘭字畹芳歸我外曾王
父何桂橋先生著有起雲閣吟藁外王父
昆仲刊行於世蕙字芷香歸同里張舸齋
先生著有清娛閣吟藁亦刊行燮元幼時

嘗受而讀之芬字浣雲歸同里徐秀亭先生著有三秀齋詩鈔迄未刊行迨吾郡兩遭兵燹書籍散佚外家諸舅父及諸中表展轉遷徙相繼淪亡詩板亦久已蕩然無存己巳奉吾母之粵省吾父於廣州偶於市肆見有起雲閣吟藁二帙亟購歸以白吾母吾母愀然曰外曾王母之詩名載於

郡邑志列於京江者舊集其所為詩已採
入

國朝閨秀集及諸選本固不必藉原刻藁
以傳然吉光片羽流在人閒得諸嶺表未
始非鬼神呵護之靈以致之且外王父讀
書未顯達諸舅不幸皆中年卒汝當募手
民重刊之以貽何氏子孫俾知寶貴燮元

謹受命尋燮元南北奔馳迄無定所己卯
官浙中適舸齋先生之孫馨山通守廷梁
亦官於浙以清娛閣全藁見贈明年庚辰
徐秀亭先生之孫韻生大令維城由黔改
官來浙相見敘婣姪乃知三秀齋遺藁至
韻生官貴筑時始付刊遂舉以見贈珠聯
璧合此其中蓋有天馬燮元於是合刻

之議辛巳轉漕潞河便道歸省復請於吾
母母曰汝既有志其竟成之迨燮元差旋
而韻生已以改省違例復去今年夏綜權
嘉禾馨山亦司權新篁遂與之謀付剗剗
焉工既竣爰述其顛末如此韻生聞之當
亦必蹶然色喜也

光緒八年歲次紀元默敦牂十月丹徒戴

雙元和甫氏序於嘉禾權局種菊延秋之
舫

月

四

起雲閣詩鈔序

先徵君以詩名江左 先太恭人亦工吟咏故蘭蕙芬
三妹皆能詩而蘭妹之學尤先著其詩才清麗洵天性
也憶髫髻時中秋分韻有若非今夜月虛度一年秋之
句王夢樓程衡帆諸名公皆傳誦之居嘗於花晨月夕
鬬韻聯吟妹所得句往往非予所能及益信詩之有別
才矣妹至性謹樸勤於女紅結禱後尤專事井臼操作
弗倦時有餘暇卽手撚一編每晤予輒相詰難以故所
藝日進顧嘗謂文詠非閨閣事有所著不以示人遂多
散佚今集中若干首不及生平手著十分之一皆妹諸

子所竊藏以時編輯私自寶貴而妹不知也予嘉諸甥
能珍母氏著作一鱗半甲收自散佚之餘區區苦心妹
宜勉存之以徇諸子意他日課選樓合橐中凡妹所著
亦宜附 太恭人編次以爲二妹三妹倡者何吝焉嘉
慶戊午正月旣望論山漫叟兄之鍾書

起雲閣詩鈔序

閨閣之有才難矣才而濟之以識則尤難陶士行偉人也王叔玠賢臣也然陶非截髮之母王無明鑒之親則兩公之遇不遇未可知矣烏能大其閥閱乎識之不遠而徒以才見也雖句織盤中書傳大雅奚貴焉畹芳宜人達之長姑母也幼承海門徵君之訓長與吾論山叔父仲季兩姑母相切劘其爲詩清和婉麗不名一家實能抒寫性情而無憑附樵擬之習談藝者稱之以爲吾宗閨閣多才而風雅一脈於焉弗墜也達曰是奚足以知宜人哉宜人固有深識巨力而不負乎其所學者至

於詩特淺焉者耳方宜人之歸何氏也居柳溪之雙梧館舅翁爲素菴先生有園亭竹樹之勝而宜人躬操井臼克盡婦道未嘗以宴嬉自適旣而家道中落兄公季叔舉其宅而鬻之姑父桂橋先生復北遊燕代宜人挾子女五人流離轉徙僦屋三兩楹不蔽風雨恃十指爲存活計其艱苦之狀皆達之所目擊實有他人所不能堪者然而宜人知諸子之足以有成雖飢寒交迫而意氣自若毅然以振興門第爲己任手勤針黹口誦詩書深夜一燈所以督課諸子者不遺餘力其抑塞牢落之感則一以寓之於詩如是者十數年而仲君遠獲游庠

序長君通季君遵相繼殖業皆賢能有局幹又數年而
生計益裕易居爽塏軼其舊而過之且以長君職得邀
褒贈此無故惟宜人之識足以濟其才也惜乎心力交
瘁僅享中壽而卒通遠昆季蒐輯叢篋得詩若干篇編
爲四卷而屬序於達達固謏陋且念古人少不誄長卑
不誄尊之義矧敢弁言於首謹述宜人終始之境如右
俾知實有卓然裕於才之外者雖士行叔玠之母何以
過之乃信非才之難而有識者之難也知宜人之遇而
後讀宜人之詩斯益知其可貴矣嘉慶歲在旃蒙大淵
獻秋九月姪文達頓首拜書

趙雲陽詩金序

二四

起雲閣詩鈔目錄

卷一

古今體詩九十一首

卷二

古今體詩七十九首

卷三

古今體詩七十一首

卷四

古今體詩七十九首

起雲閣詩草目錄終

起雲閣詩草目錄終

起雲閣詩鈔卷一

丹徒鮑之蘭晚芳著

古今體詩九十一首

中秋看月同論山長兄分韻

涼意動高樓清光入檻流若非今夜月虛度一年秋拂
簾桐陰亂鈎簾桂影浮轉憐希逸賦親懿少從游

揖青臺坐月

爽氣三霄徹高臺夜色明樓銜半規影沙起數鴻聲露
下秋衫濕風前水調清相看荆樹茂應慰北堂情

春社辭五首

江南春社聚如雲
花柳千村笑語聞
一幅太平圖畫景
桑麻雞犬總欣欣

紙錢風裏鼓鼕鼕
老瓦盆盛濁酒濃
白叟黃童都泥首
田家禮數也雍容

村姬此日停針線
比戶攜筐看阿孃
十里桑陰清似水
紅裙綠褶出微行

淡雲微雨一兩點
山杏野棠三五枝
何處飛來新燕子
鞦韆門巷夕陽時

鄰翁相見語依依
岌岌高冠大布衣
醉倒治顰一杯酒
日斜兒女送將歸

和論山兄城樓寫望原韻

古堞依山迴蕭辰一倚樓市聲臨暮沸江影抱城流綠
樹將軍寨烏篷釣客舟多情惟宋玉搖筆賦清秋

起雲閣晚眺

局促轅駒厭世情憑高縱目夕陽明半灣流水雙扉綠
一角遙山小閣清迢遞鐘聲寒鴈和蕭疎梧影晚蟬鳴
幾時置酒邀兄妹快覩新詩跌宕成

病中寄懷苴香浣雲兩妹

妹時侍家慈北上

竟夕無眠聽漏遲竹風蕉雨助愁思辦香屢下如來拜
惟願人間少別離

憶共文牕理髻雲秋來小櫛落紛紛風前閒把湘簾捲
人比黃花瘦幾分

春日感懷寄兩妹

黯黯春愁細雨中落英滿院晚霞紅有時殘夢惟蝴蝶
無限遙情託鴈鴻帝里迢迢天尺五離懷渺渺水西
東庭幃歡聚知何日應識關心兩地同

和秋山弟起雲閣納涼原韻

雲陰低蔽閣修竹散微涼暝色兼天遠溪聲入夜長疎
簾通露氣曲檻度荷香更續池塘句憑君貯錦囊
暑月霞催上黃浮戶外山移樽琴石畔滅燭畫屏間樹

色烟浮暗簫聲風度閒水明殘夜好清興莫闌珊

懷兩妹

離思無端起徘徊小閣東昏黃三徑月料峭一溪風往
事題紅葉新愁付碧筒長安渺何許良會幾時同

同仲季兩妹柳溪泛月

暝烟漲一溪堤柳籠舟暗天鏡忽飛來烟消雲翳淡放
舟迂仙侶潮退嫌崖窄隨意盪蘭橈劃破琉璃碧溪轉
復西斜橋邊多酒家長虹卧綠水高峯插月華月華不
常有月圓那能久眼底且團團堪憐掬在手迴舟綺席
開重勸葡萄醅年年今夕月常進夜光杯

起雲閣納涼有作次茝香妹原韻

驟雨園林過寥天又霽顏烟消青荇沼風細綠楊灣金
井垂清蔭銀河接遠山一痕新月出掩映碧波間
冉冉溪雲起涼侵小閣中蟬聲低咽露螢焰澹隨風燒
燭聯新詠銜杯話濶衷頻年勞遠夢難得此宵同

茝香妹原唱

日夕消煩暑憑高一解顏松身當徑直溪影抱門灣
叢葉明微露輕烟抹遠山羨君三畝宅半在水雲間
河低高閣外人坐小庭中樹雜疑聞雨窗虛覺有風
分題搜險句並坐話離衷玉漏休頻促團團幾度同

寒月

滅燭室生白清輝滿庭隅漏聲急深巷碧落星光疎朔
風吹月生霜威與之俱寒芒射雙髻酒力疑全無穿林
警凍鶴照水驚潛魚古梅拗冰鐵勁竹搖瓊琚褰裳踏
花影景清心自娛所嗟關山客瘦影月同孤遙情托明
月相照意何如

一草亭詠物詩十七首

綠萼梅

翠羽啾嘈一樹斜垣苔池草映疎葩香魂不屬墜樓者
卽是仙人萼綠華

素心蘭

蘭生澗底兩三枝
香送東風出谷遲
花若有情應太息
素心一片少人知

白桃花

厭看妖客倚嬌姿
冰雪容華不入時
楊柳樓臺明月夜
更無人處獨開遲

玉蘭

晴空雲歛絕纖埃
玉樹臨風萬朶開
行處忽然衣袂改
雪山瓊島獨徘徊

丁香

素面含情骨幹柔海棠呼婢最風流問渠百結春風裏
斜倚雕闌有底愁

繡球

認是枝頭雪未乾畫簾掩映晚生寒雙飛粉蝶迷難去
併作玲瓏白玉團

綠牡丹

姚魏叢中最上層清華更勝雪夫人幽姿應是歐家碧
洗盡胭脂萬斛塵

木香

小名曾喚錦綳兒風軟條垂壓架宜賈女濃香薰入骨

累予仰面立多時

梔子

素姿的的映波深
夕吹涼生舊蔔林
小婢折枝斜插髻
癡憨甯解結同心

白蓮

碧藕香濃太液池
冰華翠蓋影參差
輕盈莫作環肥看
素面應推號國姨

玉簪

冰魂雪魄費雕鏤
涼吹蕉陰瑟瑟秋
庭院無人苔滿地
是誰遺下玉搔頭

白秋海棠

涼雨零殘血淚痕
雙蛾淡蹙悵黃昏
金閨怪底吟頭白
日弔銀牆怨婦魂

秋葵

淡染鵝黃淡寫真
道家裝束淨無塵
似曾解得秋閨怨
故側金杯勸人

白菊

郢曲新傳白雪姿
霜天冷艷滿階墀
泉明信愛秋容淡
籬下人來送酒時

水仙

生塵襪自步淩波玉骨冰肌厭綺羅家在江南雲水窟
采珠拾翠寄情多

素心蠟梅

蠟丸暗坼晚香深宮樣黃疑月暈侵未向百花頭上放
飲冰早已抱冬心

白山茶

花深葉厚翠重重韻勝休誇鶴頂紅香國只君能耐久
雪天凝艷到春風

春閨曲

紗窗欲曙春陰重檐柳絲絲早鶯啁峭寒如水浸房櫳

更擁黃紬續殘夢畫欄杆外婢私語梨花狼藉過朝雨
樹色深含寂寞情鸚鵡無言梳翠羽薰衣起傍鏡臺傭
春恨無端春酒濃吩咐玳梁雙燕子花陰莫更訴東風

新夏詠物二首

鮒魚

一江腥雨長潮天雪白銀鱗出網鮮大府嘗新爭早得
南風五雨送冰船

蠶豆

桑陰土暖綠初酣珠顆停勻翠莢含佐啜新茶燒晚笋
可人風味擅江南

寶蓮庵雜詩十首

招提開數畝寂寞傍城陰潘岳閒居日三年抱膝吟

謂論

山兄

鳥影下寒林江光出深竹西窗時挂起目注焦巖綠
倚竹數歸鴉荒庭落日斜低頭驚見影瘦比古梅花
一面小樓開遙青延北固時聞甘露鐘飛來別嶺樹
石徑草長沒山扉雨不開更無人到處虛閣厚莓苔
人家烟樹裏寥落不成村清淺一濠水涼秋抱郭門
扣門漁丈人烟雨綠蓑深豈有沉淪感來尋澤畔吟
橫江營細柳北府舊屯兵萬馬秋風裏蕭蕭邊塞聲

烟靄起黃昏古樓出清磬心虛無一塵枯坐似僧定
風露動新寒淩江鶴聲警城上藤蘿月娟娟寫清影

題畫蘭

誰識香幽韻更清幾枝素艷露華輕由來空谷無人見
點染生綃上畫楹

閣上晚望

柳溪風動晚涼餘臨水樓臺入望初簾捲偶然牽薜荔
窗明剛是對蟾蜍道心寒蛩無波浪詩思閒雲漫卷舒
斜倚曲欄吟眺久卻同陶令愛吾廬

和笙山兄寶蓮精舍納涼

炎曦不到處彌勒一龕同小閣開林表雙峯入檻中蟬
聲幽澗露竹韻短籬風想見忘機客心清萬慮空

論山兄病起於書室中隨意點綴極有幽致偶成

二首屬和

新葺茅齋寄意賒重尋硯北舊生涯書因愜意看忘倦
詩爲消閒興轉加月上乍驚巢閣燕風來微漾插瓶花
藥鑪收拾開春甕休嘆滄江繫釣槎

風櫺虛白午晴餘棐几縱橫走蠹魚桐樹淨於清閼閣
蕉陰深比綠天居雨荒籬菊人同瘦霜落庭槐鴈共疎
借問長安行樂地可能高枕似蓬廬

春日送浣雲三妹之長安

驪駒歌罷戒行裝
岸上舟中兩斷腸
江樹停雲春黯淡
樓燈隔水夢悠揚
故園月送人千里
客邸書迴鴈幾行
待得郎君官貴日
早攜詩卷喚歸航

妹于歸同里徐孝廉彬時寓北通州

與論山兄浣雲妹別後感懷二首

春雨蕭齋長薜蘿
香殘燭燼夜如何
自從南浦扁舟別
一種離懷萬緒多

春晚河樓生峭寒
平臺月上共誰看
遙知倚枕凝眸處
衫袖今宵也未乾

過論山兄寶蓮精舍寄懷二首

徑入烟蘿曲禪關鎖白雲塵心臨澗洗清磬隔林聞古
砌生春草幽巖帶夕曛頻年淹屐跡未負北山文
苔閣斜陽淡懷人獨倚欄清班歸闕下幽夢繞林端修
竹新抽笋荒庭舊種蘭蒲團何日掃趺坐話長安

清明起雲閣卽事

錫簫吹霽曉烟輕小閣閒憑景物更楊柳弄青含夜雨
桃花吐白爲清明簾開迢遞延山綠樹罨高低散鳥聲
最是遙情難遣處杜鵑枝上月痕生

鴻鶴山莊題壁

園林不難創所難在基址山水有真趣穿鑿胡爲爾竭

來茲園游水石擅雙美修廊如縵迴傑閣憑虛起周遭
擁翠屏映帶有芳沚遂令俯仰間幽意淡如水雖無絲
與竹林鳥勝宮徵卻念構園人慘淡在經始豈惟入詩
意亦復叅畫理吾將藉粉本聊葺荒園裏

秋水邀野雲姪分韻

海色遙空碧蒼茫萬里秋夕陽孤棹去寒雨一鷗浮南
浦春天夢西津晚笛愁無情是江水日夜不同頭

夕陽

遠峯凝暮靄涼樹帶斜暉笳吹戍樓發鐘聲鄰寺微蕭
蕭殘葉下閃閃亂鴉飛太息黃昏近此情知者希

附野雲作

竟接長天色澄鮮徹底清爲涵霜氣冷不受月華明
人與蒼葭遠波隨落葉生尙餘春草在池上夢難成

秋水

已是傷遲暮斜暉又滿巖亂鴉飛不斷片片挂征帆
江遠寒潮瀉峯危古寺銜樵人歸欲盡獨醉倚松杉

夕陽

杜鵑樓懷古

十三松前唐竹邊杜鵑花發紅欲然花香鳥語一時寂
至今春雨空樓懸樓空仙去花枝老佛案香烟空裊裊

五更彷彿杜鵑啼月照荒山鳴怪鳥痴情還想玉生烟
絳宮黃鶴招飛仙頃刻優曇花復現樓上春光如昔妍
讀書臺懷古

書聲不可聽荒臺今尙畱山頭銜落月澹比燈光幽憶
昔梁儲君姸雅誰與侔性僻屏鐘鼎耽書托林邱一唱
復三嘆梵音相與酬校讐破萬卷文選精雕搜至今千
載下吟魂應來游登臺緬遺跡空聞牧豎謳松濤畱古
韻鸝語偏輕柔誰知荆棘間嘗駐青宮騶攜柑者誰子
地下招朋儔

起雲閣納涼

小閣溪風度微微送晚涼疎簾邀月色清簟襲荷香詩
思因愁減更籌共話長篇成如織錦珍重入奚囊

雙梧書屋題潘蓮巢臨倪高士雙梧小景

居士雲林之後身偶然落筆妙通神二分秋色三分雨
中有微颺冷襲人

揖青臺秋望有懷浣雲妹與野雲姪分韻

歛盡雲羅玉宇清平臺人倚夕陽明鳥邊山色供幽賞
風裏砧聲動遠情籬菊幾開書荏苒關河千里鴈縱橫
擬偕小阮攜琴劒八月乘槎達鳳城

與野雲姪話舊有懷浣雲妹

謝庭羣從快同遊覽舉才高共唱酬
春雨梅花閒中酒
夕陽燕影悄登樓
池塘草綠難成夢
院宇鶯啼易惹愁
此日西牕重話舊
燕臺人去已三秋

與野雲姪別後卻寄

暫歸三五日未足話離情
孤雁叫寒雨遙天放晚晴
硯塵憐寂寞燈燼助淒清
料得書齋客新詩個儻成

雙梧書屋坐月

散步迴廊玉漏殘
涼蟾如水浸闌干
可憐苔院秋花瘦
不耐深宵露漸寒

戲簡仲妹乞箋

五鳳樓成屢策勳難兄意匠不如君連朝茅屋須修葺
欲乞西川一片雲

殘雪喜晴書寄閨友

殘雪瓦溝明西風忽送晴屐痕深淺迹簷溜有無聲
苔迳新泥滑梅叢凍雀爭閒摹右軍帖因使寄鷗盟

平臺春望

淡蕩東風宿雨晴平臺景物最移情幾枝露蕊欹墻出
萬縷烟絲隔水橫遠岫半呈螺黛影柔颺輕度鳳簫聲
等閒一放登高目消得春愁句亦成

石帆樓懷古

海門東望五峯橫萬頃滄波掌上平
高擁樓臺摘星斗
遠開屏嶂列蓬瀛烟霞不着興亡色
草樹猶含戰伐聲
南北詞臣幾回首傷心只有庾蘭成

狠石千年尚有名孫劉霸業竟何成
平原笳吹秋圍獵
大海風濤夜渡兵天際危檣來遠舶
雲中古堞起嚴城
自慚登覽無椽筆斜倚高樓詠晚晴

登凌雲亭

孤亭高翼海天中小立身如燕受風
天塹雲連秋水濶
石帆峯受夕陽紅鐘聲塔影招提在
鐵騎金戈霸業空
登眺無端歌慷慨古來巾幗總英雄

暮春和芭香妹原韻

忽忽春將去芳園事漸非
綠肥紅愈瘦蜂倦蝶還飛
中酒宵涼淺鈎簾暮雨微
子規眞抱恨只道不如歸

芭香妹原唱

三月芳菲節韶光半已非
林花經雨散梁燕引雛飛
着水楊枝瘦沾衣竹粉微
聲聲聞杜宇莫漫促春歸

題二喬觀兵書圖

破曹何術趁東風有美同
叅虎帳中一怒紅顏都斫案
漫誇夫婿擅英雄

辛丑夏卜居千秋橋畔遇蔣尺玉女史率賦四首

有序

予生不逢時命途多蹇屢罹家難顛沛瀕危挈具攜
童暫寄江干之陋室傾欹卑濕不可言矣感庾信之
小園賦之無益悵陶潛之菊圃歸去何期又值梅雨
連綿愁懷頓結偶遇東鄰林媪蔣氏名媛才德素優
詩畫雙絕聞名既久相見恨遲敘及尊公鐵琴先生
與先君爲總角交則夫人是吾姊也感今傷昔不能
無詩

掃眉才子古今聞未有丹青妙若君貌出真仙神奕奕
岳陽樓上酒微醺

卅年交誼未相親
此日相逢感舊盟
話到兩家遺墨在
不須開卷已吞聲

昔年姊妹處深閨
竟日攤書不啟帷
一自燕山人去後
池塘春草綠葳蕤

千秋橋畔寄蝸居
琴韻詩情半載疏
何意閨中逢蔣詡
相期補讀未完書

聽雨有感

小屋傾欹雨不禁
似聞銅漏滴清音
家徒壁立貧非病
賴有相如賣賦金

夏日懷浣雲妹

斜景淡高梧涼風度疎牖歸燕語喃喃幽人倦長晝畫
欄頻徙倚念別情難已天南天北心蘊結同如此我與
之子別七載只須臾春風怨楊柳秋雨感蓴鱸歲月日
已徂相思日已苦曉看南山雲暮望西津樹今年魚雁
杳幾見月團圓檢點舊緘在微吟殊慙歡人世輕離別
那識愁滋味偏我最工愁孤懷日憔悴

聞論山兄典試黔中書以寄賀

屢夜文光耀碧空星軺銜命指黔中白天雨露新
恩重題柱風流夙願雄華省絲綸停彩筆滇池烟景入
詩筒牂牁珠玉搜羅遍好捧賢書達九重

牙旗絳節擁朱輪天使行旌曙色新粉署薇垣攜翰墨
碧雞金馬駐詞臣峯多文筆黔中鍾人傑胸有冰壺洗
宦塵應慰泉臺相望意門牆桃李笑芳春

和浣雲妹簾鈎四首

曉鬟慵理怯微風深掩鰕鬚薄霧中宛似修眉低映水
恍疑初月半藏弓斜牽竹影流香徑輕憂花魂醒露叢
不礙畫梁雙燕子飛來飛去霧綃空

綺閣沉沉隔小山半規微露綠楊間偶防吹雨斜侵面
深恐撩雲卻傍鬟重似金釵雙股曲輕輸犀角一痕彎
畫欄杆外端相久搖漾湘波浸玉環

曳霧拖烟燕剪分鏗鏘時向靜中聞
宕開湘浦三分月鎖斷巫山一片雲
雙影參差驚宿鳥瘦痕挑逗散濃薰
綺疏掩映迴燈看彷彿鴛鴦蹴浪紋

重幃深下蕤蘭釭風竹聲聲和玉腔
無睡已憎簷馬碎有懷不釣錦鱗雙
卻虛羅襪淩烟渚頗似寒虹飲練江
好共護花鈴索繫殷勤常伴讀書窗

浣雲妹原唱

眉痕掩映霧綃空曳影拖烟近綺叢
一角斜牽犀劃水半規疑墮月畱弓
莫驚魚鑰傷春後鎮鎖鰕鬚病酒中
誰見杏花欄檻裏徘徊欲上怯東風

起雲閣詩金
分明劈破玉連環
釵股還敲玳瑁彎
有意參差邀半
面無心舒卷任雙鬟
空閨似擲流黃速
禁院頻窺屈
戌閒不鎖芳香偏鎖恨
一聲驚恐隔蓬山

輕籠象眼瘦裁筠
箋詠桃花坐晚薰
銀蒜條條懸皓
魄珍珠面面控晴雲
藏時卻訝波心露
響處渾疑步
底聞徙倚闌干嫌露重
玉纖斜挽醉三分

瘦影頻侵玉女窗
寒虹一一釣湘江
珊瑚網斷蛛絲
串翡翠分開燕尾雙
梧館蕭森傳落吹
簷鈴淅瀝鬪
金腔無心莫怪驚香夢
解和琴心入夜釭

起雲閣詩鈔卷二

古今體詩七十九首

寶蓮庵詠物二首同茝香妹作

盆松

黃海飛來兩蟄龍
生公一喝着孟中
霜柯鬱似蟠千尺
翠蓋森如倚半空
捲幔濤聲過硯沼
移燈雲影上屏風
嚴寒曾不須迴避
老幹生苔儼漢銅

盆栢

武侯廟裏根應古
學士堂前夢豈虛
偃仄胡爲辱泥土
婆娑況復伴鐘魚
一條碧玉牽難曲
幾疊青雲鬱不舒

任是梁材充未得輪囷楓柳又何如

題桐陰課子圖

高梧月淡露華清黃卷青燈坐五更想見孤雛依玉案
柏舟誦到最傷情

畫荻丸熊夜夜勤女師心苦古今聞誰言閨閣才人少
扇我清風已有君

題采采蘋藻圖

平湖水暖逐輕鷗翠葉紛披取次收不似吳儂採蓮舫
歌翻鏡裏不知愁

采得溪毛薦豆籩果然風範似前賢僮僮被服誇莊麗

咏絮才華更足傳

題鏡花雪月四美圖各二首

對鏡

溫暾流照上疏櫺乍捲珠簾啟翠屏映月淡描眉黛碧
臨波鬆挽髻雲青一塵不障分嬌面雙照無言惜妙齡
疑似紈裁宮樣扇自摹小像愛伶俜

悄對芙蓉遠黛輕卿須憐我我憐卿怨拋珠淚休相望
媚轉秋波倍有情捲袖茜衫翩弄影迴腰金佩細聞聲
分明奔月姮娥在未信粧臺照影清

對花

鳥喚紗窗曙色新步過苔徑愛韶春花迎翠黛低含笑
枝鞦韆香肩倍可人映水輕盈情共永臨風旖旎色同勻
殷勤欲向羣芳問誰與兒家作後身

香國綢繆歲月長東風先與試梅妝葉侵綠髻添雲艷
花映紅潮助粉光銀甲彈絲驚蝶夢歌喉裊雪笑鶯簧
金閨春恨知多少閒倚闌干欲斷腸

對雪

卻寒簾捲釧聲涼閒踏瑤階步步芳夢已羅浮驚斷續
詩應道韞費平章風前絮舞斜眠影林外梅飄點額妝
日暮含顰綠底事封侯有客戍遼陽

寒凝山石漏玲瓏瓊樹琪花入望中
凍合玉樓臨薄暮
潤沾翠袖舞迴風
低幃悄聽笙簧炙
倚檻頻憐點翳空
輕掃闌干迴盼處
恍疑身在兔園東

對月

乍覺清光臉際流
桐陰鋪水滿庭秋
翠鬟霧濕難禁淚
玉臂輝寒易惹愁
午夜砧聲催白紵
丁簾簫韻落紅樓
前宵偶露眉痕細
月亦如人蹙一鉤

桂魄沉沉夜漏闌
淩波微步影生寒
光浮笑靨花容膩
暈入情波玉筯殘
素腕玲瓏初雪藕
縞衣淡雅鎮吹蘭
嫦娥惟有相憐意
金闕峩欲到難

初見白髮

清晨攬鏡一長嗟去日堂堂負歲華
貧裏未伸烏哺願鬢邊已見素絲加
世間榮落如朝槿眼底飄蕭似晚花
便是龍鍾原不惜只愁詩學未承家

秋日雜詠十九首

秋雲

秋霄翳雲葉一段素羅橫無端爲振觸似寫世人情

秋雨

簾幔雨千家江郭愁雲疊騷屑是何聲蕉林接梧葉

秋河

銀燭畫屏寒針樓夜初永星河一道斜達曙耿清影

秋草

秋風淒以厲秋草寒更綠落日向古原支筇縱遙矚

秋柳

踈地向春前不解傷離別西風殘照中愁思渾如結

秋蘭

蘭葉秋葳蕤擢莖在空谷自非抱素心餘香豈殊俗

秋苔

玉階侵白露下有苔錢鋪美人倚畫欄涼翠印纖趺

秋蟲

切切復沉沉寒螿傍戶吟有人燈畔坐何處訴愁心

秋螢

丹鳥入秋稀商飈掃涼影偶看稻花下閃閃青光冷

秋雁

霜月夜新寒殘夢五更覺愁中孤雁聲心飛去邊朔

秋鷹

錦韞邳都鷹猛挈得未曾曠野故茫茫狐兔逃薪蒸

秋鷗

皂鷗盼青雲一舉離風塵嗟爾燕雀輩處堂解依人

秋池

池上一夜雨苔錢新漲痕可憐芙蓉花於邑向黃昏

秋田

村村欣納稼築場堆穰稬大田遺穗多夕陽羣鳥下

秋墳

薄暮經蒿里翁仲仆高壘不聞鬼唱詩但見烏銜紙

秋角

麗譙霜角聲故壘開新營聞此不能寐誰人願請纓

秋燈

燈炮續斷帶夜涼常睡遲寒牕廿年苦除爾更誰知

秋扇

走學問詩金卷二五
班姬怨團扇易向篋中投應知有代謝時過俱當休

秋帆

秋水遠連天風斜帆葉偏歸人船上穩愁煞望歸船

寒夜吟

雪屋寒燈度三九水冷紡磚難着手長裘萬丈厦千間
願大難償化烏有茅龍未補風夜號驕兒讀苦紅女勞
憑軒放眼繁星高我獨何爲隕蓬蒿

新年寄懷浣雲妹和去秋見懷原韻

偶看舊札似逢君更入新正悵離羣迎歲梅開前度蕊
懷人心逐遠空雲雨晴不定初春候消息難憑異地聞

知否昔年分手處柳絲拖水綠紛紛

酴醾分韻

酴醾一架澹斜陽庭院深深白雪香素蕊伶俜渾入夢
冰姿婀娜不勝妝月華淺映疑無色春事將闌黯欲傷
若論丰標誰得似朝天虢國五銖涼

卽景

下帷好是暮春初與古相親與俗疎幾帙縹緗消永晝
半峯晴翠落衡廬韶光溪水流難住愁思窗蕉卷未舒
燕子飛飛空惹恨天涯何日寄雙魚

初夏有懷

槐陰遮閣暖風徐櫻筍江城入夏初梁燕有情窺舊主
谷鶯無語悵離居柳條又贈淮南別時秋山弟雁足難
傳薊北書幾許幽懷閒自遣遙天望斷渺愁予

積雨懷芷香妹

雲壓城頭作暝陰閒閨鎮日聽愁霖西南路斷無消息
思比清溪一尺深

過汪桐君女史宅卽贈

閨閣論文獨有君許從蘭室挹清芬窮途最幸逢鶯友
雲路何期接雁羣風細殘紅過院墮雨餘香草隔牆薰
漳濱卧病無人問深感諄諄慰藉勤

病中寄懷浣雲妹

我病轉憐君相思寄短吟蕭條風雨夕咫尺別離心弱
質憑誰倚長愁祇自任孔懷情頓切不覺隱憂深

聞論山兄典試東粵書此寄賀

星使詞曹際會難又承

恩命出臺端

癸卯主
試黔中題橋已

遂相如志操鑑頻登六一壇此去珊瑚收鐵網他年桃
李傍雕闌摩崖沿路添新詠好附秋鴻遠寄看

和論山兄典試東粵見寄原韻

玉牒銀潢署絕塵

時任宗人
府主政

皇華新遣動朱輪量材有

尺無餘子發策多才少和人卿月行空春有腳使星度

嶺鳳為鄰

謂同恭蘭岩太史

知君懷抱冰壺徹肯為莊荒負此

身

論山兄原唱

陌上槐黃捲作塵涼陰如水送征輪三年兩奉皇華

使百歲猶為綠髻人

予年四十又七未見二毛處處以百歲計之猶為少年也

爪泥來印跡

寓館多癸卯翩翩鸞鳳許為鄰前後同

恭蘭岩酒樽詩卷隨行具依舊情狂自在身

送茵香妹游杭州

妹丈張舸齋司馬率澹生姨姪同游

西湖好是桂花天況復偕遊得兩賢面水林亭三竺路

尋山書畫六橋船白蘇詩外翻新句梁孟溪邊續舊緣

更羨膝前雛鳳美趨庭公子自翩翩

初冬感懷

千里音書斷雁飛御冬無蓄採山薇生涯已是同原憲
才思何堪比令暉久病因循詩脫稿初寒撿點絮裝衣
眼前莫漫悲搖落喜見烏雛薄暮歸

歲暮有懷

急景崢嶸歲又闌條條冰筴映紅欄閒如陶穀烹殘雪
卧比袁安耐苦寒千縷離情縈尺素連宵清夢逐征鞍
西窗剪燭渾如昨迢遞關河雁度難

題秋燈課女圖

誰識閨中女傳賢飲冰茹苦度華年柏舟舊誓貞松節
梧館還賡詠絮篇雲外冥鴻悲寡和膝前雛鳳慧堪憐
披圖觸我當時夢猶記篝燈課選年

春蔬四詠

諸葛菜

翠蘆埋雪泥春暖墻陰吐紫苞猶未開脆滑殊不苦菜
把撥疎籬厨香烹細雨如何去南陽千秋依老圃

芹

蒜山山下田泥肥新雨足燕子乍來時出水芹芽綠名
擅青泥坊香逾碧澗曲堆盤長寸許小助酌醺醪

薺

春泥生百草野薺蔓平塲村童挑滿筐門前動妍唱冷
烟寒食節帶土鄰翁餉堇茶甘如飴詩言果非妄

韭

早韭茁春初先從小畦見霜露動淒愴家廟辛盤薦稍
稍剪夜雨點綴黃柑讌掉頭長尺許春去疾如箭

己酉夏遠兒將應試日以長律爲課擬作示之

芙蓉出水

儵儵方塘好芙蓉出鏡奩露凝晨葉卷風過午香添嬈
嬈凌波艷溶溶漾影纖洛如同綽約湘女比端嚴初日

走雪閣言金 卷二
常分照汗泥自不霑涉江思薄采輕舸載銀蟾

日華承露掌

宵露盈仙掌朝曦射眼明祥輝浮玉液寶氣絢金莖彩
煥晴霄迴光分曙靄清瞳矐方對照的皪正高擎白具
淩雲勢時深捧日情有人攜彩筆五色賦初成

簾疎燕誤飛

美爾呢喃燕翩躚傍畫檐子飛依小閣因誤入疎簾錦
額分襟映鰕鬚落剪纖錯從珠箔底偷過玉鈎尖掠處
湘紋靜銜來柳絮沾祇緣尋舊壘凝睇認香奩

玉女披衣

上清傳玉女欲雨乍披衣不覺霓裳舞偏同雲錦飛迴
腰初灩灩拂袖漸霏霏彷彿冰紈淨分明雪縞圍鬟垂
憐帝子襟濕笑湘妃凝睇珠簾外絲痕散處微

楓落吳江冷

江渚商飈急蒼茫欲落楓吳天低薄暮楚水冷遙空蕭
槭非關雨飄飄盡爲風着霜憐耀錦沾荻嘆飛蓬濤捲
千林赤潮迴半岸紅停車思放棹隻句儘能工

送野雲姪遊越

金飈夜發火雲沒一枕朦朧夢甌越甌越迢迢千里餘
烟巒縹緲開天闕御風髣髴入元都鏡水稽山行更歇

走雪屋言金 卷二
天雞一聲仙夢醒屋角斜懸半輪月乃知此事非無謂
心記阿咸將遠涉皎皎吾家玉樹行詩才俊逸凌王楊
浙東山水借模範萬言落紙生光芒勸君長路開懷抱
蘭亭禹穴先探討因風迢遞寄詩迴好爲愁人遣昏曉
辭壻漢原讀予近稿見贈二律次韻酬之

蕭蕭陋巷賸簞瓢忽忽愁中歲月消祇恐書田愁竟廢
敢云貧境力能超工夫老我參三昧珠玉多君落九霄
勸學慣同兒輩說秀而不實愧良苗

佳句圓如珠走盤更工楷法寫冰紈果然玉潤求非易
莫道金精鍊不難有女清華比穠李此生警欬是芳蘭

彩箋雜誦渾忘倦
燭燼香消玉漏闌

漢原原唱

綠窗閒倚檢詩瓢
讀罷清言意也消
自是賦梅家法
近還因詠絮俊才超
胸羅經史高
文苑墨化烟雲入
絳霄半子趨庭慚
襪線焚將筆硯笑
君苗

大小明珠落玉盤
光華處處燦冰紈
青燈挑去推敲
久白雪歌來繼美
難願借春風被桃
李欣瞻香靄蔭

芝蘭

令嗣工詩
皆由慈訓

湘波深鎖斜陽晚
三復瑤編興未闌

芭香妹近住攝山寄贈四首

中年家累暫能拋
雲際精廬月底敲
五字吟殘九秋色

一囊游草倩兒鈔

最高峯下好烟霞松石陰陰澗壑斜想見鹿門偕隱客
楓林夕照屢停車

竹石幽居意最幽玲峯佛嶺費雕搜試從春雨橋頭望
樹色深含六代秋

話山亭上韻牌分大雅清裁迴不羣

承寄話山亭示兒一篇深得古大家

意遠江令當年才頗費較量風格不如君

贈秋亭女史四十

蓬萊佳氣鬱山堂采木初稱介壽觥蓉菊霜晨含古艷
芝蘭秋谷有奇芳好詩千載畱佳句名媛三吳祝辦香

愧我俗緣猶未了樓居何日近華陽

女史家句曲

題種菊圖

種菊芳園遠世情高風端不減餐英五更汲井新分種
九日開樽乍辨名竹徑陰陰涼雨過蘆簾寂寂晚燈清
滿城解鬪秋容麗只有君家譜最精

題烟波共泛圖

西塞山前張志和烟波淼淼一漁簑浮家合共神仙眷
偕隱真稱安樂窩千頃湖光搖彩筆四圍嵐翠入微哦
笑他牛女長離別偶借烏橋渡絳河

初冬懷論山兄

清風已戒寒歲事亦云迫
落木影飄蕭歸鴉飛往復
望遠獨憑高霜痕淒滿目
潮長江茫茫烟浮山簇簇
我有白髮兄遠宦燕山曲
音信日以疎流光去偏速
陟岡歌未成含毫淚相續

登日精山亭同苙香浣雲兩妹分韻

暮靄蒼涼眾鳥還孤亭高出萬松間
西風雉堞笳聲咽落日螺峯黛色班
十月梅花官閣興學舍在山下滿林霜葉
酒人顏城中登眺多高阜此是城中第一山

小春望後二日同苙香浣雲兩妹集詩譜亭適鴻

起姪自浙東歸夜話聯句

越水吳山聚首遲晚歸舟剛值小春時竹林韻事還重

續荏蓮幕才名久擅奇池草十年惟有夢浣桂花一折

尙無期鷓鴣雛且喜沙邊歇鴻驥足終看日下馳世事難

憑休慷慨晚塵容無改慰相思挑燈更試生花筆荏映

水同斟泛綠卮賦茗初心聊復爾浣穿楊壯志笑徒爲

低徊客路傷情緒鴻迫切華年惱鬢絲歡會卻憐風轉

燭晚團圓欣對月盈規遺書插架何年讀荏往跡從頭

不可追寒燠循環人漸老浣萍蓬飄泊歲空移聯吟鄭

重良宵永鴻明日分攜未可知晚浣雲妹將赴句曲學署

直指庵探梅

一枝斜更好修竹密編牆全放轉無色將開時有香茶
烟縈樹起蜂影趁晴忙夕照淹花塢春光定可藏地近藏春塢

哭笙山兄二首

嫋嫋秋風日夕吹傷心折斷紫荆枝知非豈待蘧瑗歲
兄年四十九悟道何如茂叔時征雁排雲燕塞遠孤鸞泣雨
楚詞悲慈親未遂佳城卜先慈尚殯寶蓮庵側地下相從了此

期

劉家兄妹最傷情骨肉關心共五人執手淮陰難判袂
丙午年論山兄典試東粵兄於寄書雷岸幾傷神兄客臨淮把晤泣別依依竟成永訣

屢寓書
問訊

羣推鮑叔能分惠我服袁安最耐貧
愁見遺孤紛滿眼寸腸摧折似車輪

題畫蘭使面

移根九畹露初融
紈扇分明擷秀叢
不學騷人紉作佩
置將懷袖引清風

題柳蟬小景

碧柳陰陰暑氣微
章臺秋色滿斜暉
最憐蟬翼多情甚
涼抱風枝不忍飛

和論山兄暑窗四詠

蟬

淒清吟徹綠槐中
嚙嚙聲從隔澗通
穩占高枝餐曉露
愁棲黃葉咽秋風
漢宮差比豐貂貴
齊女應知色相空
偏使客懷驚物候
燕山迢遞寄詩筒

螢

三生幻跡託荒墟
閃閃疎星點太虛
百斛隋堤明翠輦
一囊車氏照奇書
風驚紈扇流光遠
雨入湘簾度影徐
盡夜徘徊紗縵外
分明爇火耀吾廬

蚊

晝從草澤共藏身
薄暮如飛萬斛塵
聚響成雷隨熱客
刺膚徹夜惱幽人
紗幮香細驅應盡
紙帳風開攪太頻

莫漫自矜長喙利西風回首雁來賓

蠅

任教逐去倏還來終日營營豈有猜窗格偏欣鑽故紙
畫圖屢誤點纖埃趨炎不畏揮紈扇趁飲何堪近玉杯
驥尾漫云頻付託須防凍隕北山萊

論山兄原唱

冠綏天遣出塵中流響真疑碧漢通已是啼殘九秋
月不禁淒斷五更風翳憑一葉藏身易九轉三生結
習空好語人間小兒女莫將機巧事黏筒

蟬

隋宮唐殿已邱墟歲歲螢光點碧虛敢向簷楹亂星

宿暫將光影借琴書綠莎雨重穿簾澀羅扇風輕度

閣徐最是杜陵愁見汝滄江白髮憶吾廬

螢

長喙偏能飽細身輕於蛄蚋巨浮塵碧紗幬裏侵齊
主青草湖邊困麗人繞鬢有聲來乙乙切膚如語訴

頻頻莫矜夜出從蚊母一掃秋風有雁賓

蚊

暫時麾去復飛來無事煩人最可猜逐處不須銅有
臭點成能使玉生埃淋漓偏喜沿池墨齷齪何堪上

酒杯也怕炎涼時節換一般癡凍隕蒿萊

蠅

詠簞

蘄州薤葉帶霜清小閣茶烟一榻橫潤展竹窗攤午飯

涼鋪蕉館聽秋聲
美人春睡畱紋細
處士閒眠引夢清
月透文疏教滅燭
要看湘浦夜波明


秋懷


秋草着寒綠
秋卉含幽姿
雖然未衰謝
已後春華時
念我同懷親
于飛各分枝
咫尺不相見
何如遠別離
涼風日夕至
吹我素羅衣
開簾望秋月
吟苦增相思
相思復長吟
苦伊誰知耿
耿斜漢明
涓涓清露垂

以下闕

闕

赴學閣詩金
卷二
夫





5235.8/4591

2

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

DEC 2 1954

京江鮑氏三女史詩鈔合刊

起雲閣詩鈔卷三

古今體詩七十一首

感懷五首

鬱鬱幽巖松托根非不高生小蘊秀色凌寒時作濤移
根忽澗底蕭艾生周遭自非挺勁節焉能拒摧凋冰霜
待閱歷天豈屯其膏人事多轉移尋思心鬱陶

先聖昔有言處貧難不怨是貧非是病名語服原憲人
生天地間那得長貧賤送窮鬼揶揄求富神厭倦得喪
任自然茹蘖使心鍊

朱門世家子炫服乘華車偃蹇窮巷士抱甕餐蠹魚榮

悴迫相懸雲霄視泥塗安知賤易貴反覆在斯須貴者
勿自貴禍患生歡娛賤者休自賤被褐懷瑾瑜

班昭續漢書小儒不敢議頌椒詠絮者名實又其次古
來閨閣中賢媛富才思嗟予嗇所賦守此挈瓶智青緇
父兄業衰朽弗能嗣憂來投筆起俯仰惟內媿載瞻課

選樓

先徵君藏書樓名

臨風潛制淚

春殘桃李萎秋老芙蓉死人生異草木名存信爲美昔
賢擅著作山林稱外史華屋雖傾圯高名切雲起予生
慚自炫不敢名一技深居惜姓字未肯題寸紙寂寞身
後名浩浩東流水

南郊紀游十首

鴻鶴山莊

鴻鶴已飛去蒼蒼山徑幽霞邊千嶂紫鳥外一林秋曲沼涵虛閣華雲傍綺樓摩挲漢時柏殘墨米公畱

寄奴泉

六代繁華地而今剩古泉儘餘蒼蘚迹漫說伐薪年霸業隨流水荒潭冷暮烟潛龍歸大壑千載碧潺湲

杜鵑樓

昔聞殷七七秋日幻春花今我尋芳徑高樓散綺霞窗含山太古庭蔭樹清華想像眞仙跡荒林噪暮鴉

讀書臺

書聲長寂寞隱隱石臺存猶見梁時月難招帝子魂松
風傳逸韻澗水澹心源著作當年富山中誰共論

竹林寺

白雲紅樹鎖禪關萬竹森森一衲閒仄磴梯空宜曲折
兩山夾寺妙迴環龕眠古佛樓常閉泉引林公水自潺
過嶺遙知僧飯候鐘聲縹緲破烟鬟

鶴林寺

野竹淩風上碧霄山容寂寂對僧寮蒼松半禿猶聞籟
黃鶴高飛尙可招樓紀名花開玉蕊井畱幻影漾珠泡

伽藍喜有顛公在寶墨淋漓四壁饒

招隱寺

戴公卧處碧雲深招隱山空直到今挈榼客來鶯又囀
讀書臺圯蹟難尋寒泉帶雨龍噴澗古樹驚風虎嘯林
遊讌不須絲竹盛千秋山水有清音

蓮花洞

幽巖應是五丁開蓮萼疑從玉井栽藕想如船通地脈
花偏似座傍經臺谿衍石綉苔錢古深淺沙穿鹿跡來
趺坐誰能甘寂寞閉關須見道根荄

八公洞

知是淮南舊侶儔遠尋澗壑此偏幽雲歸古洞涼封戶
樹罨層巒綠浸樓瀑激寒濤緣徑曲松飛清籟接天流
仙踪不識何年逝空有精廬幾處畱

獅子窟

蒼崖削劣蝕苔痕窟宅人疑猛獸蹲半嶺風號深谷應
一龕僧定晚雲昏湖光暗向松根動江影遙從足底奔
笑問頭陀曾怖否鐘魚靜後虎敲門

擣衣曲

鄰砧夜半聲蕭瑟弱腕纖腰倦無力花裏迴飈拂畫欄
響雜輓轡聞歎息征夫六月赴遼陽觸熱身披鐵裯襠

此時關塞多繁霜秋衣未寄棉誰裝一聲兩聲搗心碎
千儂何事虛垂淚

寒月

珠斗淡無色冰蟾寒更明連宵作風暈一片照江城隔
竹穿櫺白含霜到曉清誰家正橫笛因動玉關情

同論山兄茝香浣雲兩妹月夜話舊次茝香韻二

首

雁行團聚憶垂髫初學論詩共綺寮春擘濤箋題芍藥
秋聽雨葉詠芭蕉承顏膝下歡情洽把袂花前樂事饒
回首卅年渾似夢多愁贏得髩絲凋

話到傷懷別最難
中年哀樂太無端
巢成雛燕將春去
天遠征鴻振羽單
廿載萍蓬重聚首
幾宵月露共憑欄
應知好會須珍重
轉眼清光又獨看

芭香妹原唱

阿兄弱冠我垂髫
問字朝朝近綺寮
看寫烏絲傾白墮
替研墨瀋賦紅蕉
燈前伴讀書聲遠
堂上承歡樂事饒
彈指忽過三十載
相逢莫訝髩絲凋
此生端覺別離難
廿載方成竟夕歡
佳日儘多塵事擾
故巢雖近雁行單
青年江上同分袂
華髮花前共倚欄
莫放深宵明月去
鄉園容易得同看

和論山兄新正過飲綠山堂小集原韻

芳園臘盡綻朱茶
柳漸含黃草漸芽
平子工吟清似雪
參軍老筆豔生花
樓臺向暖春常駐
松柏凌寒歲又加
酒罷鳴騶催上道
莫嗟薄宦到天涯

論山兄原唱

一樽檐外對紅茶
草已蒙茸柳已芽
藹藹停雲浮竹徑
霏霏香霧濕梅花
春憐歸客來偏早
老怯新年到漸加
莫厭頻過還泥飲
明正此日又天涯

題雲根山館詩集後

聞說城西左太冲
少年詩筆冠江東
詞霏玉屑人如菊

筆浣銀河氣似虹

聞有銀河洗筆小照

六代鶯花歸錦帙

君曾僑寓金陵

三都典則紹宗風劉家姊妹推予長垂老拈毫惜未工

秋亭女史招同論山兄浣雲妹集茝香妹飲綠山

堂卽席次原韻

山翠和烟入閣濃佳時歡聚莫匆匆工詩閨閣來蘇妹
作賦園林繼庾公座上芳樽聯舊雨堦前新綠度薰風
連枝更樂逢仙侶雅集西園興畧同

秋亭原唱

高閣臨山萬綠濃知音話別太匆匆

浣雲將返句曲開窗雲

外飛青鶴傾蓋花前識鉅公

謂論山先生

詞翰舊欽蘇氏

筆言容常接謝家風相逢莫訝相親甚難得金樽此
日同

山堂文譙極盛次日茵香妹仍聯雅會適夢樓先
生至各賦一章

雅集圖成興未窮西園還許鬪詞鋒重吟道韞風前絮
更接維摩世外踪新綠纔沾朝雨潤遙山忽染晚烟濃
酒樽詩卷須珍重星聚連宵不易逢

北固山樓望雨二首

畫裏江城霧氣濃蒼茫獨立亂雲封山迴別嶺波三面
雨暗深林綠萬重圖岫烟籠迷島嶼海門潮立挾魚龍

上頭昏黑人難到隱隱時沉澗壑鐘

冥濛一氣但霏烟雪浪排空海接天獅象踞江埋黑霧
蛟鼉跋浪起深淵吳宮花草沉何處隋苑旛幢黯昔年
待得柳黃桃發後快晴來放米家船

秋月潭同浣雲妹分韻

秋月不常圓清潭白澄澈風雨海上來搖動蛟龍窟長
江隔潭水匹練襟吳越天影落清波星光動林樾蕩漾
兩浮玉鐘鼓聞天闕何如古潭靜百尺貯芳潔皎皎空
人心坐對清興發

多景樓

崔巍北固凌長江樓臺天半雄南邦就中多景最奇特
嵐光波影紛當窗南山悠然盡奔赴西來五州勢未降
金焦對峙若湧出海門迴抱獅象雙隔江瓜步罨晴靄
烟橫隋苑迷旛幢檻前石帆倚鐵柱月潭一碧藏吳艘
柳溪半涸晚潮入松濤颯沓喧石缸登樓景曠筆嗟弱
龍文百斛憑誰扛

賀芷香妹生孫之作

通德門高瑞應奇鳳生雛鳳百花時早看玉樹森三徑
又見蘭蓀秀一枝玉燕昨聞徵吉夢石麟今已識英姿
他年繞膝分甘暇畫荻傳經兩世師

白鶴觀看牡丹

磨門無白鶴擁樹有丹霞十畝松風院千秋穀雨花座
傾三雅酒徑簇七香車堦下蘭溪水清光似若耶

過五州山翠巖室

五州深邃處樵徑晝森森屋後瀑聲細樓邊石氣陰塵
牀餘病衲苔院下幽禽坐久山逾靜澄觀見道心

送論山兄假滿北上

棟花風裏送征鞍握手河橋淚共彈東國春寒成獨往
南樓月好與誰看晤言一載追歡淺離緒千端欲話難
後夜思君邈千里鴈行淒斷路漫漫

和論山兄渡河見寄原韻二首

握手鄉園憂喜并
又乘春暮賦長征
萍踪聚散添華髮
鴈影參差感紫荆
撼地河聲人待渡
滿天離色鳥呼晴
百年良會應能踐
愁見書樓暫鎖楹

卅年五度別西津
南北關心去住頻
梁燕補苴紅壘薄
江魚來往綠波勻
酬恩豈在沾微祿
報國應須致此身
伫盼明年疏傅返
滄江一浣素衣塵

論山兄原唱

江雲燕樹迥難并
垂老孤蓬又遠征
兩地關心俱骨肉
百年迴首有柴荆
牛邊草色猶新土

時葬慈甫畢

先鴈

外霞光正晚晴惆悵遂初何日賦小樓重閉鎖書楹
沙鳥風帆幾問津竭來相喚渡河頻春流未復灘猶
露夏麥將登雨正勻落日知途存老馬半生識字誤
吟身一辭南國鶯花去依舊東華踏軟塵

過訪無波閣女史卽贈二首

雨餘草路綠生烟得過幽居豈偶然山色西南開畫本
濃青齋送到吟邊

幾回讌集庾家園暫敘幽情轉惘然恰好河樓對知己
一甌花露夕陽天

論山兄別後感懷

淒淒風雨送行舟心逐帆檣日夕愁偶過謝庭觴詠地
夕陽飛絮怕登樓

題陳滙川表兄小照

長安車馬浙江濤游倦歸來興更豪風骨清蒼廉士潔
襟懷爽朗孟公高雲璈曲奏成孤調珠玉詩成有二毛
應與蓮花深結契幽香淡泊自相遭

圖有白蓮一枝故云

贈閨友二首

高齋三面枕溪流綠罩長堤望更幽想見畫眉分柳色
幾多螺黛入妝樓

襟懷瀟灑本天真讀書評詩妙入神知爾閨中饒韻事

桃花桃葉總宜人

同仲季兩妹江上觀荷

綠楊一帶垂長堤江流斜抱西津西樓開面面足憑眺
檻前湖水鋪琉璃無邊蓮葉接天碧映日荷花曙霞赤
習習薰風錦浪生盈盈笑靨妍芳澤清樽繡幄繞池開
氤氲一氣清香來淩波仙子解羅襪霓裳艷麗天孫裁
張燈樓角續清譙樓外銀濤飛雪練海門月出照題詩
髣髴紅衣來捧硯

初夏懷論山兄三首

憶昨相逢麥秀時初黃梅子雨如絲今年又見三春盡

重向河橋折柳枝

相違半日君思我
濶別經旬我憶君
此日關山千里隔
空搔白首盼卿雲

一年團聚喜還悲
最憶空庭踏月時
久立敵寒憑酒力
何時重與話離思

蜻蜓

綃裁薄翼眼雙青
款款斜飛傍水汀
立向釣絲危不墜
綠楊陰裏點浮萍

絡緯

金井梧桐玉露寒
乍吟殘暑出林端
分明貧女鳴機響

中雜寒砧夜雨闌

秋熱

庭樹已驚秋南風暑不收園林將雨夜枕簟夕陽樓簾
捲蠅多集荷殘葉又抽班姬團扇在未恨篋中投

夜讀感賦三首

病骨秋來健終宵坐尙能雨聲松火銚星影竹篝燈殘
墨思前度新知得未曾家藏賜書在每讀感偏增

婚嫁頻年累蠶鹽併日謀有書難到眼非酒可澆愁冉
冉添銀鬢閒閒愧白鷗已拚拋著作不向紙堆求

識字始憂患髯翁見道言奇文天亦忌舊案世常翻引

睡方開卷微哦早閉門修名非敢好聊取曩編溫

瓶中蠟梅

重幃深護暖爐房凍解軍持乍吐黃隔牖淺含初月色
橫屏淡寫道家裝開從寒夜挑燈賞插近辛盤映酒香
抱得冬心人不識轉勝芳信逗春陽

五十感懷

有序

予幼學操觚中年荒落流離顛沛廿載清貧翰墨之
事束之高閣近來心境稍舒勉承先業惜居諸易逝
忽五十矣精神衰憊素志銷沉俯仰平生不堪緬述
惟以遭逢不偶閱歷諸艱一一誌之率成五十韻

百歲今過半尋思每悵然流光眞迅速身世太迤邐學
愧三冬足名慚四德全蹉跎嗟往事感慨憶當年總角
繙書冊垂髫嗜簡篇承歡時問字授几學安絃罷繡還
搜句停妝便展編夜深航諷詠心靜耐雕鐫燈暗蛾飛
焰爐熏鴨吐烟綺牕蟾魄透羅幙露珠濺蔭喜椿萱茂
花欣棠棣連天倫多樂事閨閣結詩緣妹筆如垂露兄
才若湧泉銜杯同射覆隔座遞傳箋月下題分詠花前
句共聯中秋拈韻後早歲得名先骨肉情方摯朱陳地
忽遷睽違慈母膝依次小姑肩朝夕趨堂上寒溫侍席
前板輿春奉杖華燭夜陪筵漿酒籌供具蘋蘩薦豆籩

夢迴芳草畔望斷朔雲邊

時家慈同長兄仲季妹北上

每盼音書到

難禁泣涕漣韶華憐荏苒時命懼危顛家道看中落詩

情忍棄捐醪辛操井臼轉徙換居廛浮寄身如客頻移

屋似船途窮難擇里巷陋況臨淵欲效牛衣泣常懷豹

隱賢十年賓幕久千里母心懸

時外子客燕晉十稔先姑太孺人垂老在堂

緝綖供衣帛敲冰佐擊鮮刀頭勞夢想斗米慰情牽智

爲貧謀減胸多俗慮填錙銖心不計針黹手常胼夏暑

猶傭繡秋深未着絺可憐兒女累又代父師權頭角私

心喜詩書信口傳篝燈頻講貫刀尺並糾纏未計完婚

嫁先期習靜便比鄰求訓迪諸子謹周旋敢效班姑業

居然賈氏田抗顏開絳帳拙計托青瑣鵲鳴還歇蟾
蜍缺又圓白頭愁裏變青眼望中穿授室兒能立于歸
女最憐向平塵累畢司馬倦遊還已過心翻怯回思淚
暗消蘼鹽堪送老衰憊欲閒眠歲暮詩初就旬周病始
痊端憂多暇日晚景學逃禪

曉次丹陽

水市雲陽郭輕橈盪碧漣一篙春雨漲十里岸花妍柳
色含朝霧雞聲出曙烟渡頭喧漸遠回望塔孤圓

香草河汎舟同茝香妹聯句

倡玉聯珠事久非晚得閒喜共扣雲扉蒼顏雙映清波

朗芭禿穎重賡雋語稀風送岸花香入硯晚春融嵐翠
暖侵衣仙姑莫笑朝眞晚芭路經仙姑廟垂老烟霞願不違
晚

華陽道中寫望二首

極目初無際巍峩見碧峯人爭青鳥上路有白雲封紫
閣烟中隱明霞嶺畔濃仙壇高萬仞天半落疎鐘
鳥道盤雲磴崎嶇未易登坂眞迴九折樓盡聳三層冠
帔羣靈集烟嵐一氣騰摩崖題姓字攀陟記吾曾

乾元觀

巋然仙觀出塵寰月夜眞靈數往還白鶴歸遲深院靜

青松棲老碧雲閒風搖萬竹鳴瑤珮雨過千巒濕翠鬢
何必定尋蓬島住此間深似海中山

登大茅峯放歌

三峯鼎峙雄建康弟昆玉籍分仙鄉飛來鶴馭五雲集
天風颯沓鳴珠璫大茅突兀聳雲表烟嵐際天青未了
洞天第八數華陽浩浩乾坤入壺窅抱朴峯頭雲錦飛
績麻洞口山花園潭澄千尺蛟龍吼樓擁三層鸞鳳歸
鬱岡橫亘翠環列崦散天桃飄絳雪傾欹醉石卧烟霞
丹井旁穿通石穴紺宇琳宮高下連瓊樓十二居金仙
平臨五嶽契眞宰霞裾月帔空中鮮妙眞毛女今何在

峯巔明月還相待女牀玉樹尙棲鸞柯葉青青常不改
我來策杖禮仙壇盤空石磴窮躋攀阿妹相攜凌絕頂
放開眼界青冥間此身恍惚遊八極罡風獵獵捫天關
四面青垂包大陸中畫吳淞練一幅南徐白下千萬峯
袞袞來同朝玉帛須臾紫翠成嵐碧日彩霞光變朝夕
峯南峯北判陰晴幽探難盡前賢跡耳邊清籟增颼颼
風泉時雜松濤流歸途雲海浩無際似聞笙鶴來滄洲
季子風流邈千秋廟貌存豐碑秦漢上讓德古今尊樂
豈鐘鏞辨交非縞紵敦淒涼夜臺月如劒挂松門

謁吳季子廟

丁卯橋二首

難尋刺史舊風流只有垂楊繫小舟
吟到書迴樽盡句
青山碧樹憶前游

春水平隄浪拍浮忘機竟日屬閒鷗
荒村無復詩人宅
空剩斜陽照渡頭

隔院梨花

隔牆春影倍娉婷涼月黃昏照半庭
夜靜似聞人嘆息
秋千不動冷冥冥

櫻桃

綠葉映朱欄千珠葉底攢似分紅豆
麗欲妬石榴丹谷

鳥銜初下筠籃摘未殘
山厨同筭薦春事不曾闌

積雨

嫩寒頻作雨花外
走輕雷如暮陰偏重
非烟鬱不開
蝸牛上階砌
茶臼綉莓苔
草閣江深處
閒鷗時往來

七夕立秋三首

西風碧落氣含秋
銀漢三更會女牛
萬古佳期終不改
人間餘巧底須求

離別經年感歲華
月明夜思在誰家
輕雲散作裁裳錦
下照瑤英吉慶花

瑟瑟金波湧碧霄
可堪烏鵲未成橋
剛逢梧葉飄金井

趙雪隱詩集 卷三
借與雙星渡一宵

夜坐有感

深惜韶華過安能秉燭遊薰風拂琴匣淡月照書樓離
緒聞蛩觸詩懷刻竹幽坐忘何用學心事付閒鷗

和閨友見贈原韻二首

花管輕描碧玉枝南田家法擅當時每承蘭室投縑楮
觸我離情繫柳絲

鶯花三月艷揚州聞說清明獨買舟韶景一囊應貯滿
讀君新句當春遊

同茵香妹清娛閣坐月

蕭瑟西風歛斷雲鴈聲寒雜柝聲聞廣庭不用燒銀燭
趁有涼蟾滿十分

霜華鋪地夜將闌放下書帷護峭寒歡會無多良夜少
莫辭吟到曉鐘殘

論山兄寄示落葉四首勉和一章卻寄

金飈歲歲總無情到處秋林似落英雲嶺樵蹊難認取
霜天鴉夢太寒生中庭地白空蟾影古驛燈青送雨聲
宋玉此時多悵望悲涼一卷楚騷成

[illegible]

起雲閣詩鈔卷四

古今體詩七十九首

送野雲姪選貢入都二首

信是承家俊逸才
魚龍跋浪響春雷
士衡作賦驚前輩
夾漈談經益後來
江左文星矜物色
長安廐吏重相催
此行定遂凌雲志
捧檄還應笑口開

驪歌前歲聽淒清

論山兄庚申年假滿北上

爭奈河橋又贈行
小阮

青緇真不忝大蘇
白髮若爲情
東山久待歸
安石北

闕新恩屬長卿
想見竹林清話夜
爲言池草夢頻驚

哭論山長兄四首

同聲一哭哲人萎千里招魂心更悲
早歲高文驚海內半生薄宦滯天涯
秋風鱸膾空惆悵夜月鵲啼永別離
怪底連宵頻入夢關河旅櫬到家遲

剛介由來眾所尊幾會長揖謁權門
未登台鼎聲名重流播詩篇道義存
鄴架丹黃傳子弟漢廷清白與兒孫

傷心未遂菟裘願話到荒庵欲斷魂

兄擬歸葺寶蓮庵爲終老之地

平生骨肉最相親常嘆連枝止五人
小宋已經悲物化元方今又隔音塵
怕看雷岸書盈篋擬續班家集等身
況是清聲雛鳳異不愁遺稿竟沉淪

猶憶扁舟暫假同一年駒影太相催
方欣鹽絮聯吟夕

人舉鶯花送客杯
天外鵲鴿音斷絕
夢中蝴蝶識歸來
可知此日吞聲盡
悵望斜陽萬念灰

盆蘭

素心纔放格偏高
冉冉幽芳襲彩毫
君子自堪珍几席
美人豈合老蓬蒿
新泥栽後春生室
清夢迴時露滿臯
寒雨一簾蕭瑟甚
悄然伴我讀離騷

消夏詠物二首

蠅拂

晶簾永簟洗鉛華
王謝風流自足誇
何事韋家拋綠豆
不須盧氏障青紗
捉來更藉清塵力
揮去應知拔劍差

走筆詩金 卷四
池館蕭閒饒樂事晚來搖看白蓮花

蚊幃

向夕輕雷響半空碧綃幃裏夢惺忪轟如夜陣摩千疊
薄似秋雲疊萬重中自有人呼懶出外多餘地擴能容
疎簾清簟含明月只許飛來隔幔逢

消夏八首

捲簾坐清曉竹外茶烟裊風動紫薇花一聲秦吉了
微颺北牖生涼意上桃笙對鏡理華髮星星添數莖
停午天無雲院敞滿驕陽頃刻銀河翻瀑水周我堂
雨雲銜日腳薄暮暑氣微爲登溪上樓換着生綃衣

長晝如小年微吟自陶寫暝色花嶼深一卷手還把
樹暗螢火明露重蟬聲咽眠琴磐石上柳陰吐華月
微風響簷鐵如漏細丁東稍稍息羣籟猶聞遠寺鐘
饑蚊擾虛榻達曙少安寢斜月似窺人暗將詩到枕

秋柳與遠兒聯句

秋老江南葉漸枯西風一夜柳陰疎飄殘翠縷朝烟散
剪斷金絲夕照餘暮景旗亭颺瑟瑟曉涼驛舍露涓涓
渡頭披拂波生處樓角蕭條月上初雨岸柔情畱髮鬢
花時媚態憶何如眼迷彭澤青偏少眉蹙章臺黛不舒
猶有棲鴉圍古戍更無繫馬就荒墟東皇如肯相憐惜

東坡詩集 卷四
三
早晚春同綠蔭渠

課孫

人家歡喜弄孫兒
擲果含飴竹馬騎
我獨一經憑夏楚
他年上隴憶今時

和浣雲妹詠梅四首

梅心

寒飈吹破凍雲天
自抱冬心鐵石堅
一點犀通芳訊逗
二分月印暗香傳
玉壺朗徹涵清影
冰鏡空明結淨緣
除是東風問消息
片時傾吐笑嫣然

梅骨

風骨珊珊冠衆芳
生來鐵幹飽風霜
裁從東閣身原傲
開到南枝體亦香
林下美人憐瘦削
山中高士屏炎涼
欲知老格清蒼處
月映寒窗細品量

梅夢

風柔香細散氤氲
小睡朦朧夢意紛
和靖醉來神自遠
師雄卧處境同分
曹騰已是開成雪
縹緲行看化作雲
我亦浮生怨零落
輪囷喚醒有東君

梅魂

冥冥春影可憐宵
未必迷離去已遙
庾嶺香濃空自返
孤山月冷不禁銷
池臺寥落愁應斷
環珮闌珊怯莫搖

知否有人風露下相招銀燭正高燒

浣雲妹原唱

梅心

早春獨步得其天冰雪爲憑一點堅
淡處只邀明月印靜中自有妙香傳
芝蘭素結生前契水竹清畱世外緣
似笑無言誰更會風旛不動興悠然

梅骨

負骨從知異眾芳生來傲雪與經霜
何須錯節方爲鐵莫道開時始有香
健筆撐雲三折瘦縞衣浸月五銖涼
千年風格詩中見沈病潘愁孰較量

梅夢

寒林香霧鎖氤氲睡去朦朧夜色紛庾嶺神迷天一
線揚州幽會月三分黑甜鄉裏催成雪翠羽枝頭散
作雲大抵浮生同此境勞勞塵網卻輸君

梅魂

三生幻跡可憐宵渺渺羅浮續夢遙幾個黃昏禁得
斷一番風信黯然銷峭寒欄角和香返細雨旛鈴怯
珮搖只恐有情難遣此畱連素影燭高燒

詠雪

舞絮迴旋粉蝶忙攢枝鋪地灑迴廊青苔不見陳王閣

走雪園詩金卷四
五
白玉新開盧氏堂銀海晶瑩爭月魄縞衣鮮潔助梅妝
兔園一賦堪千古欲買黃金鑄謝莊

釀雪和秋山弟作

朔風海上來萬里同雲布六花孕未成天公費鎔鑄潮
微江不流日斂天如暮暝陰壓遠村閃閃鴉歸樹登樓
擁鼻吟興到山陰路予季乃詩豪探梅逞健步

雪中偶成寄燕梁次女並贈劉堦蓮浦

連朝風雪太紛紛心惜梅花瘦幾分妝閣料應春黛盡
吟窗想見夜香薰金陵舊有探驪句天祿新傳吐鳳文
又到謝庭飛絮日蘭閨酬唱寄予聞

甘露港看桃花

河漢綠波澄人家似武陵桃花千萬樹夾岸暖霞蒸白
間梨邊雪紅飄柳下簷繁華駐仙境過眼記吾曾

春暮有感

昔年此日送征橈誰料將爲永別朝庭院棠花悲寂寞
河橋柳絮感飄飊遼東鶴化全無迹蜀國鶻啼不可招
哀樂中年已難遣況當春暮倍魂銷

新篁

弱幹亭亭絕可憐斬新顏色最清妍淡黃細籜微凝粉
淺碧疎枝半帶烟梢未出牆干氣象葉纔映水動清漣

趙雲閣詩金 卷四
問渠成實須何日老鳳年年望眼穿

盆梅

淺土催開凍蕊新素瓷清潔養天真香凝月案寒侵夢
枝映霜燈迥出塵不用扁舟頻載鶴自然滿室暗生春
試看髥儿橫陳夜三尺冰姿別有神

哭浣雲季妹二首

城烏啼罷暮雲屯哀耗初聞欲斷魂十載傷情京國遠
頻年離恨海天昏久期花萼聯新句豈料靈旗返故園
兄妹劉家搖落甚五人今有幾人存

傳來病勢黯傷神心逐征鴻到海濱

妹倩司鐸靖江道
妹歿於官署

韞一朝成訣別惠連同日隔音塵

秋山四弟芝蘭幸有同日辭世

冬郎慧蘿葛休嫌阮氏貧

予近復與妹聯姻

白首黃門才似雪

肯教殘稿久沉淪

柳絮

春深江郭晝眠長
初卸蠻腰舞欲狂
晴散灞橋詩共淡
風吹山店酒同香
兒童捉處飛難定
才女吟成韻亦涼
月滿沙堤看不見
來朝萍已漲橫塘

晚烟

青峯鬱鬱水迢迢
蕩漾濃烟入望遙
暮色斜連殘雨腳
炊痕橫截半山腰
鳥歸柳埭籠輕縠
魚散蓮塘展薄綃

漸看海門水鏡上光澄大地霧全消

寄通遵兩兒

漢口川程定幾千夕陽秋水遠連天可憐咫尺揚州月
只隔江波也少圓

和愷園姪雨霽過飲綠山堂原韻

雨過樓臺更絕塵晴光初轉物華新柳眉添翠烟還歛
草色初茸綠漸勻園鳥呼名招酒客山花含笑待詩人
漳濱卧病春過半未得桃源一問津

題新居三首

最怕元規塵汚人移家聊得數椽清從今穩適閒居樂

爲仿潘仁戶面城

此地居鄰刁景純塢藏猶是昔時春花園四壁蘿牽屋
門裏吟聲聽得真

屋前屋後綠杈桯燕喜新巢景倍加只欠承家幾株樹
快呼園叟種梅花

示璿玘二小女

樂天七月識之無垂老聲名鬱未舒兒莫如娘耽吟詠
但工刺繡少看書

七夕詞

雨過高梧月初吐銀漢無聲案當戶織室針樓繡幔開

隔竹穿花聞笑語庭橫香案陳瓜果吉慶花裝紅萬朶
瞻拜雲輶一點心默默雙星應鑒我丁東漏轉夜遲遲
羅襪綃衣玉露滋定與蜘蛛頻乞巧深閨兒女意何癡

飲綠山堂晤茅蕊仙女史卽席有贈

詠絮才名十載聞芳園乍喜挹清芬淵源經受中郎業
散朗神超顧婦羣花裏白頭誰似我閨中青眼僅逢君
匆匆把晤前因證勸罷金樽日已曛

庚午初秋苙香妹招遊焦山用壁間王夢樓先生

韻率成三絕句

半江雲影一帆風已覺秋先到梵宮天半樓臺雲際樹

蓬山湧出海門東

蒼藤古木認龍眠細路盤盤上絕巔一覽天空驚地窄
斷崖涼樹化秋烟

幽巖信宿有前因時喚兒扶坐水濱通遵兩見從遊肯讓摩崖
王內史獨畱詩句作傳人

佳處亭同茝香妹遲月用先論山兄東昇樓原韻
亭占雙峯第一層蒼崖向夕躡雲登風微上界諸天靜
日落遙空萬象澄覽勝青年嗟未及憑高華髮已無能
坐看海嶠微茫處皓魄乘潮緩緩昇

住自然庵詠物五首

鐘

雙峯日初沉紺殿清鐘朗江面靜無波音和海潮上因
風振林木落葉堆方丈知是有高僧詩成擊逾響

鼓

枯僧將入定萬籟江天寂島嶼撼靈鼉虛空驚霹靂風
濤聲間作白雨點秋荻便覺斷塵緣危坐心怵惕

衲

生生水田衣百衲自妥貼潤因沾白雲破似飛黃蝶垢
將浣清泉綻或補秋葉一任候炎涼披來意常愜

蒲團

團團編澤蒲海月頡其大安置丈室中不受浮塵泥客
願學無生跏趺此靜坐會看一片雲飛空化蓮座

龕燈

空樓彌勒龕夜涼燈一粟四更江月墮焰短閃深竹跳
梁飢鼠瞰童子睡初熟嗟予眼無食展轉仰古屋

三詔洞

人生不纓冕當隱雙峯巔海天壯遊覽死後名猶賢茲
峯閱千古獨讓焦孝然朝廷重高義冠蓋徵巖前處士
屏弗顧洞中常晏眠雲水足怡悅俯仰終餘年

觀瘞鶴銘用東坡金山放船至焦山韻

松寥突起何耽耽天然奇秀雄江南舊聞瘞鶴傳古碣
摩挲珍惜觀再三想見當年握銀管颼颼葉底聞春蠶
至今銘文雖剝蝕百家比似俱懷慙神物龍蛇那能攬
明珠百琲騰江潭或云羲之此遺跡更云顧況落筆酣
華陽真逸又署尾參考頗足資清談終疑宏景妙骨幹
彌勒合與移同龕其旁燒丹井猶在下有泉水東冷甘
神仙至寶古亦罕朝夕玩賞甯爲貪世人聚訟太無識
欲與道古誠不堪橫江白露見歸鶴一聲長唳過茅庵

漁父辭二首

款乃聲中一葉輕低蓬短棹信潮行世間達命惟漁父

那問風波險與平

客與中流自在行
青紅兒女伴生平
百年安樂渾閒事
早與鷗鳬有宿盟

夢遊仙辭六首

穩御罡風鶴背高
碧城絳闕望迢迢
道逢月帔星冠者
趨赴通明候早朝

金鑰朱門照曙霞
畫樓綵樹五雲遮
戔戔上界仙官府
不比尋常富貴家

翠旗鶴扇不分明
漱灩瑤池度玉笙
多謝飛瓊閒指點
教儂新識董雙成

一勾當窗星宿海雙了入座女牀山牛蹄橐橐鸞聲急
客醉蟠桃帶月還

欲得真詮歲月遲天門擁篲髮如絲願來絳雪丹初服
還我金閨綠髻時

鈞天聽罷信良因明月前身我後身猶記丁甯夢中語
茲遊非比爛柯人

哭芷香妹二首

雁序凋殘止兩人那堪今復剩單身傷心老淚憐予盡
回首同懷最爾親月泛焦巖纔幾夕星沉東海已經旬
秋初尙與妹也知生死如泡影白首尋思倍愴神
同住焦山

婚嫁連年俗累多習家池館少經過還期暇日謀歡聚
豈料商飈促逝波翼折定知飛不遠唇亡爲問齒如何
卷中哀輓渾居半又爲君哦薤露歌

題東坡遊赤壁圖

峭壁千年赭未消可憐往事付寒潮風濤猶帶當年憤
秋樹先從此處凋魏武樓船嗟斷燼周郎虎帳憶清宵
登臨弔古情何限似見橫江鶴影遙

和匏村姨姪病中感懷原韻

卧病相如嬾課兒詩情酒興更非宜已嗟寂寞駒過隙
況值連綿雨散絲篇廢蓼莪深自痛羽豐雕鶚有人知

三年彈指春明近
跋浪龍門定可期

匏村原唱

無端嗔女更呼兒
眠食心情百不宜
病骨依闌癯似鶴
愁懷擁被亂如絲
眞成恨事天難問
別有傷心世豈知
一卧兼旬春又晚
可憐辜負牡丹期

柳花與遠兒聯句

江南春欲盡
晴絮滿芳庭
花舞全如雪
絲飛半化萍
稀疎鋪曲檻
細碎入空櫺
月底初無影
風前久未停
詩家吟乍就
山店酒微醒
亂飈維舟岸
斜橫送客亭
繞園迷蝶夢
粘砌襲蘭馨
此際眉添翠
何時眼更青
鶯梭烟已

醉燕剪露先零點綴紅絲硯輕盈素紙屏着泥沾細雨
拂樹動殘星最是銷魂處清溪感舊經

醉螭

西風吹冷蓼花村螭火星星數點昏夜半雙螯聽郭索
秋深一醉佐盤飧甕開莫倩燒紅燭菊對應須倒綠樽
椒實頻添糟薄糝江南風味細評論

詠五色蝶

青蝶

園柳陰濃日影遲芳魂冉冉夢回時苔迷三徑翾飛倦
暫宿蕉窗客未知

黃蝶

菜花風裏暗尋芳
梅熟枝頭避雨忙
偶見園葵斜暉處
鶯梢纔露道家妝

紅蝶

桃源春暖往來頻
曾誤漁人問去津
又見朱闌花事好
翻階婪尾逗鮮新

白蝶

飛入梨花路欲迷
橋邊晴絮影同低
撲來珠箔銀屏畔
好習吳娘碧玉筓

元蝶

詡詡緇衣別有神豈因金谷染香塵
龍賓幻出莊周夢飛上雲鬟認不眞

雨後

屐響起深巷斜陽照半槐
蝸涎篆堦下水氣足新苔

夜坐

野蛙喧不已桐露滴還止
欲眠猶未眠心事清如水

采蓮曲

采蓮莫向江南渚荇藻牽絲礙柔艣
怨綠愁紅更恨人一秋暗泣橫塘雨
荔子單衫黯無色憔悴芭蘿好眉嫵
嬌小吳娃慣采蓮誰知蓮子心中苦

題漁樵耕讀圖各一首

自是忘機客臨淵不羨魚嚴陵今已矣高澹意何如
曉入寒山徑丁丁砍斷雲看殘棋一局塵世已斜曛
稼穡眞爲寶民生貴在勤青疇春雨足曉荷一鋤雲
紙閣朝暾暖芸編自課時吟成閒徙倚興寄杏花枝

跋

右起雲閣詩鈔爲外曾王母鮑太宜人作太宜人之詩之才之學之識論山先生暨鴻起先生序中言之綦詳至與清娛閣三秀齋詩鈔合刻之緣起燮元亦列於前序矣外曾王父諱澧字桂橋生子三人長曰通字臚卿家雪農叔祖停雲集中有送何臚卿之長沙詩一章嗣子文玉殉粵匪之難燮元請於京師忠義局奏蒙

旌卹孫二人長汝金能詩曾游登州與燮元酬倡方壺燮元擇其尤者載之聽鷗軒同聲集次金魁官浙江府照磨次日遠字劍雲郡增生卽燮元之外王父也有聲

庠序間工詩觀集中秋柳柳花聯句之作畧見一斑子
四人長出嗣次文元三文彬次文然孫一人振庚同治
十二年恭遇


覃恩燮元請於

朝贈外王父爲中憲大夫戶部雲南司郎中加二級如
燮元官外王母張太君爲太恭人三曰遵字芷沅子一
人文鎔官浙江布理問精於醫嘗繪採芝圖命燮元題
以詩孫七人長肇榮官浙江巡檢次森榮官福建縣丞
三振瀛四振淦五傳烈官浙江典史六肇琪七肇瑩今
惟金魁與振瀛傳烈肇瑩等兄弟存耳其謹守先人之

詩教毋斲因附識於簡末云

光緒八年歲次壬午孟冬之月外曾孫戴燮元謹跋

[illegible]





5235.8/4591 3

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

DEC 2 1954

東江鮑氏三女史詩鈔合刻

清娛閣詩金



序

予與鮑君雅堂同官都下每當直廬告返竹所徑造官程無迫吟事斯興凡有一言之奇隻字之雋互相嗟賞欲忘寢食偶見其黏壁之作魚緘甫脫鴛杼猶新金聲遠鏗玉色四照問之知大雷之書未寄絮雪之詠先催才乃左姝慧誇劉妹固早已羨咳唾之非凡並心形而俱服焉後予乞假南還設講邦上始獲交於張子舸齋舸齋卽雅堂之妹壻也兩姓合好雙心齊秣鄭姬警旦迫之以翱翔繁掾定情通之於契濶琴瑟自明其靜好閨房不涉於燕私凡有倡酬動關雅故嘗以烟波共泛

圖屬題雲綠四面花紅一波吟亦同聲影無獨笑沙鳥
每移情而立游魚且窺豔而來此則高柔賢妻不嫌愛
玩劉綱佳儷羣謂神仙翩翩乎浩浩乎直欲共餐沆瀣
而淩太清也日月不居芬華易歇吹霎之風倏起抽心
之草旋生舸齋言卽傷神淚恒承睫檢瑤篇於蠹篋搜
翰蹟於湘紉輯其遺詩都爲六卷編彤有待題墨先煩
索我一言因之三歎夫九陽代燭不聞繫景之繩百川
合流曾少駐萍之壑前身佛國偶現優曇此日天官催
簪白奈在達人之識或悟真空而秋士之胸甯禁騷怨
矧善心爲窈淑風載鮮早洗鉛姿獨標瑤想豈可不發

明端緒解釋沈哀亦見夫言緣質而乃文旨以葩而彌
正罕別離之況故中央四角之語有謝乎綢繆絕嬉戲
之緣故初七下九之期不煩乎省記追國風君子之慕
補房中樂府之遺千古可期九原何恨豈比雙聲子夜
十索丁娘僅同士女之圖取備婦人之集而已哉僕宿
草之感念良友之云徂蒙楚之嗟又我躬之不閱重承
諛誣竊自思維海上不死之方難徵奇帛人間可哀之
曲聽過幔亭徒有慨於桑榆亮莫爭乎泡電而幸此綵
雲留影寶華積空敢黃絹之題八言願烏絲之書百本
莫隨仙子羅裙化蝶而飛定笑阿兄竹杖隱形而去

嘉慶辛未夏六月錢塘吳錫麒撰

序

予與論山郎中交三十年而論山詩凡數變予嘗語論山曰君之詩以未第前作爲佳茲不及也論山駭然曰君言何與吾妹芷香言脗合因得聞芷香夫人說詩之旨論山歿後始與舸齋先生通尺素令嗣澂試京兆往來旣洽令姪深庚午科發解江南與兒子桂馨又得稱同年於是盡讀清娛閣吟稟憶前明孫文恪陞繼配楊夫人詩稿附文恪集行世楊修撰用修室黃安人長句小詞藝林稱誦王元美云用修有詩答婦又別和三詞皆不及也楊黃兩媛雖爲世稱而篇什寥寂長篇鉅製

不聞茲清娛閣各體俱臻醕粹七古尤合唐音當與織
雲樓媲美餘家多難抗手獨念論山歿已久詩文皆未
刻行其子遵十六七年前錄科成均文筆已自超卓拔
俗聞近日貧且病思之可傷更念論山與予乘騎尋翠
微平坡諸勝馬上誦茁香詩不下數十聯嘗書其詩後
曰老兄欲退避三舍故王夢樓嘗稱茁香詩律工細過
於其兄今舸齋工詩好游家有賢子弟兼能慎於決擇
斯集之成予固先睹爲快且以慰其兄論山於地下云
時嘉慶十六年歲次辛未八月朔日前國子監祭酒法
式善

序

丹徒張君澂予門下士也姿儀溫偉言辭清拔庚午試
順天報罷京洛蓉枯江鄉楓冷蓴鱸之思起於秋颺岷
岵之瞻迫於星夕急裝抵里而母夫人已卽世嗚呼刀
環入夢客路心馳機杼停聲慈雲望渺邱吾子之涕淚
風木無甯孟東野之衣裙春暉難再靈椿雖健誰和瑤
琴祝牧之歌畫荻空存但期錦里瀧阡之表忽如過隙
深可悲乎越歲夏張君以母夫人所著清娛閣詩郵示
於予予受而讀之其旨雋其嗣潔其慮密其藻芬靚粧
麗服不耀采於纖穠素練輕綃匪溺情於靡曼梅花修

到應是前身柳絮名高無慚曩製雖謂駢衡沈宋並軼
韋陶絜短度長未爲泰也昔之白燭摘吟春椒製頌雅
善華辭罕聞專集他如曹家東觀魏氏南征織句疊編
鏤辭盈帙而中情悽惋每工愁苦之音長句流連殊乏
倡酬之詠夫人以鮑照女弟張揆令妻蒂芳臭於苔岑
抒清詞於蘭抱每當寶鴨香溫冰蟾色咬牙簫遞韻銅
鉢催聲松丸落而珠零楮葉飛而錦粲花生鏤管妙手
齊拈草對瓊釭吟肩並聳分杯卻扇蘭成寄婦之篇攬
鏡執釵徐淑贈夫之什蓋所謂唱予和汝相對相當者
也今哀厥遺編付諸剗剗藏之篋衍傳於大都玉臺音

寂重披孝穆之書紗幔經寒尙識宣文之號撫栢捲而
太息誦卷軸以流連嘉哉志補白華允矣芳垂彤管
嘉慶辛未歲仲秋吳烜撰

--	--	--	--	--	--	--	--	--	--

序

三百篇詩如葛覃勤儉卷耳求賢尙已下至國風燕燕爲千古贈行之祖雄雉則勗德行戒伎求以思念其君子何其辭之悱惻雅正也至若鷄鳴戒旦御琴瑟而靜好解雜佩以問遺千載下猶想見古賢夫婦相警戒之衷倡和之雅令人愛慕無已焉邇者京口張舸齋先生與尊閩鮑夫人茝香並擅詩才閨中聯詠已見之袁簡齋前輩所撰清娛閣合刻詩序爲一時佳話矣庚午歲夫人辭世其子澂輩搜輯遺藁思付剞劂別爲一集以誌弗忘郵寄至都讀之凡集中流連光景憑眺山水諸

作無一語涉香奩體無一字染脂粉氣和平渾雅化雕鏤之跡而一歸自然固已卓然名家矣至於叙同氣之情悼長兄之逝則語語從至性中流出愷惻動人雖古大家不是過昔論山先生以詩古文辭流播藝林膾炙人口今讀菑香夫人作乃歎江左風雅萃於一門洵不愧參軍之後也予於詩律未得窺古人門徑而頗愛正聲讀是篇乃覺三百篇中幽閒貞靜之風溫柔敦厚之旨去今未遠也爰志欽慕之忱如是並質之舸齋當以予言爲不謬也時嘉慶辛未仲春日婁江李錫恭撰

序

清娛閣吟橐予仲妹蒞香作也妹幼聰慧善吟咏卷帙
紛披雜羅於妝臺奩具間儼然弟子員也自歲乙酉先
徵君捐館舍戊子春予闕服補官京師逾年謀迎養是
時大妹畹芳已出閣蒞香偕季妹浣雲以壬辰五月奉
太恭人至京邸歡聚一室吮毫含思不輟予退食餘閒
與之徵引掌故討究法律賡倡迭和無虛日於是妹之
詩已日進及筭適同邑張舸齋司馬舸齋性倜儻工詩
喜游覽素淡宦情而以閨門相屬和爲樂屢以詩郵示
予予嘉其有秦嘉徐淑風戊戌丁 先太恭人內艱歸

里讀妹詩已哀然成集欲序之未遑也其後匏繫於官
十餘載嘉慶丁巳請假省墓歸遂得與舸齋苴香朝夕
過從乃置酒張筵闡題角藝於清娛之閣斯時諸甥皆
成立俱能詩擅家法每於酒闌燈炮搓熱掌熨醉眸纔
一篇成而和篇旋盈案矣予笑謂苴香曰妹苟處芬芳
豐足之中而無蘼鹽澹泊之致必將爲世情俗務撓其
心撓其志烏能相夫教子使風雅萃於一門乎又烏能
專門名家使噪時閨秀望風而靡乎妹之樂妹之福豈
可與華榮炫赫者同堂而語妹傳人也此橐淵雅冲和
深情逸致具有六代三唐之遺韻其必傳於後也奚疑

獨予旣貧且老以宦爲家不獲與吾妹多相唱喁以抒
暮懷而清娛之樂又不知繼之於何日是足歎耳爰撮
其梗概以爲序而付之梓嘉慶辛酉二月旣望論山漫
叟兄之鍾書

清如陽言金

戶

五

後序

清娛閣吟藁六卷古今體詩四百餘首族姑茝香夫人作也夫人爲海門公中女農部雅堂先生姊妹晚芳妹浣雲皆工詩擅家法夫人適張舸齋先生才調相儀匹閨閣中鳴宮應徵有秦嘉徐淑風農部官京師桂星以從子禮見因得誦夫人詩舸齋先生以庚申游黃山相見於歙丁卯夫人遣其子徵北上從予游益以知夫人詩法之詳昨冬桂星視學來楚北徵方落解聞其急裝馳返潤心訝之頃得書乃知夫人已厭世徵與諸弟忍淚寫遺詩爲清娛閣吟藁如前數郵楚乞桂星一言桂

星受而讀之律細而神超辭文而旨遠謬乎其清也藹乎其和也莊莊乎其雅正也溫柔敦厚導源於三百篇而奄有六代三唐之勝豈獨尋常閨秀所不逮抑操觚握槩號聲律專家者所遜謝不如也夫古今女子能詩者眾矣然吾家參軍僅傳女弟劉家三妹惟徐悱妻最清拔然悱先卒閨中倡和罕聞焉若夫人者以海門雅堂兩先生爲之父若兄以舸齋先生爲之偶以徵兄弟爲之嗣璇源一本淑儷雙璧諸子人人有集隋珠卞璞照灼於軒墀庭廡間江左門才復乎稱獨步矣又況其詩之必傳於世不疑乎然則修短存亡今昔俯仰之感

皆無足言而舸齋先生琴瑟之悲與澂兄弟柘椽之痛
亦可因吾言而少慰矣爰謹書其後而歸之嘉慶辛未
孟陬族姪桂星拜手序

清奴閣詩錄用

三

清娛閣詩鈔目錄

卷一

古今體詩六十七首

卷二

古今體詩六十五首

卷三

古今體詩六十九首

卷四

古今體詩六十五首

卷五

古今體詩六十四首

卷六

古今體詩八十三首

清娛閣詩鈔卷一

丹徒鮑之蕙芭香著

古今體詩六十七首

暮春

三月芳菲節韶光半已非
林花經雨散梁燕引雛飛
着水楊枝瘦沾衣竹粉微
聲聲聞杜宇莫漫促春歸

穀雨後三日過百鶴道院牡丹已殘

欹斜山路菜花黃清淺池塘碧
草長儘有豪家圍繡幄
何如雲屋貯天香繁華祇剩三分色
婀娜還餘半面妝
寄語仙風莫相妬數枝葉底正含芳

柳絮

黃鳥聲中雪影飄
江城到處舞蠻腰
輕如粉蝶飛無力
細似冰花暖不消
榆甲零星鋪地軟
萍踪浩蕩接天遙
多情未共春歸去
送盡行人過灞橋

晚烟

夕陽纔下遠峯巔
漠漠平蕪起暮烟
深鎖花魂金谷裏
暗飄香篆玉樓邊
寒生白屋催鴉返
濃罨青溪失鷺眠
最是滄江收釣處
溟濛無際落霞天

夏夜同浣雲三妹集晚芳大姊起雲閣納涼

日夕消煩暑
凭高一解顏
松身當徑直
溪影抱門灣
叢

葉明微露輕烟抹遠山
羨君三畝宅半在水雲間
河低高閣外人坐妙香中樹雜疑聞雨窗虛覺有風分
題搜險句接席話離衷玉漏休頻促團圞幾度同

和笙山兄寶蓮精舍納涼原韻

料得探幽客翛然興不窮
月邀深竹裏秋借小樓中
冰簟沿池展荷觴隔座通
晚涼吟眺遠帆定一江空

新秋夜坐偶成

閒齋新雨後清簟晚涼初
樹影漸蕭瑟蕉心時卷舒
風輕紈扇薄月淡紙窗虛
瀾茗話今夕何須賦索居

紅蕉館詠物

梨花

靚妝冷豔絕纖埃冰雪爲膚玉作胎
檐月昏黃庭綠暗誰家靜女立蒼苔

垂絲海棠

豔質豐肌約紫絲嫣然最是半開時
二分淺睡三分醉斷雨零風力不支

繡毬

新綠如幃護綺寮
麥秋天氣晝迢迢
是誰呵手團晴雪
拋上風枝暖不消

牡丹

春陰釀足錦雲窠遲日溫風國色酡可是華清沈醉後
到今紅暈未消磨

荷包牡丹

垂垂新豔着花初國色芳名合付渠貯得一苞風露足
綠窗紅女有誰如

虎耳草

翠葉含芒貼砌勻卻殊卷耳欲懷人紅輕白小繁英碎
也占年時一度春

罌粟

紅藥開時見米囊繁華相與殿春光詩腸清不勝烟火

欲折花枝當裏糧

夜來香

綠淺枝繁韻自幽
靈芸曾與結芳儔
此花亦有清涼癖
香散庭除雨乍收

秋海棠

綽態柔情本恨人
秋風秋雨暗傷神
偶揩清淚勻朱粉
小度西堂八月春

蝴蝶花

剪綵裁綃製舞衣
秋風籬落一枝枝
西園八月飛黃蝶
幾度端相兩不疑

秋葵

道家裝束太寒生
瘦減腰肢畫不成
滿院霜華人寂寂
玉階疑送步虛聲

和晚芳姊春日寄懷

一簾雲水滿帆風
遠樹烟開晚照紅
客裏懷人繙舊簡
愁來縱目感歸鴻
婷婷弱柳依村店
欸欸游絲上釣筒
迢遞燕山千里外
春光猶與故園同

舟次天津登望海樓

帆趁西風溯急流
名藍弭棹暫淹畱
銀濤晴灑松門雪
黃霧晨開海國秋
樓影暗含鮫蜃氣
鐘聲遙落鳳麟洲

登高回望江南遠一髮青山雁外浮

春暮有懷

輕暖輕寒燕到時
春愁寂寂雨絲絲
江南芳草青多少
游子天涯總不知

侍家慈北上抵論山兄邸舍喜作

水宿淹三月收帆及夏初
山川瞻帝里骨肉共親廬
相值猶疑夢曾聞不易居
且斟重午酒護草綠階除

玉竦橋觀荷

歛灩銀河駕玉虹
車聲侵曉聽隆隆
接天碧遠烟痕淡
出水紅疎日氣通
山過城頭朝送爽
塔浮樹杪午凌空

朱華翠蓋尋常見託地清高自不同

簞

微月疎簾下盈盈八尺長水明渾不暮
綦罷覺生涼夏室畱清氣秋燈背冷光
酒闌清睡穩好夢到瀟湘

秋日寄懷晚芳姊

迢遙銀漢向西流一葉驚飛冀北秋
記得去年今夜月捲簾分座寫蠅頭

彈指辭家半載餘到今離緒幾曾舒
南來儘有鱗鴻便底事從無一紙書

一束蠻箋擘五雲殷勤數語報君聞
長安近日無多景

清江雜錄詩金卷一
秋色三分雨二分

九日登陶然亭

荒亭九月朔風顛霜色蒹葭滿路添南去雁行翻夕照
西來山翠落虛檐此間頗動江湖思回首俄驚歲月淹
話到昔賢觴詠盛欲將遺事問冰蟾

聞砧

砧杵聲中木葉稀金風淅淅入羅幃遙思鶴髮高堂上

近日天寒可授衣

謂祖慈
張太孺人

城南看菊

長安行樂信非虛屢共安仁奉板輿古寺日斜人散後

小檐霜淺露凝初詩無瘦句吟難好客有秋懷澹或如
忽憶寶蓮庵外路寒香冷豔遶烟墟

吾鄉北郭多菊

盆松

數本婆娑歲月遷森森叢碧老秋烟曾凌澗底清冬雪
乍映窗間綠字篇雲影亂鋪銀燭外濤聲寒到畫屏前
勿嫌寸土無奇節曾見蒼鱗起硯田

瓶梅

歲宴山城萬木衰一枝標格讓瓶梅心清自愛冰壺映
影瘦偏宜斗帳偎鑪暖蕭齋春已覺香飛角枕夢初回
重簾不捲宵如水安穩何愁雨雪摧

法源寺看花

丹鳳城南春十分
鬧春冠蓋望如雲
精靈瘞處塵難到
鶯燕飛邊日易曛
素豔淡宜青玉案
紅妝妬煞石華裙
帝京未賦花應笑
漫說髫年解好文

花影

五架三間結構新
小窗幽卉結爲鄰
月扶骨相燈扶態
合倩松煤替寫真

南旋次潞河畱別論山大兄

京洛纔逢話別離
那堪又折綠楊枝
蒲帆日去長安遠
剪燭西窗未有期

霏霏梅雨送歸舟岸上舟中各轉頭休憶江湖舊蓑笠
五雲深處足清游

月夜寄懷玉亭大嫂

清光如水浸窗紗回首長安路已賒別後乍逢今夜月
知君思我亦思家

昨宵有夢到京華紫陌仍聯繡幃車共喜相逢何太易
一聲柔櫓忽嘔啞

舟中寄論山兄畹芳姊

扁舟南下太匆匆十幅蒲帆落照紅燈上荒城初起角
柳衰大道正歸鴻風沙薊北程堪計烟水江南夢易通

料得今宵三地影夜深併在月明中

三月十四夜坐月有懷用白香山起句

三月十四夜江鄉月正明花殘憐影瘦人靜覺寒輕愁
是春將去詩應酒釀成無煩事刀尺拈韻記閒情

夏夜同三妹坐 先君詩譜亭聯句

星河耿耿漏聲遲蕙風冷閒亭有所思高樹不甯蟬咽

露芬故巢堪戀鵲移枝家藏蠹簡餘先澤蕙恩重金

鑾話此時謂論山兄一閉泉扉千載恨芬淚痕重濕草堂詩

蕙

送浣雲三妹入京

黯黯江雲拂柳絲，離亭樽酒強同持。
衣沾殘淚添新雨，花逐東風別故枝。
驛路迢遙魚雁杳，鄉園岑寂夢魂遲。
相期寄我和鳴曲，更附泥金慰所思。

妹于歸同里徐孝廉彬時寓北通州

積雨感懷紅蕉館同畹芳姊分韻

癡雲壓屋雨如塵，匝月扃扉了卻春。
舍北溪平堪打槳，階南草綠漸成茵。
承歡夢杳追難再，詠絮庭荒別正新。
剩有畫梁雙燕子，故巢相對語頻頻。

先君忌日誌感

慈親去不返，屈指三十年。
書樓閉綠苔，掛壁餘塵絃。
風號樹難靜，草長春已旋。
生我何劬勞，棄我何杳然。
襟上

涕淚痕晝夜空漣漣孤冢冷白楊枝葉多連蜷松楸日
云遠德業何時傳續稿未付梓霜天泣慈烏雨夜悲啼鵲傷
哉椎牛心何以答重泉

春夜懷三妹

閒閨人靜酒初醒慵啟文疏對月明楊柳有絲甯繫別
海棠無語最含情三春雁少書難寄屢夜愁多夢不成
遙憶客途風景好滿懷詩思共誰評

登凌江閣有懷

辛夷花放柳如絲江閣登臨又一時風助雲帆開遠渚
日烘沙鳥上晴枝舊遊觸處俱堪憶往夢回頭不可追

九十春光三地客佳辰多半感睽離

春分日得笙山兄手書同舸齋聯句代柬

霽雨經旬薄霽餘

舸

蓬門忽送數行書扁舟去憶鴻賓

後

菴

深院閒驚燕到初小別豈知成久客

舸

盼歸尤勝

乍離居看雲雷岸鄉音迴

菴

詠絮風簾酒盞疎芳草一

坪重極目

舸

綠波千里更愁予西窗剪燭期難定

菴

北

固垂綸興每虛新句聯交應爛熳

舸

故山入夢復何如

因將尺幅舒愁緒

菴

水滿春江付鯉魚

舸

己亥二月廿七日

祖姑吳太宜人壽辰侍游鴻

鶴山莊

板輿春曉破蒼苔園倚南山進壽杯
四面晴嵐迎几榻一灣新水動樓臺
當筵小部鶯酬和繞屋繁花燕剪裁
願祝高堂比王母年年此日宴蓬萊

清明日眾香院辛夷花發

眾香仙史院高閣倚和風江影一簾外
花光四照中抽毫如向客蘸粉欲書空
恰好春暉永輕輿歲歲從是日侍

家姑薛太宜人游此

內史探春興吟袍拂柳行雨當佳節
霽花競靚妝明樓夢

先生攜家伶素雲至

絲竹東山盛文章北海名今朝天氣朗更比

永和清

雨中有感

長空日日散輕埃
深掩簾櫳晝不開
往事卻同春夢覺
閒愁偏被雨聲催
選樓唱和何時續
客里音書尙未回
碌碌渾忘三月暮
忽驚門外賣玫瑰

雨晴登凌江閣懷論山兄浣雲妹

東風吹暖賣餚天
細草成茵柳脫綿
新水又如前度綠
好花仍向故枝妍
遙山映日螺痕淺
虛檻依雲亞字連
因憶昔年曾此地
舟中岸上各潸然

題賞雨茅屋圖伯翁此亭公命作

江南五月黃梅熟
濕氣蒸雲暑彌酷
先生快雨招朋儔

茅屋三間做深竹玉壺買春春滿卮主人勸客客不辭
殷雷動處雲墨色飄瓦已覺非絲絲俄驚銀竹落無迹
散作飛湍瀉崖石長風駕海走天中欲爲人間普膏澤
虛檐奔湏濺階碎尺水茅堂潨向背灑然心地頓清涼
綵筆能開風雨晦先生雅尙繼司空人品詩品將毋同
妙境猶嫌看不足命客揮毫入橫幅要令赤日黃埃中
九夏甘霖常在目

論山兄典試黔中書此寄賀

昨夜文星動九霄果然佳氣滿蓬蒿翱翔華省推鳴鳳
浩蕩黔江快釣鰲紅勒經心憑玉尺烏絲得意走銀毫

新恩應慰泉臺意不負傳經十載勞

二

皇華那計驛程遙小暑初鳴上苑蜩絳節牙旗擁天
使碧雞金馬導星輶詩增滇楚千山色文障牂牁百丈
潮從此恩綸還疊荷卿雲舒卷在丹霄

夢中得句寄浣雲妹

秋風動簾影桐子墮階聲

此二語夢中作

因憶吾家妹詩多夢

裏成

月夜有懷

月滿中庭冷雁聞閒階如水靜無紋風搖樹影移虛幌

笛弄秋聲入遠雲客舍連宵應惜別蘭閨何日共論文
離情欲對姮娥說銷盡鑪薰夜已分

清娛閣晚眺懷浣雲妹

高梧過秋雨虛閣消煩暑開軒覽夕暉奇雲尙容與紛
紛林鳥歸淒淒候蟲語今夕獨關情天涯渺何所有妹
十年別尺素經年阻不念雁行單翩然事高舉憶昔垂
髫時深閨日爲侶偷翻案上書夜促窗前杼細字寫紅
蕉新詞題白苧兒女逼人來歲月蹉跎去汝自甘別離
安知別離苦長安在日邊相去復幾許天高雁不來日
暮空延伫

送鴻起姪游越

井梧葉脫涼颿發庭際蛩吟殘暑歇流光倏忽正愁人
聞說阿咸將適越越東勝地名枯蒼山重水複塗修長
嗟爾廿載未爲客束裝一旦離高堂應知富貴致身早
男兒何必故園老且將秋柳贈秋征莫遣春暉盼春草
吾家奕世風塵中支離聚散猶萍踪青年更喜有雛鳳
詩才俊逸承家風茲游與爾開鬱塞巉巖邃谷搜奇特
儘收荒怪入奚囊焜耀歸裝壯行色慚予學殖等雕蟲
年來鬢髮將如蓬臨歧數語意未盡斜陽帆影何匆匆
若耶從古多佳麗看花切莫忘歸計須知日暮倚閭人

夢逐征塵到天際

同舸齋登北固山

孤亭矗起欲凌雲足底驚濤木末聞高揖金焦眞鼎立
平吞吳楚有江分尋秋客訪南朝蹟弔古人稱北府軍
對此茫茫無限思數行烟鳥落斜曛

題駱秋亭女史秋燈課女圖

冰心玉映本天成虛室秋清誦有聲河汎柏舟情獨訴
樓觀滄海句誰爭芸窗新授中郎業絳帳堪承白傅名

秋亭爲隨園先生女弟子

有女未能諳姆教可容遙夜共寒檠

感懷寄三妹

判袂西津渡流光忽六周年如朝近午才似葉經秋有
月難忘別無春不惹愁相逢在何日莫待雪侵頭

贈閨秀王玳梁

時將出閣

江左風流自昔誇芳閨又見茁蘭芽丰神不肯儕凡豔
儒雅真堪接大家摩詰天機傳沒骨右軍標格擬簪花
秦郎正好相酬唱江上春回共泛槎

仙卉圖成絕點埃前身應是住蓬萊十三已奪鍼神巧
二八人知女史才爭羨輕螺供妙腕定資博議出新裁
樓頭寶鏡明如水雙照鴛鴦戲玉臺

玳梁和詩

俊逸才名奕世誇鳳生雛鳳玉生芽成書他日傳爲
史新詠今看自立家謝絮吟來千里月濤箋揮處一
庭花戲詢天上張公子夙世應乘織室槎

蘭香方許脫塵埃德曜惟堪隱草萊每對牙籤慚失
學乍拈斑管敢言才瓊瑤過尺難爲報錦繡盈機豈
易裁安得化身成脉望常餐奇字近粧臺

代嘉淑小姑和塾師除夕元旦二首

詞客長愁歲易凋一年剩此可憐宵賣癡隔巷聞終夜
餽歲圍爐坐達朝虎榜新恩方待士龍門舊業緩歸
樵先生從此開襟抱莫漫臨池歎寂寥

二

凍蕊凝香褪淺紅
枝南朝日正曛曛
寒消五夜辛盤裏
春入千門爆竹中
詩到新年應更富
經傳奕世詎言窮
絳紗立盡殘冬雪
林下欣從攬蕙風

[illegible]

清娛閣詩鈔卷二

丹徒鮑之蕙菑香著

古今體詩六十五首

三十初度自述

廿載韶華過隙駒雙親早謝鹿門車雁行聚散期難定
驥子聰明願莫虛游跡舊曾經上國詩名敢望著南
徐年來學殖多荒落偷取餘閒讀父書

早春

東風日夕釀氤氲林壑餘寒綠未分幾處炊烟消瓦雪
二分柳色入江雲看來燈市千紅幻頌就椒花百和薰

遙識相如官舍底銜杯終日愛微醺

謂論山兄

揚州湖上遲月

試燈風細綠波平曲岸維舟待月生垂柳和烟欹水影
亂鴉如雨入林聲紅橋客散衣香度畫舫人迴笛韻清
卻憶板輿花裏過湖光應識舊時情

壬辰春侍先慈太恭人北上經此

湖上雜詩

傳柑節過雨新晴出郭春光照眼明梅萼開初香雪小
湖冰消盡水風輕

假山高下幻雲巒間柳遮梅欲畫難應識繁華藏靜地
綺樓深處鎖春寒

細草成茵蕨有芽
波翻嫩綠鴨羣譁
最宜曲岸迴舟處
柳外湖光一道斜

一角遙峰選佛場
至今故老說隋皇
風流頓盡溪山改
抔土青青冷夕陽

笙歌燈火冶游人
歲歲迎春到送春
泛舸湖心撈素月
肩輿陌上動香塵

名園鱗次暗相通
水榭歌臺間梵宮
韶景泥人留十日
梅花風換杏花風

平山堂

小別平山近廿年
風光差勝舊時妍
千尋松落峰前瀑

十里波明鏡裏天出樹輕帘招酒伴沿隄新柳綰歌船
依稀記得曾游處先訪淮南第五泉

竹木參差一徑通廣陵名勝蜀岡東晴波瀲灩流殘照
香雪繽紛散暖風虹飲溪橋三曲折獸眠山石四玲瓏
幽堂寂靜塵囂絕太守當年景物同

鞦韆曲

芳園四壁花光圍鞦韆動處朝霞飛美人妝成對花立
欲上不上嬌無力攬身一舉穿林梢流鶯驚起花旛搖
翩然反側妙容與隱隱紅潮上眉宇藕絲裙軟冒游蜂
杏子衫輕濕香雨拖烟約霧東風顛珠翠彷彿雲中薊

琤琤仙珮漱鳴玉蘭香萼綠相齊肩紅纏雪腕綵索勁
綠鬆雲髮金釵偏小鬟扶下日初轉徙倚花陰息嬌喘
栩栩魂猶夢蝶驚行行足訝蒼苔輭美人會得春難駐
不放芳華等閒度來日清明風雨多落紅滿地奈愁何

春草

幾日東風釀積陰忽看到處燒痕醒着來屐齒輪苔輭
望去裙腰帶郭青漠漠黏天愁遠道萋萋極浦黯離亭
寸心縱未當春展猶得秋深化冷螢

新柳

何處春先洩化機陌頭江上自依依籠烟弱未勝鴉隊

清如月言金卷二
障日黃難辨蝶衣旖旎向人偷眼角芊綿拂檻逞腰圍
章臺莫謂無消息此日青青是也非

海棠

探春何處得春饒庭院沈沈鎖阿嬌夜照啼粧燒絳蠟
曉憐笑靨暈紅潮柔絲過雨三分重薄醉禁風一半消
多恐睡餘驚冷露爲施錦帳護深宵

隔院梨花

只隔池亭不隔春霏微一片壓垣明猜詳燕子雙棲穩
省識蛾眉淡掃成吹起銀雲渾似夢飄殘玉雨寂無聲
多情月姊憐香影扶過牆陰當寫生

春陰曲

癡雲壓空無近遠欲破層陰風力軟千家簾幙晝沈沈
登樓極目愁難遣林外烟痕作水鋪溟濛遠綠春模糊
天低樹頂曉逾重啼煞枝頭飢鶉鴝晴光一線動庭宇
嫩日花陰翳復吐鶯聲細澀轉珠喉蝶夢惺忪罨紅雨
風雨年年寒食多零香斷粉隨流波釀成懊惱不成曲
其奈天涯游子何

夜雨不寐懷畹芳姊

廉纖新雨深春夜似昔南窗罷繡時近砌折花供射覆
捲簾邀月照圍棊光陰虛擲渾如醉哀樂無端未是癡

不寐挑燈裁尺素知君此夕更如之

快晴登凌江閣

綠潑江村雨後天垂垂新柳半含烟嵐開遠岫杯中落
帆曳晴雲鳥外懸鶴影似人癯倚檻花光如海豔當筵
關情最是將雛燕接翅歸飛暮靄邊

重過鴻鶴山莊

藥欄竹塢晝陰陰日漏蒼苔滿地金三月晴紅開畫本
一池新綠繪園林板橋曲折通漁舫澗水清冷奏石琴
地近南山宜獻壽年年卮酒對花斟

是日祖姑吳太宜人壽辰

春暮閒居

一春芳事去匆匆幾日繁英小徑封
午院柳烟迷夢蝶晴窗花氣醉游蜂
篋多書債償難了案積愁緘答每慵
三十未能名一技半緣兒女半才庸

餞春

朱櫻初熟青菱嫩斑筍纔尖細菌肥
四月江鄉風味好卻和新釀餞春歸

春日園居有感

春光底事太倥傯偶爾窺園百感重
燕翦斜風勤補綴蝶衣避雨苦惺忪
扶牀兒女催年長插架琴書笑客慵
自分不才無過想停鍼閒作硯田農

舸齋構草堂落成喜賦四首

數畝西園地稍舒寸草心
誅茅安石磴種竹護窗陰
院敞迎涼早庭空貯綠深
得酬潘岳志一任白駒侵
撿點閒蓑笠烟波興不窮
古梅移白下香草買吳中
野逸饒生趣經營洽化工
自禁寒食雨百卉盡龍蔥
好趁春暉永佳時未可忘
對花朝把卷留月夜稱觴
竹徑輸張廌蘆簾愧孟光
卻邀名彥筆珠壁滿虛堂
閣開羣木末徙倚絕囂煩
貯酒期同賞藏書好共溫
一區楊子宅五畝白家園
卽此堪娛老何須向鹿門

題玉嫺女史采采蘋蘩圖

菱歌蓮唱土風存雲水江南處處村爭似大家修內職
獨來南澗采蘋蘩

瓜皮撐出碧泱泱十里新流鑑素妝偶向綠楊灣裏住
柔荑一掬水俱香

閨閣賢聲戚里稱吉蠲孝享雅尤能儒家菽水饒風味
合取溪毛八豆登

德曜天教事伯鸞評詩讀畫兩情歡語兒溪上堪偕老
烟水鴛鴦夢亦安

四月三日駱秋亭過小園有詩見贈依韻答之

三徑蓬蒿翦乍晴雲輶合藉管絃迎才除道韞無兼美

詩繼賓王有正聲爲感虛懷深繾綣每逢良會與論評
如何賺得生花筆消受人間不朽名

秋亭原倡

綠陰庭院雨初晴多謝君徽掃徑迎佳日難逢櫻筍
節名園況聽管絃聲山橫高閣鈎簾坐花映長廊挽
手行莫怪燒燈清話久十年前已仰才名

和秋亭春日寄懷元韻

消閒誰似女相如碁局茶烟逸興餘緗卷舊傳班氏業
絳帷親課左芬書

左蘭城妹爲秋亭弟子

聲華十載神交久風雅

三春把晤初慚愧頻年忙裏度吟懷差共鬢絲疏

秋亭原倡

羨君福慧有誰如
鎮日金閨樂事餘
花院養姑春奉酒
篝燈課子夜鈔書
舊傳詞翰留名久
新起樓臺攬勝初
獨我他鄉飄泊甚
鏡中愁見鬢蕭疏

和論山兄新居對月原韻

曼倩東華宅
庭除滿綠苔
雨餘初月淨
林下一尊開
古劍含龍氣
高桐養鳳胎
閒齋吟玩處
南望幾徘徊

論山兄原作

新僦東華宅
閒門閉綠苔
兩邊鄰樹合
一道月波開
冷浸冰壺玉
清含老蚌胎
四更人語靜
攬袂獨徘徊

題虎山尋夢圖

吳門陳竹士與其室金纖纖女士虎山唱和甫
及歲餘而纖纖物化欲作虎山尋夢圖以寄意
適得陸定子畫幅若預爲留贈者翰墨因緣非
偶然也爰題小詩紀之

虎山重訪舊游踪山自嶄岼柳自濃惟有冰魂無覓處
淒涼孤棹夢惺忪

珠聯玉和幾經秋佳偶人間罕白頭不用披圖思往事
斷雲流水總增愁

和論山兄主試粵東途中見寄之作

纔扈 鑾輿踏玉塵又持絳節動朱輪 九重舊識量

材尺三載頻爲奉使人粵海蛟龍投巨餌蘭臺鸞鳳結

芳鄰

德樹堂學士同往

五羊城月珠江雨綵筆而今倍有神

論山兄原倡

陌上槐黃捲作塵涼陰如水送征輪三年兩奉皇華

使百歲猶爲綠鬢人

予年四十又七未見二毛以百歲計之猶爲少年也

處處

爪泥來印跡

寓館多舊會宿處

翩翩鸞鳳許爲鄰

先後同德樹堂恭蘭

岩兩太史酒樽詩卷隨行具依舊清狂自在身

三朶花次韻

婪尾生來自不羣重重翠幄護卿雲豔殊蜀錦秋三醉

香淡揚州月二分底事萬花開
白社浪誇四照媚紅曛
直同金帶圍呈瑞他日台階兆使君

清娛閣看雨

江城五月晴難卜梅雨朝朝灑
茅屋買春一斗滌煩襟
竟日開軒看懸瀑催詩非鉢富
千篇到耳疑珠傾百斛
鋪成濃墨雲如海織出斜紋斷
還續金蛇電影掣江天
玉虎雷聲震巖麓迷漫溪水沒
荒蒲浩渺秧田飛野鷺
家家濕烟罨黔突處處村農叱
黃犢幽情此際有誰知
剝啄無聲儼空谷斷虹掩映入
殘霞好鳥間關語深竹
翛然自謂羲皇人能得餘閒是
清福

偶得雨餘暫借早秋天之句足成一絕

綠陰如幄一樓懸樓外奇峰半化烟蕉葉有聲荷氣淨
雨餘暫借早秋天

夜坐

桐陰缺處半規生寂寂空庭夜景清秋氣暗侵河影淡
露華寒逼候蟲驚光陰冉冉臨風燭身世匆匆向曉更
千里長安同此月雁行零落總牽情

辛亥中秋前二日三妹歸自都門集紅蕉館翦燭
夜話仍疊前感懷書寄元韻四首

七十纔過半分行歲十周霜鴻中夜枕叢菊幾番秋易

覺相逢夢難緘寄遠愁還憑一輪月雙照話從頭

憶歎潘年近流光又幾周不才心更懶多病髮先秋問
字兒娛目穿鍼女慰愁未防青鏡裏霜色暗侵頭

福慧君雙得聲華冀北周人中羨騏驥堂上富春秋喜

沐新恩澤頻消舊別愁春來楊柳色無復鎖眉頭客

妹倩選句曲廣
文先自都門歸

舍北漣漪水鷗羣一帶周異鄉三地客同惜故園秋時

山兄歸自江南北鴻
起姪歸自浙東會巧翻疑夢宵深足話愁團樂有今

夕酒甕問牀頭

小春望後二日同晚芳姊浣雲妹集詩譜亭適鴻

起姪歸自浙東夜話聯句

越水燕雲聚首遲晚歸舟剛值小春時竹林韻事新重

整蒞蓮幕才名久擅奇池草十年惟有夢浣桂花一折

尙無期雁行且喜巢邊歇鴻驥足終看日下馳世事難

憑休慷慨晚塵容無改慰相思飛花共試生紅筆蒞映

竹同斟泛綠卮賦茗初心聊復爾浣穿楊壯志笑徒爲

慚叨雋譽矜頭角鴻回感華年惱鬢絲歡會恰憐風轉

燭晚團樂欣對月盈規遺書插架何能讀蒞往跡從頭

不可追寒燠循環人漸老浣萍蓬飄泊歲空移聯吟鄭

重良宵永鴻殘臘分攜未可知晚三妹將赴句曲學署

隨園先生道過里門以臥病未獲晉謁口占一律

奉呈

早歲心儀在鯉庭廿年天半仰文星
管中豹影虛窺測海內龍門自典型
學步正思親絳帳問奇何日讀元經
高軒輾轆過江郭只許愁人枕上聽

隨園先生見惠翠柏黃楊二盆走筆奉謝

卅載清陰愛護存卻分風月出隨園
畫屏鬆几春常在翠羽金支態不繁
渾似晤言親塵席久隨桃李傍龍門
應知無限栽培意好與流傳到子孫

題仲蘭四姑小照

幼耽詩史愛閒居此日幽懷尙不虛
同侍輕輿行樂後
天香濃處惜三餘

玉樹成行鬢未華半生福慧兩家誇
深諳過眼流光速
拋卻牙籤卽對花

題四姊桐陰課子小影

早年花月歎蹉跎此日佳辰靜裏過
一卷南華空萬慮
心澄如水淨無波

桐陰如蓋覆庭除拋卻牟尼課子書
往復不辭親口授
嚴師慈母兩非虛

祝隨園先生八十壽同舸齋聯句

歲逢 聖紀周花甲 鉉 剛值先生慶八旬料峭風先度

寒食 蕙 融和天爲閨花辰千秋已定無雙譽 鉉 五福應

推第一人合卺華筵開海屋 蕙 先生壽日完姻 世兄卽於 齊眉鶴算

閱靈椿晚栽瓊樹成連理 鉉 早著高文欲等身北部鶯

花供彩筆 蕙 南朝山水結芳鄰交逢故舊情逾重 鉉 客

遇清貧意更親白傅裁詩還示嫗 蕙 陳公投轄喜延賓

三吳名媛爭趨謁 鉉 一代才人企選掄薦士蓬蒿皆振

翮 蕙 休官婦孺盡攀輪金鞭紫陌忘前夢 鉉 紅粉青山

藉葆真壽永任憑推甲子 蕙 骨仙何用守庚申遨游名

勝皆關福 鉉 供養雲烟信有神投贅忝隨桃李末 蕙 操

觚深荷品題新

王子秋蒙賜清娛閣合刻詩序

會聆廣樂開先路

鉉先生

有八十自壽詩十首索和

敢步陽春拜後塵惟願年年逢上巳

蕙辦

香遙祝秣陵春

鉉

題二喬觀兵書圖

名姝天遣助英雄一卷陰符綺歲同今日丰神矜畫手
恍疑私語笑曹公

江行望京口三山同舸齋作

濤捲西風海色昏篷窗洞啟看朝暾渡頭馴象眠蒼靄
鏡裏雙螺動翠痕上界鐘聲隨鶻落中流塔影帶潮奔
家山處處堪娛老莫道驅車向鹿門

舸齋客秣陵廣陵以紀遊詩見寄戲答二首

秣陵僧院廣陵船處處關心寄彩箋
選勝情同狂杜牧
謂郭厚庵題詩格是小游仙二分明月扶殘醉四美佳辰趁少年珍重宵深風露冷征衫多半未裝綿

經旬小別休言別底事當歸又不歸
繞砌寒蛩吟思苦
一庭涼月賞心違
湖天夜泛烟波濶
刀尺宵停刻漏稀
安得中年婚嫁畢
扁舟同問舊漁磯

重陽後一日作代柬舸齋

菊花留客過重陽
想見連宵酒態狂
書到爲言歸不遠
秋深翻覺晝偏長
定知風月增吟夢
卻忘蓴鱸美故鄉

知否高堂髮垂白倚閭鎮日盼輕航

雁來紅

豈是諳鴻信妝成候不差盈盈飽秋露葉葉勝春花破
寺明殘照疎籬護翠霞依稀園主問何計駐年華此花一名老少年

瓶中臘梅

冷豔陳髹几相娛卒歲時晴窗烘嫩日曉鏡折橫枝心
素知春早香柔破臘遲燒燈傳畫本還藉紙屏移

雪後遊竹林寺同舸齋

萬竹響天風蒼蒼雪徑通峰陰洎殘白春色動晴紅燈

事城中過蔬盤世外同邱園真可老廬下笑梁鴻

花徑

徑勢千迴曲花光四壁圍綠天低地暗紅雨到晴飛流水濺裙濕新苔印屨肥山翁聞客至白板啟雙扉

竹籬

蕭瑟村邊路低圍眾木陰屋山藏不住溪水暗相侵烟蔓牽無縫風燈望轉深小橋荒店外隱隱出寒砧

苔井

無波何代井荒螯蘚花乾淺淺眉痕照深深月氣寒秋風填落葉春蚓上危欄蕭瑟景陽路銀牀已半殘

藥圃

剩有閒田地多栽藥一畦桑麻原不礙雞犬或同棲辨
種能知性尋苗淺劬泥華陽雖可採荷鋤費攀躋

清如月言金
卷二
四

清娛閣詩鈔卷三

丹徒鮑之蕙菑香著

古今體詩六十九首

自題烟波其泛小照

嘉遊幾度惜蹉跎卻笑無端鬢欲皤失學漸看千卷廢
承歡差幸廿年多心憐兒女成行易眼見繁華等夢過
中饋暫教新婦任好隨漁艇泛烟波

憶昔垂髫侍母時逾淮涉汶向天涯疎慵性癖輕鐘鼎
山水緣深重別離共載圖書酬夙好同盟鷗鷺遂心期
滄茫萬頃紅塵外細雨斜風到處宜

立春前秋亭索小園垂柳有詩見酬依韻答之

植向瑤臺遇好風
朱欄掩映畫簾重
未舒青眼應知喜
較勝荒園伴阿儂

釀春連日雨風兼
萬縷千條亂拂簷
從此河樓烟影綠
過門人說女陶潛

春日寄懷浣雲三妹

每逢花月怕登樓
花月無春不惹愁
百里華陽天樣遠
賺人一別兩春秋

咏絮庭荒咫尺家
歸程偏似客程賒
可憐荆樹榮春暮
枝北枝南各自花

題左蘭城銀河洗筆圖

賦就三都思邈然
拈毫更浣絳河邊
斯人何必曾經海
尊師夢樓先此筆
真堪獨挾天學到
丁年名已重花生
生曾遊海外
午夜夢皆妍而今
應笑乘槎客
片石攜歸未是仙

答秋亭謝贈碧桃花原韻

燕返新巢花綴枝
一天風雨綰離思
分將皎皎當窗色
換取幽人白雪詩

揮毫尙憶菊花前
睽隔清芬又一年
想見春風歸腕底
深紅淺白各爭妍

美人風箏次韻

飄然飛燕舞雲端廿四番風取次餐萬里鵬程憑一線
兒童莫作等閒看

霞裾月袂裊晴絲進退飄飄有所思生恐東風太輕薄
隻身欲寄最高枝

臨東亭納涼用少韞姪女韻

孤亭萬頃立蒼茫暫滌塵襟愛晝長入座江聲清酷暑
排空林蔭淡驕陽半天風色將成雨三伏炎蒸忽變涼
用憶奉板輿探菊信佳遊難再獨霑裳去秋隨先姑太宜人訪菊過此

少韞原倡

臨東東望正蒼茫
詩思偏宜夏日長
碧樹蟬聲消溽暑
晴江雲影淡斜陽
久承風範如時雨
又侍清談到晚涼
笑道竹林添韻事
山陰亭上盡羅裳

清娛閣同鴻起姪舸齋看雨得二蕭

風滿山樓暑頓消
片雲翻墨黯層霄
烟低遠渚江天合
電掣長空霹靂驕
澎湃只疑鄰碕壑
溟濛渾莫辨昏朝
不須投轄留佳客
漠漠平原沒斷橋

七夕立秋用李玉溪辛未七夕韻

莫是黃姑恨別離
遂教白帝促佳期
人間一葉驚飛早
河畔雙星待渡遲
良會卻當初永夜
輕裾可怯乍涼時

應憐明日分攜淚盡作新秋細雨絲

題淡香小影詩冊後

秋水爲神絕點埃
星眸生小識英才
從來佳耦齊眉少
越是名花越易摧

清才花貌幾能并
十九齡垂絕世名
莫怨此生春夢短
祇緣冰雪太聰明

芳魂寂寂孤村外
逸韻生生尺幅中
淒絕淡香樓上月
一窗花影鎖東風

綠葡萄

繁英絡架結蓬廬
深貯明璫百斛餘
一碧釀應勝竹葉

千房子恰異芙蓉。驪珠濃染秋波後，馬乳青含曉露初。
解渴不須思啖蔗，飽餐差足愈相如。

佛手柑

殘照西風野衲家。黃金一樹飽霜華，低垂輪掌尖猶歛。
深染旃檀篆，未斜隔葉纖纖。疑指月向人，欸欸欲拈花。
折來髣几供清玩，送臘迎春歲月賒。

芭蕉

蕉林十丈覆山堂。葉葉晴開露氣香，日映玻璃千片碧。
雨翻樓閣一天涼，陰垂永晝彈棊靜。綠暗匡牀引夢長。
裁作斜箋供染翰，淋漓不礙草書狂。

夾竹桃同浣雲妹作

仙源綺麗客迷津
況復淇泉綠蔭新
日暮簪紅幾秋士
天寒倚翠一佳人
渡江淼淼休歌葉
映箔疎疎不是筠
別有清芬異麝俗
那同李杏鬪韶春

放梢破豔總嫵媚
淡淡紅粧倚暮烟
但覺此君同我瘦
何曾薄命受人憐
涼敲桐雨音微度
暖醉荷風色倍鮮
三兩枝吟坡老句
笑他春媚遜秋妍

浣雲作

源水湘雲若問津
放梢時見著花新
閨中逸韻兼林下
君子風懷託美人
簌簌清陰籠笑靨
蕭蕭紅雨濕

香筠門牆立處宜高節不是尋常陌上春

涼韻猶敲佩玉聲燕脂乍洗粉粧明其華南國憐之
子載楫春江錯喚卿流水夕陽休悵望去年今日不
關情薰風嘯詠軒窗下自有芳香烈更清

王少林先生過訪山堂舸齋留飲分韻得清字

何來仙客叩柴荆廿載雲泥覲面驚詩卷定增當日富

名言不減舊時清薊門風雪孤吟興謂論山兄句曲烟霞滯

旅情謂浣雲妹安得一朝同聚首西堂連袂拜先生

少林先生過訪山堂分韻賦詩夢樓先生因余與

舸齋卽席有作以爲一時佳話更賦一首兼懷

家論山兄余同舸齋聯句奉和並呈少林先生

子猷子敬舊齊名

鉉

杖履聯翩此地停賴有參軍誇勁

敵

蕙

喜偕鴻婦拜荒庭綵毫墨海翻秋月

鉉

紅燭江樓

聚德星莫歎天涯頭共白

蕙

餘霞飛處暮山青

鉉

夢樓先生原倡

誰能夫婦擅詩名不負高軒此暫停綵筆鮑家今姊

妹

蒞香爲雅堂令妹姊姊三人皆工詩

烏衣王氏舊門庭閨中擊鉢才

如雪花下開尊鬢有星重話揚州春禊事只餘湖柳

尚青青

和隨園先生越遊得女弟子五人喜作元韻

年逾八十鬢方皤早脫朝衫住薜蘿種柏曾分盈尺本
著書兼惠等身多先生以盆柏並隨園全集見惠自操井臼供炊爨無
復蟲魚任切磋慚愧樗材生勝地栽培多恐負東坡

隨園先生原倡

夏侯衰矣鬢雙皤桃李栽完到女蘿從古詩人高壽
少於今閨閣讀書多畫眉有暇耽吟詠問字無人共
切磋莫怪溫家都監女隔窗偷覷老東坡

古重陽日夢樓先生偕諸弟子集飲綠山堂秋亭

詩先成卽次其韻

快對黃花酒緩斟風簾低捲碧波深藉將荒圃烟霞色

靜愜高人水月心佳日更親韋母範

謂達有黃太夫人

新題還

共大家吟欣看滿目琳琅列慚愧霜華兩鬢侵

再題烟波共泛小照和舸齋韻

遊跡年來逐釣航佳時多在水雲鄉春衫共染江烟淡
風葦同聽夜雨狂好趁中年酬素志試從閒處泥流光
雙鷗莫笑霜侵鬢身外無求任鬢霜

舸齋原倡

頻年踪跡託漁航來往鱸鄉與酒鄉風物及時從夙
好雪泥隨處寄清狂敢期覽勝追宗炳差喜聯吟有
孟光向夕莫依荒荻岸飛花黏鬢恐成霜

賀王少林先生生孫

江左風流歲月長
石麟更得小王郎
明珠在掌身猶健
丹鳳雖雛氣自昂
夢裏神仙貽綵筆
眼前蘭玉繼青箱
消閒卻羨先生樂
擲果分甘鎮日忙

秋亭邀論山兄晚
芳姊浣雲妹譙集
草堂卽席有

作同次元韻

樓外山光潑黛濃
莫教佳日去匆匆
虛名笑我輸劉妹
健筆推君敵杜公
家兄稱秋亭詩筆似杜
棠棣蔭連前夜雨
忘憂花放午晴風
廿年芳草天涯夢
暫喜吟尊此日同

秋亭原倡

高閣臨山萬綠濃知音話別太匆匆

浣雲將啟窗雲返句曲

外飛青鶴傾蓋花前識鉅公

謂雅堂先生

詞翰舊欽蘇氏

筆言容常接謝家風相逢莫怪相親重難得金樽此

日同

次日再集山堂用秋亭韻

萍蓬喜踐昔年期

謂大兄三妹

花徑重開待女師倚馬共推

安道筆

西席蓮塘戴公詩先成

登龍爭賞右丞詩

夢樓先生適至

厨供晚

筍青成束酒泛飛英綠滿卮老去自慚霜管禿浮名甘

載被人知

秋亭原倡

恰值西園雅集期
騷壇牛耳得吾師
征衣待拂凌江浪
綵筆曾吟渡海詩
把袂重教聯舊雨
師與雅堂先生垂髮至交
尋春可憶少年時
鮑家三妹才難敵
文讌山堂絕世奇

折早梅一枝寄論山兄詩以代柬

疎疎凍蕊綻林梢
持贈高齋慰寂寥
應識今宵紅燭下
一枝春惹客心遙

月夜同論山兄晚芳姊浣雲妹話舊

阿兄弱冠我垂髫
問字朝朝近綺寮
看寫烏絲傾白墮
替研墨瀋賦紅蕉
燈前伴讀書聲遠
堂上承歡樂事饒

彈指忽過三十載相逢莫怪鬢絲凋
此生端覺別離難廿載方成竟夕歡
佳日儘多塵事擾故巢雖近雁行單
青年江上頻分袂華髮花前共倚欄
莫放深宵明月去鄉園容易得同看

雪後得閨友詩走筆和答

鎮日山扉掩綠苔愁多偏覺雁聲哀
寒梅報到幾枝放好句奇爭六出開
作答兼旬容我嬾揮毫頃刻讓君才
果然詩思清於雪拂拭瑤篇絕點埃

論山兄過山堂看梅出憶舊詩十六首見示頃大雪盈尺作長句紀之

忍寒兀坐開重幃林梅爛熳香侵衣
倏明倏晦晝欲暮
阿兄策杖敲荆扉一篇示我不堪誦
掩卷汎瀾涕痕凍
芳華十載事如塵風色滿簾天若夢
振衣高閣共徘徊
銀沙萬斛橫空來須臾盈寸復盈尺
天葩繞筆爭春開
縈迴交錯逞風勢白遍層巒渺無際
望窮江海眩雙眸
清絕乾坤銷點翳天公作意逞瓌琦
欲索參軍雋逸詩
莫辭燒燭團圞坐兒童滿斟金屈卮

雪晴山堂梅花正開遲論山兄不至戲柬二絕

殘雪初消襟抱開
遲君花裏獨徘徊
驕兒會得予心事
隔院佯呼阿舅來

一林香雪媚春暉
好鳥嬉晴逐隊飛
問訊耽吟狂杜牧
佳時底事賞心違

新正三日論山兄過草堂小集走筆成詩卽步元

韻

消寒留客酒先茶
正好圍爐剪韭芽
春戀酡顏遲夕照
天教健步訪梅花
歸鴻印雪踪無定
古柏凌宵歲自加
祇爲居貧難退食
依然薄宦滯天涯

論山兄原倡

一樽檐外對紅茶
草已蒙茸柳已芽
藹藹停雲浮竹
徑霏霏香霧濕梅花
春憐歸客來偏早
老怯新年到

漸加莫厭頻過還泥飲明正此日又天涯

題晴江春曉圖

三高名譽重當年風雅襟懷學散仙不共棋枰爭勝負
卻從泉石結因緣

一幅春江萬里晴江天寬處欸柴荆忘機只有閒鷗鳥
會得先生物外情

丁卯橋

一幅春帆逐暝烟荒村何處訪前賢青青只有橋邊柳
猶自臨風綰客船

丹陽道中

清江閣詩集 卷三
夾岸平蕪綠際空布帆安穩趁西風辭家百里甯爲遠
入耳鄉音已不同

華陽道中同晚芳姊聯句

倡玉聯珠事久非

晚

得閒今喜扣仙扉蒼顏雙映晴波

朗

芭

禿筆重賡雋語稀風送岸花香入硯

晚

春融嵐翠

暖侵衣仙姑莫笑朝真晚

芭

路經仙姑廟

垂老烟霞願不違

晚

登大茅峰

大茅峰頂暮烟昏一氣茫茫覽八垠紺殿切雲開瀕洞
石欄和月倚嶙峋披衣香細臨芝閣逼面星寒近玉宸

恍見青童君欲下擬攀鶴背御飈輪

月夜坐乾元觀玉蘭花下

清絕山中夜翛然隔世塵露濃花墜地牆矮竹窺人不寐貪看月遲歸爲惜春搜奇詢羽士來日試朝真

遊洗心池過仙人橋入續麻洞

三山搜勝蹟登頓亦勞止十步五步間清景紛莫紀籃輿道旁歇小坐深松裏幽幽石窟間瀉出一泓水云是洗心池千載清如此且滌衣上塵臨風禮仙子是時日亭午更訪石橋址峩峩高跨空冠裳切雲起迤邐入幽洞陰寒浩無底不逢芝朮秀空餘土花紫感此重徘徊

仙蹤渺難企

白雲觀

樓臺金碧隱巖阿路轉峰迴
渺客過嶺上白雲從古好
此間偏覺占來多

華陽洞

連峰亘百里精靈聚仙府
事蹟溯華陽烟霞洞天古
下窺絕無路巖隙白雲補
黝黑怖潛龍猙獰疑伏虎
冥搜更爇火投足無全武
氣陰春自寒泉滴晴如雨
乍似撥琴絃又疑促箏柱
盤紆一里餘欲入更傴僂
仙人焉可逢丹砂亦難取
長嘯出壺天松林日亭午

垂雲洞

蛟龍春後不藏洞窟宅烟開如鑿空我攜竹杖鞠躬入
雲腳四垂寒欲凍初猶顯敞漸深黑地底殷雷走相送
泉流翠竇時有聲石湧天衣疊無縫五色迷離卷復舒
朶朶芙蓉問誰種石鼓頽然巨十圍桐魚一應千峰眾
我聞福地七十二第一華陽無伯仲到山已是入青霄
況此垂雲作檐棟人間奇境覽方知塵勞一覺遊仙夢

舟中口占

幾日松風得暫聞浮生依舊逐囂氛夢中已過金陵道
衣上還沾玉洞雲花柳光陰三月暮仙凡世界一宵分

清如月詩集 卷三
終當了卻紅塵累共訪丹砂問隱君

晚泊

歸途經百里繫棹日將晡回首華陽道三峰半有無酒
仍沾野店身已隔仙都清景奚囊富何須紀畫圖

閨友屢寄佳什未克賦答率成四絕卽以代柬

好風忽送五雲箋錯認餘霞落硯田掃地焚香供靜玩
連篇月露墨花鮮

清福清才足並誇裁雲縷月度年華丹青更奪天工巧
頃刻開成沒骨花

心情早歲誤雕蟲涉獵殘篇斷簡中未料半生經世故

卻教雙鬢已如蓬

屢邀佳什慰離悰想見含毫逸思濃料理答君將一月
半緣塵累半才庸

隨園先生輓辭

髫齡開卷仰鴻名直到中年始識荆投贄一朝邀雋譽

論交兩世結詩盟

先生與先徵君暨論山兄皆交好

貞松遠贈秋烟碧

仙荔分將玉液清

甲寅秋先生以古柏鮮荔見惠

常恐衰年來日少每

過江郭滯行旌

歲晏鱗鴻跡杳然朔風栗烈黯江天乍聞凶耗還疑夢
不見仙顏祇隔年涕淚無端零散帙瓊瑤何以答重泉

先生寄詩索和
未報命卽聞訃倉山雖遠心能至一束生芻奠碧烟

題陳繪川表兄小照

當年名譽重京師意氣曾教貴胄知回首望雲思就養
飄然一棹返江湄

壯志都從閱歷降杜門謝客任行藏歸裝莫笑無多物
一卷傳詩兩鬢霜

老著萊衣二十年承顏課子樂陶然安貧近日如君少

合與蓮花結淨緣

手折白蓮一枝故云

題句曲學博馮墨香自在舟漁笛圖

先生官舍小於舟璧水涵烟靜不流閒譜新詞橫短笛

一聲吹動已山秋

半牀書畫足移情常似乘風載月行著述盈囊身健在
天留行已領耆英

才方屈宋夢羲皇蔬圃鱸堂歲月長官冷儘容人問字
華陽桃李半門牆

送舸齋遊黃山

翩然揮手謝煩囂紅杏將花柳弄條奇句原非塵世有
壯心頻倩勝遊消綠波春淺挈舟穩黃海雲深覓路遙
登遍峰頭三十六銀鐙可憶坐清宵

晚筍

薦新時已失入市價應低饌想春盤上陰憐夏室齊獨醒過醉日完節拔青泥遲暮翻爲福猗猗渭水西

夏日過八公洞見先徵君畫松小幅

紙窗積陰開幽巖動清興輕輿趁早涼暗蘚踐樵徑朱華池已冒紫筍籬猶迸精廬眼先明短幅松陰淨午炎退泉聲濕翠入僧定淋漓筆所到雷雨山根應始知畫與詩神妙心互競久坐度微颺餘響歇孤磬宛宛龍蛇生潭影白晝映

和論山兄暑窗四詠

蟬

幽棲穩占碧陰濃
嘒嘒新聲遠近通
清飲那愁無曉露
高吟端不藉秋風
綠槐掩映冠綏見
黃葉飄蕭鬢影空
客豈知音偏愛聽
柴門倚杖夕陽中

螢

稻畦閃閃入烟墟
綺閣熒熒正夜初
應識此心含寸草
莫孤冷燄燭奇書
輕兼葉度風飄軟
涼繞花行露下徐
唐殿隋宮寥落後
多情常爲照蓬廬

蚊

連宵惱煞臥雲身
多似恆沙攪若塵
成市有聲如卜夜
負山無力但侵人
纖羅卻抵堅城隔
利觜殊嫌聒耳頻

直到商秋全掃蕩鯉魚風起雁來賓

蠅

玉塵輕揮去復來營營終日費疑猜
癡鑽窗紙終無路輕點屏風頓有埃
千里漫誇隨驥尾一時都厭上螺杯
寄言拔劒驅除客轉眼清霜徧草萊

論山兄原倡

冠綏天遣出塵中流響眞疑碧漢通
已是啼殘九秋月不禁淒斷五更風
翳憑一葉藏身易丸轉三生結習空
好語人間小兒女莫將機巧事黏筒

蟬

隋宮唐殿已邱墟歲歲螢光點碧虛
敢向檐楹亂星

宿暫將光影借琴書綠莎雨重穿簾澀羅扇風輕度

閣徐最是杜陵愁見汝滄江白髮憶吾廬

螢

長喙偏能飽細身輕於蛄蚋巨浮塵碧紗幬裏侵齊
主青草湖邊困麗人繞鬢有聲來乙乙切膚如語訴

頻頻莫矜夜出從蚊母一掃秋風有雁賓

蚊

暫時麾去復飛來無事煩人最可猜逐處不須銅有
臭點成能使玉生埃淋漓偏喜沿池墨齷齪何堪上
酒杯也怕炎涼時節換一般癡凍隕蒿萊

蠅

--	--	--	--	--	--	--	--	--	--



5235.8/4591

4

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

DEC 2 1954

東江鮑氏三女史詩鈔合刊

清娛閣詩鈔卷四

丹徒鮑之蕙荳香著

古今體詩六十五首

生孫誌喜

廿載勞勞鬢已絲
喜從中歲見孫枝
牽裾尙有隨肩女
繞膝尤多問字兒
架上芸篇期並課
階前竹馬待爭騎
小園梨栗經秋熟
他日分甘樂事宜

和浣雲妹詠梅四首

梅心

朔風吹雪凍漫天
獨抱冬心晚益堅
淡不言時孤月印

寂無人處一枝傳虛宜修竹同新契素與幽蘭結舊緣
中有靈犀冰樣冷肯隨春態鬪芳妍

梅骨

九疑仙子冠羣芳玉骨珊珊拗雪霜誰信一寒能入髓
果然竟體總含香瘦如白鶴凌雲健傲比黃花冒雨涼
自是君身有高格謾將皮相說龍翔

梅夢

風晴巖暖氣氤氲花蘂酣時夢欲紛雪壓松龕僧獨覺
春濃紙帳客平分鶴聲忽破孤山月蝶影同尋庾嶺雲
人世華胥恆苦短遊仙一枕孰如君

梅魂

淡淡黃昏寂寂宵橫斜浮動望中遙半林香月勾初返
五夜淒風黯欲銷招處帳宜裁紙薄斷來鈴可怯金搖
杏花開後尋難見一縷空將艾納燒

浣雲妹原倡

梅心

早春獨步得其天冰雪爲憑一點堅淡處只邀明月
印靜中自有妙香傳芝蘭素結生前契水竹清留世
外緣似笑無言誰更會風旛不動境超然

梅骨

負骨從知異眾芳生來傲雪與經霜何須錯節方爲
鐵莫道開花始有香健筆撐雲三折瘦縞衣浸月五
銖涼千年風格詩中見沈病潘愁孰較量

梅夢

寒林香霧鎖氤氲睡去朦朧夜色紛庾嶺神迷天一
線揚州幽會月三分黑甜鄉裏吹成雪翠羽枝頭散
作雲大抵浮生同此境勞勞塵網卻輸君

梅魂

三生幻跡可憐宵渺渺羅浮續夢遙幾箇黃昏禁得
斷一番風信黯然銷悄寒欄角和香返細雨檐鈴怯

珮搖只恐有情難遣此留連素影燭頻燒

和論山兄假滿北上渡河卻寄元韻

憶昨相逢悲喜并
倏辭鄉國又遐征
年華冉冉看銀鬢
花事匆匆到紫荆
千里風塵人獨往
連江烟靄雨方晴
關情最是同巢燕
從此慵窺舊畫楹

征帆渺渺度關津
戀闕思家夢寐頻
山帶斜陽青不暮
水添新漲綠難勻
卽看名譽傳當代
何憾文章誤此身
好待遂初他日賦
風泉竹露淨緇塵

論山兄原倡

江雲燕樹迥難并
垂老孤篷又遠征
兩地關心俱骨

月百年回首有柴荆牛邊草色猶新土

時葬先慈甫畢雁外

霞光正晚晴惆悵遂初何日賦小樓重閉鎖書楹

沙鳥風帆幾問津
竭來相喚渡河頻
春流未復灘猶露
夏麥將登雨正勻
落日知途存老馬
半生識字誤吟身
一辭南國鶯花去
依舊東華踏軟塵

初夏別論山兄後書懷四首

乍晴乍雨熟梅初
屈指君行十日餘
月滿黃河帆穩渡
幾時重寄大雷書

經旬不見猶相憶
千里相違奈若何
廿四番風三五月
幾時常向故園過

情知聚首無多日故戀冰蟾臥每遲夏始春餘寒未減
幾時重與話當時

辛勤念我多塵累慰藉頻勞數往來彷彿小園花柳問
幾時樽酒對君開

月夜懷論山兄二首

風和月滿晚晴天散步長廊思悄然應識客途無限意
辭家乍見一回圓

一載鄉園樂事賒別來蟾影又窗紗無心更醉端陽酒
始信忘憂但有花

夏至後二日同鴻起姪舸齋暨澂澣兩兒山堂坐

月聯句奉懷論山大兄

霽月明如許

鴻

遙知客未眠心猶戀鄉國

莖

身已隔山

川野店雞鳴夜

舸

孤舟日暮天馬因搜句緩

激

帆是載

書偏候吏驚稱字

雲

當關早認仙遙青瞻泰岱

鴻

垂白

向燕然憶昨過蓬徑

莖

連朝肆几筵園蔬欣上箸

舸

梁

燕替銜箋話到三更後

激

樽開晌午前晝長人不倦

雲

夜永影相憐觸緒詩如海

鴻

飛觴酒似泉豪情老逾健

莖道氣困彌堅玉樹誇羣稚

舸

樗材愧少年藏鈎邀撫

掌

激

負劒喜凭肩渭館方懸榻

雲

津亭忽繫船辛勤爲

兒女

鴻

去住任因緣別思縈朝雨

莖

愁懷寄晚烟重檐

歸宿鳥

舸

高柳咽新蟬野竹全舒籜

澗

盆荷尚似錢濕

螢流扇底

澗

涼露滴吟邊徑僻陰疎密

鴻

廊修步後先

風迴蘿壁裊

芭

星帶草堂懸有美依欄檻

舸

伊誰弄管

絃絨書訛舉燭

澗

把釣欲忘筌爭進竿尋尺

澗

何辭斗

十千支筇餘傲骨

鴻

擲管惜華顛欲報投桃意

芭

難賡

詠絮篇阿咸仍接席

舸

无忌敢隨鞭急景頻移節

澗

清

輝又上弦幾時還捧袂

澗

重對一輪圓

鴻

夏夜卽事寄論山兄

一規低映一身閒竟日無多竟夕安綠野蛙聲欹枕聽
綺窗花影背燈看荒疎萬卷年空長靜領三餘夜又闌

忽憶杜陵清不寐四更風雨葛衣單

兄有句云不是杜陵清不寐四更三

月有誰知

舸齋小住攝山招予同遊口占一律

耽吟欲笑伯鸞狂幾度題書寄草堂
塵事暫交新娶婦征衣旋裏舊遊裝
香殘金粟看無分果熟霜橙好共嘗
願祝天公助清興莫教風雨近重陽

將遊攝山晚泊金山寺登塔

夕陽欲下江波紫一棹沿江溯葭葦
舟人笑指攝山遙咫尺鼇峰當面起
峰根江底插半天一枝靈塔搖秋烟
絕頂孤高礙飛鳥金鈴自語風當顛
手攜稚子忽冲舉

江妃解珮馮夷鼓翱翔真欲到扶桑指點猶能辨吳楚
岷源萬里下金陵石城鬱鬱寒潮平紫金牛首總培塿
瀰漫一抹蒼烟橫下方鐘魚晚相促高吟且住凌雲躅
海霞入袂亂飄紅空翠礙眉輕掃綠御風忽復下蓬萊
紺殿蘭堂次第開臨行更欲恣幽討青絲纜解孤帆催
舟人打鼓乘潮去淡月橫江渾欲曙推篷四顧但漫漫
塔在銀濤最高處

幽居

蕭辰風日佳遊興復栩栩曳杖越重岡濃陰蔽朝煦入
門不見僧時聽幽禽語衰柳鎖寒烟松毛落深塢上樓

雲作梯墮瓦泉爲雨遺跡訪蕭梁殘碑摩夏禹脩然幽
谷中一步一延佇卽此足棲尋甯須事高舉

話山亭示兒子澐

危亭俯衆壑萬木高撐空層崖疊飛浪修橋眠彩虹泉
流漱深谷竟日聲淙淙斜陽照金粟香溢隨天風丹黃
雜蒼翠點綴疑神工呼兒事幽討一覽開塵容汝父癖
烟霞素與漁樵同我年未半百鬢髮將如蓬終當遂初
心共泛烟波中爾曹年尙稚學業宜力攻窮達非所知
但求明德崇試看古傳人何分士與農

春雨橋和舸齋韻

雲罨羣峰秀橋通眾壑春綠飛千尺雪清洗四山塵約
水烟絲重投林鳥語頻危欄吟望處多半惜花人

舸齋原倡

壑滙千峰雨橋留萬古春送花過別磯惹夢到紅塵
蒼翠望都合行歌不厭頻欄邊凝思者疑是畫中人

紫峰閣

絕壁憑空斷藤蘿過雨殷堆烟千佛髻如夢六朝山閣
外松濤急雲邊塔影閒無波一池水清淺豁塵顏

玲峰池

烟巒樓閣望玲瓏始信蓬萊鎖梵宮絕磴欲爭飛鳥上

清如閬苑金 卷四
一泓不藉細泉通松鳴遠岫排空碧檻繞澄波倒影紅
薄暮明霞晴散綺飄飄疑在五雲中

桃花澗

浪疊層崖樹抱谿翠微深處石橋欹桃花流水今何在
冷落當年舊品題

蒼藤蜿蜒走靈蛇夾徑楓林散綺霞有意吹來填澗壑
幻成錦浪作桃花

九日同舸齋登最高峰

攝山靈秀古所傳況逢佳日窮其巔商飈颯沓走沙石
籃輿曲折衝嵐烟濃霜幾日滑如洗數里楓林散霞綺

穿雲不覺近丹霄謾謾松濤喧腳底蘚磴一線盤蒼寒
人與猿猱爭往還巖梯伶俚躡未半十步九折行逾艱
豁然奮身倚天柱萬里江光橫匹素險絕何堪病骨躋
萬蘿端藉喬松附舉頭翠釜懸穹窿耳邊浩浩唯天風
黃花泛酒酌白日銀杏擢榦騰蒼龍須臾夕陽照峰紫
滄海盈盈一杯耳愧無健筆似班昭但聽狂歌樂平子
揚帆我欲登蓬瀛弱水三萬不可經臨風忽憶少陵句
俯仰今古難爲情

黃葉

山高霜信早黃葉滿疎林古澗一泓水斜陽萬樹金柴

清如月詩金卷四
門孤衲掃石磴白雲深隱約遮蕭寺相期策杖尋

夕陽

衆壑晚烟起歸鴉已滿枝秋痕如水淡寒景隔林移壯
士愁無極空山又此時樵人乘月返踏葉故遲遲

住德雲精舍紀興四首

清秋偕仲蔚幾日住名山風勁寒偏早林深綠未斑寺
傳千葉上僧夢六朝聞得遂烟霞志何須藥駐顏

閣對高峰最檐排老桂雙天香飛臥榻空翠滴吟窗沙
渚模糊辨齋鐘斷續撞亂泉通衆壑隨處聽淙淙

亭開林壑外松撼古今秋暝色遲遲見嵐光面面收重

檐巢蝙蝠頽檻上蝸牛徙倚渾忘返天圍月一鉤

偶占林泉福翛然百慮空尋碑三代上得月衆香中句

憶參軍好

隔歲論山兄
經此有作

燈挑稚子同匆匆理歸棹清興

付詩筒

歸舟有作

半規新月送歸航蘆葦蕭蕭引路長徙倚篷窗不成寐

四圍天淨水雲涼

扁舟淺水苦難行好待江湖午夜生月與詩人消旅思

今宵更比昨宵明

病中偶成

清江雜錄 卷四
一臥經旬日深深晝掩門病魔噓冷暖藥餌易饕殮胃
渴思吞海裘輕欲負暄竟須支瘦骨扶杖過西園
羸軀如鳥倦長晝與年齊侍婢諳情性驕兒任笑啼有
方驅瘧鬼無計覓刀圭嘹唳天邊雁聲聲到枕低

不寐

久病睡難著披衣夜未央燈寒蘭焰短霜重布衾涼隱
隱聞街柝遲遲待曙光劇憐羣動息開卷味殊長

冬日聞夢樓先生偕諸詩人集飲綠山堂懷家論

山兄率成一律

煮芹留客坐論文落木蕭蕭亂夕曛冀北星霜驚晏歲

江鄉鸞鶴賦離羣白頭戀 闕容方朔綵筆裁書感右
軍安得高枝棲倦羽一宵歡聚慰殷勤

臘月十五與舸齋山堂對月夜話同用八庚

庭空地白兩心清閒數人間不朽名惟願吾曹常笑語

何須兒輩作公卿寒輕此夜春將至

來日立春

圓到今番客

倍驚

謂論山兄

坐待明輝徧林木好隨疎影繞廊行

舸齋作

今年月剩此宵清但飲何求死後名樂志有妻同北

郭閉關無客訪元卿烟霞娛老人甯妬詩酒藏身夢

不驚憶得獨遊天海夜相期秋半共君行

黃山光明頂中秋看

月爲最

辛酉新正三日懷論山兄卽以代柬

早梅開徧向南枝送臘迎春又一時

戊午是日兄過山堂留飲有作

每到佳辰慵對酒更緣衰鬢懶吟詩花仍破雪香多減蔬已登盤味較遲差喜阿孫能學語紅燈竹馬慰愁思

送幼芬姪女入都二首

草長花飛感鬢絲可堪道韞別家時早明詩禮承庭訓乍歷關河繫夢思上國恩波看並渥客途況味憶曾知計程到及端陽後紅藕香濃太液池

二

福慧吾家讓爾全莫將離思恨風烟
蘭閨兒女成雙壁
燕寢椿萱正壯年強飯漫勞慈母念
寄書時到阿翁前
爲言京洛韓康伯鄭重功名早著鞭

答茅藥仙女史

鷗波夫婦久名齊詞翰爭傳管仲姬
贈我新詩逾尺璧
深慚裁答太遲遲

操觚技拙自髫時塵累蹉跎鬢已絲
偶閉蓬門吟下里
賞音何幸有鍾期

舊交兩世比金蘭

先徵君與令祖交家論山兄
與尊甫耕亭先生又稱世好
燕隔離

梁接翼難聞道若莘年尙幼公卿稱羨滿長安

南北神交十載餘
落花滿徑挽雲車
清談永日瞻風度
林下閨中兩不虛

嗟予忽忽過中年
清福清才羨爾全
北里親庭雙鶴健
膝前雛鳳更翩翩

里居咫尺抵關山
語笑依依夢想間
良晤幾回交臂失
參辰應是夙緣慳

藥仙贈詩

參軍家學舊知名
況是君徽藝更精
花骨輕裁春鬪
碧銀毫細舞月同清
秘書筆硯偏傳妹
賦茗才華不
讓兄
若列紗幃親講授
心香一點願輸誠

記從膝下赴都門閱歷關河稟半存燕北雲山多寄

跡越東烟水又銷魂

家姊赴任浙東

書緘見說親猶健衫袖

常教淚有痕詩到別離情更切對君羞把句深論

幼同弱弟學塗鴉載酒裁衫入絳紗廿載琴書成往事一時鴻雁各天涯身因多病才俱拙心爲謀貧願轉奢筆墨年來疎懶甚任他開落滿園花

我家小閣對青山仲蔚園亭指顧間掃徑未能迎霧駕探梅曾記款花關林端樓占三分小壁上箋題十樣蠻自恨結緣真太淺何時樽酒拜芝顏

題錢鶴山詩稟後

公子韶年骨相奇翩翩才調我曾知
蓼莪篇苦垂髫廢清白門衰隻手支
逸少法書摩詰畫文通彩筆謫仙詩
藝林他日傳佳話三絕推君冠一時

題雲根山館詩鈔後

張范交情奕世論早聞聲價重龍門

先徵君論山兄暨外子與君家契

好三世予又三都逸響推君嗣一技無成笑我存
筆浣同出隨園門

明河除點翳詞宗太白有根源閒居已遂潘仁志
日日輕輿奉小園

題戴氏雙節卷尾

青青連理樹一夕被霜萎已抱餘生痛何堪弱妹隨草

同悲獨活經遞課孤兒孝荀心原苦干雲信可期
披圖題句徧未讀已聲吞矢志同懷少磨筭異代尊寥
寥冰雪操杳杳脊令魂他日標彤管清風著一門

題紅蕙圖

笠澤風烟弱不支托根幽圃伴袁絲素心多恐無人識
略點胭脂爲入時

七月廿九日同舸齋清娛閣坐雨得腥字

暑釀雲陰重鵲喧風滿庭怒雷衝地起猛雨挾龍腥窗
潤生虛白山低斂暮青相於深竹外靜夜一燈聽

卽事仍用腥字

三餘時共惜庭戶晝常扃暑入秋彌酷蘭無風自馨墨
雲翻屋角白雨亂檐鈴陡覺炎涼變惟聞草木腥

題袁節母竹柏樓圖

花落樓空晝掩門至今人仰母儀尊春暉寸草乖初願
夜月慈烏泣斷魂鐵幹參天標勁節霜竿洗雨認啼痕
可堪十五年燈火獨守遺經付子孫

送逸雲三姪赴閩

一帆東下水天遙卮酒離亭興強豪遊子夢多鄉國戀
征鴻心爲稻粱勞晨星落落嗟吾輩雛鳳翩翩盼汝曹
此去客程堪自慰椿萱甲子未云高

書劒頻年事故侯又隨甘雨赴漳州

清霽亭觀察昔守吾郡拔取逸雲冠

軍師弟相得後歷任俱從遊

天教彩筆江山助我羨仙鄉少壯遊射

策他年看入洛囊錐此日暫依劉雪峰霞嶼多靈境待爾題詩最上頭

題卷施閣集後

曾侍蓬萊近玉清一枝椽筆破空行獨操旗鼓開生面
徧歷華夷著盛名黃髮猶深風木憾丹心惟向太陽傾
奇才不是天成就萬死何能得更生

曹墨琴女史書扇聯見贈率成四絕報謝

大姑風範未能攀妙詠曾經見一斑今日法書勞遠贈

衛夫人果在人間

幽院春殘長綠莎臨池功到墨成波
箋想見奇兒侍

文武傳家母教多

墨琴次子以承嗣聽夫先生襲雲騎尉

文吳寫韻綵毫纖玉府花深歲月淹
俯視紅塵應一笑

孟光夫婦守蘆簾

自笑耽吟句未工漸看元鬢似飛蓬
何時更放烟波棹

會向楞伽拜下風

和論山兄詠鳳仙花二首

天上佳期正鵲橋
司花翦拂肯辭勞
幾枝綽約依兒女
五綵離離振羽毛
細雨桐階零翠珮
斜陽苔院曬金絲

前身趙后紅樓在唱斷風裾一曲高

爛熳休嫌細藥紛一花一葉九苞文根依阿閣三珠樹
夢到蓬山五色雲血染春蔥螺透甲髻盤秋砌鶴爲羣
含情何處逢簫史滿地商飈白日曛

論山兄原倡

繁於仙杏豔於桃不藉東君點染勞著子已成鸚鵡
粒向人如詡鳳凰毛離披帶雨垂紅綬爛熳臨風散
錦綵玉砌雕欄誰貴汝祇應相伴老蓬蒿

輝輝鳳羽九苞紛小草猶能燦五文好與雞冠聯舊

雨輸他鴨腳上秋雲虛名紫閣難爲樣

唐文有短翅鳳閣樣

丹山惜離羣繞砌重吟還細把不堪惆悵對斜曛

清娛閣納涼時瓶中夜合花正開同舸齋暨兒輩

各賦一律

開到青棠晝似年小樓珍重晚涼天橫瓶素朶剛窺月
度閣幽香欲化烟有子成行歡自合無才問世愁難蠲
此花名合歡一名蠲愁浮生百歲蹉跎久肯使良宵付醉眠

清娛閣詩鈔卷五

丹徒鮑之蕙荳香著

古今體詩六十四首

西湖四首

西湖佳麗冠東南一水溶溶萬象涵
仙佛古來留勝蹟林泉到處盡名藍
光搖半月橋橫六影臥中流塔浸三
正值清秋風日好遊人不飲興先酣

面水林亭卻枕山陰晴併在畫圖間
柳邊朱檻緣隄曲沙際青蕪抱郭彎
花鳥四時供客賞烟波千頃讓鷗閒
鯉魚風緊霜飛早楓近西泠葉已殷

處士墳前竹木稠
風光宜曉更宜秋
亭依疎柳搖波面
船趁初陽出渡頭
嵐靄重重開畫幃
管絃一一占歌樓
忽看兩鏡明於洗
裏外湖澄宿霧收

遊雲吹盡午晴餘
天水空明塔勢孤
到眼總非塵世界
置身疑在小蓬壺
憑虛樓閣丹霞麗
環郡芙蓉紫翠俱
自有白蘇賢太守
至今風景未曾殊

雨中同舸齋泛湖聯句

烟波夙願在名湖

舸

細雨斜風興不孤
鮭菜蓴羹甘淡

泊

芭

黃花白酒足清娛
溟濛烟岫新圖米

舸

遠近沙隄

舊姓蘇萬頃水雲歸路杳

芭

野航合與孟光俱

舸

同舸齋聯句酬和野雲姪見贈遊越原韻

蓴鱸初美柏初丹

舸

秋淨明湖綠半竿勝地偕遊甯易

得

苙

華年如夢欲追難岱雲燕雪期同踏

舸野雲將約予北上

越水吳山不共看早晚東風雙鯉便

苙

先將詩草寄吟

壇

舸

野雲贈詩

舸齋姑丈暨苙香姑母詩名震耀久徧海內山水
之興本乎性情今秋復買棹東遊同尋吳越諸勝
烟波共泛用踐前言古今韻事莫是過矣因口占
長句贈行以誌嚮往

高秋放棹葉初丹其向烟波理釣竿山水是真兒女

幻

時姑母有殤女之感故云

偕遊容易兩賢難江湖海日奇爭賞

香霧清輝笑並看何用摩崖題姓氏早傳佳話滿詩

壇

龍井

高秋選勝來錢唐籃輿取道經風篁

嶺名

竹陰四合上無

路泉聲百道迴崇岡昔聞茲山有龍井井底蒼龍眠不

醒更聞高僧有辨才月林結客無塵埃有龍則靈僧則

典瀾茗終年駐軒冕碑碣模糊蹟半湮林泉森邃名尤

顯我來風日正清幽策杖捫蘿終日留三面嵐光沐微

雨四圍霽色明吟眸丹黃蒼翠紛巖腹天爲遊人開繡
谷亭前奇石作雲房山外明湖消霧縠殘僧掃葉煮寒
泉一甌著手清可憐坐覺幽香襲眉宇不知眾壑生蒼
烟何來鐘聲落空碧昏鴉陣陣催歸客還期十日曉霜
濃停車一覽千林赤

錢塘觀潮

錢塘九月楓未凋澄波如練秋霄高遊人夢覺先鳥起
應候來看江頭潮俄聞隆隆振坤軸畫天一線銀光遙
濕烟迷離越峰失烈霆震蕩吳山搖須臾黑飈吹海立
颯沓似策扶桑鰲靈胥怒乘雲霧至素車白馬紛翔翺

初疑水犀練烏喙六千君子戈矛鏖又疑陽侯弄風雨
揚波激浪撼斗杓舟人鬪險逆潮上回檣滾滾隨飛濤
喧豗澎湃沸天半雪花百丈搏風驕憑欄但覺雙目眩
毛髮聳立神魂飄回頭風定片帆出水天一色烟雲消

錢王祠

老樹鴉歸碧殿昏霸圖渺渺弔忠魂生降潮水韜弓弩
死愛湖山長子孫姓字不隨烟浪逝功勳猶見蘇碑存
至今陌上花開日緩緩人還唱墓門

六和塔

峰頭古塔勢嶙峋舊跡還來訪月輪到頂鳥看飛下界

倚風人欲出紅塵千山入越秋逾秀萬弩翻濤海有神
信是巍巍龍象力夜燈終古照迷津

湖樓卽事二首

朝來把卷暮憑欄匝月樓居旅思寬南國烟花娛倦眼
晚菰滋味勝春盤湖邊秋雁櫓聲起霜裏芙蓉練影寒
欲寫西施真貌出含毫幾度坐更闌

舟可頻呼酒可賒一篷時向水雲涯世間極樂皆如夢
客裏能安卽是家四序風光秋最好中年目力晚初差
從知盛覽無多得夜夜開簾待月華

六一泉

寒泉清見底韻事話歐陽水榭空三面萍池綠一方雨
餘松子墮秋後蘚花蒼照影湖天晚晶奩淬月光

曉晴買舟看霜葉

北風徹夜連天吼橫掃陰霾疾於帚起看雲斂四山青
湖水平隄濠疎柳舟人侵曉叩荆扉報到山衣盡賜緋
瓜皮雙槳輕如燕擊破玻璃掠水飛沿洄疑入丹霞谷
潑眼千花萬花簇頓教人世變繁華圖畫天然開一幅
維舟乘興過南屏涼影飄蕭步履停一片白雲千點雁
夕陽人立最高亭

湖樓偶成

積雨欣朝霽澄波直到門烟消山脊露日出渡頭喧吹浪魚知樂嬉晴鳥互言櫓柔絃管細絡繹向名園

僦居闌闌外一室置身安檐敞看山遠窗低近水寒曉風香藻荇暮色醉林巒晏息侵晨起終朝逐兩丸

由九溪十八澗憩理安寺

九溪十八澗潏洄山勢如屏摺復開絕磴鳥爭雲上宿夕陽人自畫中來寺浮綠海疑天近松響晴濤認雨催
歷徧西南無此境停車林下故遲回

小有天園

小有蓬壺勝兼旬兩度經樓臺浮蜃氣竹木狀山靈春

色輸霜色南屏卽畫屏尋碑緣曲磴日暮杖還停

水樂洞

太古無宮商聞泉似聞樂千秋無賞音此淵終不涸幼
讀坡仙詩卽欲窮斯壑今秋事幽討不憚徑犖确蒼巖
肖巨獸猙獰勢尤卓策杖俯谿谿雲璈暗中作更聆虛
寶音金石相交錯泠泠悅塵耳不覺日西落

虎跑泉用坡公韻

慈雲山僻野花香夾徑松風逼面涼虎井一泓僧眼碧
霜巒四合錦屏長塵勞未畢嗟華髮勝地能來覽上方
讀罷坡仙舊題句竹爐佳茗喜同嘗

韜光

石磴高無極迂迴萬竹叢陰崖含雨氣疎磬落天風吳
越窺烟外江湖入座中溯泉登絕巘蘿洞禮韜公

靈隱寺

岩巖鷲嶺與雲齊海日江潮入望低一自理公埋骨後
至今峰下少猿啼

冷泉亭

泉冷亭閒俯澗阿冰奩今古照人多任他眾壑爭歸海
此水終年靜不波

飛來峰

清如月言金 卷三
西竺飛來一角山和雲和樹落人間靈峰也識明湖好
小住千年徑不還

龍泓洞

靈窟高窺一穴天重淵深與越江連激清不用禪心制
抱得明珠自在眠

玉乳洞

巖戶玲瓏面面通何年鬼斧鑿秋風泠泠石乳晴猶滴
當日呼猿或此中

射旭洞

理公巖穴晝冥冥霧裏蓮花萬朶青一線中分晴射日

尙留片石記翻經

雲棲

夙慕雲棲勝松篁不計年層嵐中有寺一碧外無天懺
室香成霧齋厨笕引泉死生同日決部署至今傳

玉泉觀魚

淨院依山麓文鱗鏡裏行琉璃如不隔荇藻自交橫豈
羨江湖樂何愁網罟驚天機徵活潑予亦愜幽情

石屋洞

昔聞巨靈擘華斷山脈未聞鑿山充梵宅曠然廣厦羅
朱龕巖竇玲瓏貌窗格紅蘿成幄松爲關蒼蘚鋪茵佛

鐫石涓涓足底閱靈泉淅淅懸崖迸雲液我疑此窟非
人工應是鴻濛以前闢卻慚雙鬢已如蓬始識寰中有
奇蹟

紫雲洞

新晴乘筍輿逶迤緣霜岑丹黃背朝旭錦障明千尋行
入邃谷隔林聞梵音俯觀斷崖底黝黑百丈深四時
不見日萬古常陰森涼飈透巖隙石氣秋鬢侵上列古
松檜濤起如龍吟還期屆盛暑相與清煩襟

金鼓洞

越嶺盤崖角交空竹徑灣犬眠門晝掩已識道人閒雲

窟支丹竈茶烟簇翠鬟不聞金鼓響惟有水潺湲

吳山同舸齋登大觀臺

秋老吳天雁叫霜同臨絕巘覽晴光錦屏霞抱緣湖曲
雪練烟銷界越長隱隱靈潮喧古堞瞳瞳海日出扶桑
徘徊憶到歐公記勝槩如登有美堂

同舸齋泛舟西溪聯句

古蕩秦亭路屈盤

舸

北高峰北水雲寬舟從碧葦叢中

出

茝

山向丹楓缺處看過客自來憐境僻

舸

居人於此

托身安登樓秋雪飛如許

茝

詩骨今宵分外寒

舸

孤山

孤山不與眾山俱獨背繁華占裏湖擬酌寒泉薦秋菊
空林何處訪林逋

四圍烟水小亭收放鶴人遙蹟尙留何用文章傳不朽
一抔今古擅風流

雷峰塔

不占天中占水涯
酡顏終日醉烟霞
李流芳句雷峰倚天如醉翁
遊
人莫笑光芒禿幾度滄桑閱歲華

橋李道中

石門城古帶隄遙
城上寒雲黯不消
漾水霞如金鯉赤
飽風帆似玉驄
驕十分楓葉增吟興
兩岸蘆花隔市囂

來日鴛鴦湖畔過相於佳處駐蘭橈

雨中登烟雨樓

一篷涼雪泊菰蒲烟雨空濛景頓殊近海樓臺疑蜃市
蕩舟兒女愛鴛鴦湖汀邊楊柳欹逾重天際蘆花淡欲無
日暮憑欄更凝睇茫茫何處是前途

吳江夜泊

舟抵吳江驛收帆值晚晴寥空孤月白荒戍一燈明隱
隱垂虹渡蕭蕭敗葦聲水窗清不寐次第聽寒更

夜抵吳閶

風定夜潮平眠遲夢未成飛霜吟枕覺達曙水窗明關

近更尤急舟多語不清微聞臨潯墅知是闔閭城

山塘泛舟歷虎邱諸勝

快晴一棹泛清秋竟日山塘作勝遊金粟香殘叢菊早
吳閶隨處儘淹留

雨餘新漲碧於螺畫舫香輪絡繹過賣到秋花聲未斷
水窗七里捲簾多

嵐收孤塔出溟濛柳引長隄落鏡中到處青山開白社
飛樓千載仰蘇公

幾處砧聲亂雁聲深宵打槳薄寒生誰家暮雨瀟瀟曲
月浸高樓一笛清

斟酌橋通白傅祠
祠邊歌吹夜歸遲
仰蘇懷杜詞人盛
合繼劉郎唱竹枝

碧磴丹梯望不窮
一峰孤湧寺當中
秋花開滿眞娘墓
點點都成血淚紅

半臨阡陌半臨城
迤邐樓臺逐勢成
花外青旗烟外舫
朝朝不斷管絃聲

闔閭墳在劒池間
蒼蘚層層翡翠斑
霸業等閒拋逝水
一杯贏得占名山

一角飛軒架壑牢
松風足底響寒濤
人家十萬蒼烟裏
半日登臨遠市囂

短簿祠新迹已陳巖花澗草互爭春遊船日日祠前過
不識名山舊主人

遊華山

鷲嶺霜融曉氣澄鮮妍畫幃展層層踏殘黃葉剛逢寺
飛盡白雲纔見僧風度前溪傳梵唄堂開深竹隱龕燈
振衣擬躡蓮峰頂徧覽仙蹤興尙能

偕舸齋遊天平山

天平山勢何崔巍孤峰屹立千峰圍蒼蒼烟靄望不盡
霜楓古檜交柯枝昔聞茲山有松日華蓋根蟠石縫勢
高大又聞掛壁有名泉一線銀光走雲外我行木末參

井捫伯鸞引我登龍門洞庭兩點儼鬢髻太湖一鏡涵
乾坤更踏懸崖覓遺蹟清磬聲聲日將夕秋氣陰寒石
氣青隱隱刺天皆草棘吁嗟乎人生樂事不易求光陰
百歲如奔流修名未立身已老與君何處尋丹邱君不
見范公節義垂邦族高塚千秋絕樵牧他日能完借隱
心理骨茲山願應足

遊秦氏寄暢園

爲訪名園一繫舟小春天氣似殘秋霜催紅葉爭花豔
牆放青山露佛頭琴筑聲聞松外澗簾櫳涼捲水邊樓
主人軒蓋何時駐佳日偏容過客遊

送舸齋遊天台

一年一度越東遊已慣天涯不賦愁
黃海詩成剛脫橐綠梅花謝又登舟
名山志果追禽向仙境蹤應遇阮劉
料得桃源今尙在洞門雲水日悠悠

送野雲姪選貢入都

行踪奕世等雲烟話到將離便黯然
身重固難拋老幼

家貧豈易戀林泉關心聖代新恩早
回首慈顏舊夢

懸

壬辰春予侍太恭人入都

爲語相如今病酒

論山兄近患酒癘

好安眠食

慰華顛

招隱寺題壁

霜重林疎路寂寥招提勝賞愜今朝松盈樵擔輕饒雪
雲附僧衣遠過橋虎跡舊餘泉石冷鶯聲春憶管絃嬌
塵中堪笑勞勞者十載重來鬢已凋

蓮花洞

蒼苔老逾厚一徑入幽竹不知烟嵐深古佛全身綠
洞門氣幽幽花密人難進樵婦日斜來秋紅簪兩鬢

長兄訃至誌慟四首

哀鴻徹夜不成眠凶耗驚聞淚似泉半世功名從此了

全家老幼仗誰憐承

恩信得彌留際

客冬應推陞內閣侍讀學士

赴召魂歸借壽前

上元日同大姊等具疏禱神爲兄借壽已是卒後十日矣

慟絕尺

書貽小阮

兄與鴻起姪書明春及早來都或可一面

豈知一面竟無緣

憶卜瀧岡乞假還鄉園一載極悲歡祇因擔重肩難息

縱使身閒夢不安蟻泛花前嗟老至雁飛天外竟行單

兄每與蕙等聚首思及笙山兄輒淚下

傷心歷歷言猶在肯信歸骸寄一

棺

一官粉署十三年百不營求總信天菱角甯磨成芡實

柳條肯屈作柁樁生前已是全名節死後何須問佛仙

幸有千秋遺業在流傳況得子孫賢

疎散襟懷迥出塵守官守道自安貧情眞每寄書中夢

蕙素多病兄每憂之有夢必寄書致問

俸薄常留座上賓猶子久聞如已

子抽身終未遂吟身追思往事俱成淚忍對荆花歲歲春

王夢樓先生輓辭

正苦思歸櫬

論山兄卒於京邸樞尚未歸

俄驚菱哲人上清同應召

大雅孰扶輪撒手心無礙從頭跡未陳曠觀滄海日早

占玉堂春宦績追袁紹

紹爲臨安太守時人呼爲佛子

文章駕潁濱西

湖開講席

北闕念詞臣摩詰休官早香山結社新黃

壚時貰酒白舫偶垂綸椽筆空前代囊書著等身逃禪

求戒律顧曲養天真望擬荊州重交惟鮑叔親憶予操

末技總角接清塵謬以同音許

廿年來先生每閱蕙詩輒云近時詩律之細唯

爾能之亦嘗叨問字因遽聞歸淨土誰復指迷津業自

傳千古名猶噪八垠騷壇無領袖絳帳乏傳薪砥柱淪

江漢靈光圯棘榛齊眉泣龐母離膝慟安仁時令嗣君入都謁選

獻壽詩猶欠先生七十壽辰蕙擬作小詩爲壽未成招魂願莫伸思量知

已感染翰總傷神

清娛閣詩鈔卷六

丹徒鮑之蕙荳香著

古今體詩八十三首

壬戌寒食聞長兄柩出都誌感

風雨逢寒食關情涕淚俱
梨花春事冷麥飯旅魂孤
終被浮名繫都緣半畝無
如何隔生死入夢總模糊

寄三妹

怡情觀物化觸處轉依依
已恨連枝少何堪聚首稀
錦鱗江上杳元鬢鏡中非
書到須料理秋期莫更違

四月九日同人登北固山樓晤秋亭女史

女伴招予興強乘肩輿直上最高層扣關卻喜班姑在
入座同憐白髮增極浦青浮羣岫小飛樓晴納一江澄
家山依舊人何在話到遺篇感不勝論山兄北固山樓
舟載妻子相與故
山勝處長追遊

經舊宅

故宅兒時出門庭卅載違尋花三徑在問姓四鄰非樹
老春疑少梁空燕尙歸悲涼無限意不語對斜暉

過江上諸道院小憩凌江閣看牡丹

閒來何處著吟身不在山巔卽水濱嵐湧一筇黏翠濕
潮平雙槳翦波勻風能醉客非關酒物盡愁人豈爲春

百歲光陰哀樂半肯教枯坐負芳辰

眾香院靜闕巖阿滿地春深長綠莎花壓一欄酣酒豔
樓開三面得江多日斜帆影飛窗戶風暖天香度薜蘿
羽士莫嗤遊跡少板輿懸後懶經過

憶自太宜人去世後未經此

夏日遣懷十首

小有山林起聊除心地煩殘紅紛雨徑蒼翠合蘿垣岫
遠窗間列濤驚樹裏翻養閒能半日亦足濬詩源

早年耽識字老大復溫經時雨連朝足林陰覆屋青氣
蒸烟尙濕風過草俱馨來日晴難問蝸牛上戶庭

潑眼皆新綠聞聲半野禽簾疎通雨氣蕉短可窗陰展

清如閑詩金
卷六
卷忘長晝裁詩乏賞音

論山兄與夢樓先生俱已厭世

閉關無箇事不

啻入山深

向暮息煩暑無邊秋意生戰風檐馬脆織雨候蟲清塵

淨中庭敞涼歸細葛輕預鈎簾八尺延月入書楹

追涼過仄徑覓句繞長廊洞啟窗三面平鋪月一方烟

蘿酣蝶夢風柳亂螢光露坐貪清夜時聞菡萏香

靜極翻多慨蒼茫感歲時幼年悲失怙暮齒重連枝惜

別驚春早看雲怪雁遲誰知一分手後會渺無期

半生遵婦道插架負牙籤易見兒孫長難求福慧兼匆

匆逾旦暮瑣瑣問壅鹽鄭重逢長夏功夫較昔添

衰髮經梳落愁腸藉酒融任勞知我拙不教爲兒惜籬
豆秋方結山花晚自紅何須勤灌溉榮謝總天工

朝課偕張仲宵吟憶阿咸聲華傳上國塵土撲征衫

祿養因貧就鄉書帶淚緘天應昌節孝雨露點頭銜懷野

雲姪
都下

句澀才將盡心勞鬢易蒼曝衣防雨久織素禦秋涼風
木知難靜詩書肯暫荒弄孫娛暮景差勝駐顏方

舸齋寓邗上補作台宕遊草將歸顛風斷渡三日

戲柬一絕

貪取湖山入笥中淋漓筆墨吐長虹何期潛被天工妬

三日歸帆竟阻風

清娛閣新秋懷野雲姪

愛月攜兒輩宵分更上樓松篁三面影風露一天秋遠
岫歸雲杳高枝獨鶴投長安渺何所凝望總悠悠

茫茫天地意終古困才人落葉清秋夕高堂倚望身齒
於潘岳長家較馬卿貧喜有凌雲筆 新恩沐小春

廷試在
九月杪

野雲和作

寒月臨燕塞新霜照 鳳樓夢回砧外樹心去雁邊
秋才短書空上途窮筆欲投薦衡今孰是人事總悠

悠

裘馬長安道相逢半故人浮雲原過眼塵海獨嫌身
狂在非關酒愁多不爲貧數行知己淚辛苦盼陽春

癸亥正月四日長兄忌辰誌感

酸風苦雨總帷寒滿壁哀辭不忍看泡影一年悲逝水
夢魂三月離長安霜枝拗鐵凋零易梁燕辭巢補綴難
何地可傳無限恨海中空說返魂丹

孤棺猶未卜新阡底事精魂竟杳然澹泊心期盟白水
蕭條家具剩青氍亦知浮世皆如寄爭奈衰門失所天
淒絕書樓春雨冷好花容易過華年

謂愷園姪

上元懷野雲姪

驚心節又到元宵

去年今日同大姊禱神爲兄祈壽正野雲北上前一日

黯黯層

陰雪意饒懊惱人難勝醉夢膏騰天易越昏朝春聲幾處喧燈市夜雨經旬變柳條有客隻身千里外鄉愁此際若爲消

郭蘭池過山堂探梅值予與舸齋閒坐蘭池有詩

贈舸齋次韻和之

中年嗟序促同惜釀梅時藥褪連朝凍禽窺向午枝詩脾晴日健花信閨春遲清極香中韻偏宜小杜知

蘭池原倡

新正無事日幽院峭寒時覆砌冬春雪交檐向背枝
人如空谷坐月較上元遲梁案催花句東風昨夜知

舸齋和作

畏寒朝晏起臘盡試燈時客響尋春屐禽嬉破凍枝
影雙搔鬢短時苴香在座句澀放杯遲養拙耽閒趣偏宜

舊雨知

上元後一日澂兒寄閱梁溪遊草喜書卷首以示
一卷吟成改歲華慰予望眼倚閭賒喜添詩筆酬先志

先舅南原公工詩早卒病革云予好詩天不假我以年願子孫能繼予志差有詞鋒繼外

家客久漸能安旅況年輕原未慣天涯歸帆若趁東風

便繞屋山梅正著花

春日偶成寄舸齋

閉關無客訪梅花
花自闌珊柳自芽
積雨垣苔侵屋角
認巢梁燕啄窗紗
詩情偶爲閒居得
春意偏宜閨月餘
聞道竹西風日好
可將奇句鬪繁華

舸齋和作

春寒二月見梅花
花信初番草始芽
湖舫得詩多信口
僧廬好事替籠紗
薄遊一水淮南近
小別經年冀北賒

謂野雲

非是佳辰耽寂寞
懶將衰鬢對繁華

同愷園姪暨兒輩
雨霽登清娛閣同用新字

風清日暖健吟身
雨歇高樓物色新
鵲噪雲陰開北屋
蝶隨花氣過東鄰
輕雷乍破羅浮夢
細草都成翡翠茵
卽此一尊堪共賞
底須遊思寄郊園

愷園姪止宿山堂有詩見贈卽次原韻

苔淨庭空不受塵
一天霽色作濃春
窗延遠翠晴橫榻
花釀香風暖醉人
白戰難逢坡老再
論山兄有登清
娛閣看雪詩
綵毫喜見仲容新
百年佳日鄉園少
莫厭深宵喚酒頻

愷園原倡

嫩柳飄烟動麴塵
步過芳徑始知春
天容落檻青收雨
日氣烘花暖健人
楚客幽懷香草共
坐有盆蘭甚茂
謝庭

清女園詩集 卷六
佳詠玉臺新卻慚覽舉疎詞筆強逐鶯簧學哢頻

叔淵姪有園花爲風雨所傷諸作藉誌悼亡之感

爲題卷尾慰之

珠璣和淚迸吟箋絕似潘仁悼往篇應識穠華消歇易
尋香弔影總徒然

清明有感

融風霽景賣飴天一度清明一黯然酒盞難澆泉下土
松陰易冷墓門烟天桃昨日輸今日華髮新年勝舊年
寸草心舒春已老可堪更讀蓼莪篇

書近狀

眼昏神憊惡煩囂
刀尺還須手自操
往事猶能追稚齒
新霜不覺上顛毛
畧參浮世盈虧理
不羨朱門意氣豪
家計粗安兒女大
此心拚向讀書勞

愷園姪阻雨山堂留飲有作

春寒陰易釀病骨
倦難支只覺催詩易
偏於阻客宜花遲
過節發柳弱受風欹
轉眼韶光換深杯
莫更辭劇憐春晝永
可奈雨風兼篆石
蝸文古穿籬燕筍
纖苔深遊屐印窗
潤落花黏愁見緣
階草紛如白髮添

晚晴招愷園姪小飲仍疊見贈原韻

沐徧林陰雨似塵
閉關留不住韶春
雜花次第俱成夢

清如閣詩金
時鳥殷勤學勸人

鳥語得過且過

曲和鞦韆斑管禿樽開琥珀

玉鈎新巡檐遲爾探驪句裙屐休嫌出郭頻

和愷園過山堂看花原韻

留春無計駐飛花多謝新陰作意遮風竹敲窗碎珠玉
壁蘿引蔓走龍蛇沈烟蝶板輕輕下疊徑苔錢片片加
薄暮憑高縈遠思有人書劒滯天涯

謂野雲姪

夜讀自嘲

浮生百歲只須臾轉眼頭毛黑白俱婉婉未忘慈母訓
龍鐘忽倩阿孫扶縱能學業三餘足難補詩腸一半枯
堪笑癡情同老驥日斜猶自取長途

偶成書示兒輩

半生閱世學癡聾敢以聰明挽化工百慮營成終是幻
雙眸閉處信皆空隨緣自覺貪嗔滅混俗何妨水乳融
會得人間安樂法此身不厭住塵中

培孫上學

憶昨生初喜復悲

時太宜人
去世未及見

須臾已到受經時隨行

有伴諸姑小共課無爭幼叔癡

洵涵溶三女皆在家塾
四子年十二歲亦同學

頭角未堪誇子輩聰明猶及見孫枝但能世守青緡業

敢望囊錐脫穎奇

初夏卽事寄舸齋

日長蠲俗慮把卷適閒情春去天無雨陰成樹有聲朱
櫻迎夏熟斑筍繞階生檢點新詩句期君仔細評

和舸齋自廣陵歸山堂小集原韻

志和春盡始還家汲取中冷佐試茶窗護膽瓶留芍藥
砌分拳石點蘭花烟波家世閒能繼詩酒襟懷老未差
儘有笙歌娛暮景底須佳日厭繁華

舸齋原倡

浪遊隨處便爲家櫻筍時過始鬪茶一棹夢牽京口
月三春看徧廣陵花乘閒合藉吟情遣垂老何曾酒
量差新綠焦巖陰正好肯拋清靜戀繁華

送春曲

幾度留春春不住一朝背我堂堂去香輪畫舫寂無人
榆甲柳絲空滿路今年春較往年好黃鳥聲中花事了
風雨妬花不惜春一春愁煞惜花人相期明歲來宜早
一度相逢一回老

雨窗小酌拈得庚韻

積雨經旬不放晴麥秋時節太寒生園花春去猶爭豔
梁燕集成懶更營樹密竟無天漏影庭空只有鳥同聲
乘閒且進杯中物一卷難憑身後名

喜晴見新月

碧玉竿頭繭紙輕綠楊陰裏蛾眉生浮雲天末來更去
散帙窗間縱復橫兼旬積雨晚方歇入夏初番月放晴
喜看穉筍繞欄出霜鬢清輝相對明

寄三妹代柬

去歲君來秋欲暮黃葉飄蕭滿江路傷離痛逝淚不乾
刻未成歡君復去別後有書曾寄君尺書偪仄情難申
感君遺我箋一束中有新詩綴珠玉淵明去後東籬荒
三復燈前淚相續今年春至人依舊各對春風感楊柳
一事報君爲我歡春閨得詩三十首

送舸齋遊匡廬

塵緣參破易忘機野鶴閒雲任意飛
台嶽春吟天姥月匡廬秋問遠公扉
因山到處諳禪味作客頻年負釣磯
此去西江霜氣早重陽時節換寒衣

塵居

駒影太駸駸塵居日廢吟惜花方曉起
飛絮又春深時鳥爭調舌新篁自出林
因循過半百偕隱負初心

寄舸齋時客邗上

君行方匝月春事已全非徑軟楊花毯
窗陰薜荔幃雨惟今歲久筍較去年肥
一樹玲瓏玉遲遲待客歸

庭前
繡毯

正開

久雨遲三妹不至因寄

送春霏雨太無情
滴碎懷人竟夜心
庭院落英飛片片
海天歸信尙沈沈
時在靖江學署
舊家燈燭還期共
往夢團團
不可尋
課選遺篇蕉館月
白頭相對思難禁

和秋亭積雨無波閣疊韻四首

仲蔚蓬蒿徑仙人
縹緲樓無波心似水
中夏室含秋博
藝稱三絕清詞達九州
雨餘紗幔卷佳句靜中求

占晴祈稔歲惡濕起層樓
大暑猶梅雨輕寒似麥秋
檐楹飛瀑水村落變汀洲
漂泊嗟禾黍三農何所求

憶昨清和月同登北固樓
歡難窮永日別已隔三秋
班

左今名媛

時晚薌夫人在座

江山古潤州一時心欲醉良醞不

須求

寄興唯開卷懷人懶上樓蒼顏過壯歲華髮脫先秋舊

約違蕉館歸帆盼荻洲

時浣雲妹將歸里門

但能捐別恨身外本

無求

夏日園居卽事同舸齋聯句四首

濕雲吹盡碧天空

舸

傍晚登樓逸興同山擁晴嵐沈鳥

外

芭樹留斜日鑑窗中課惟長夏功能足

舸

詩笑當年

語未工偷得紅塵閒歲月

芭

勞勞仍作蠹書蟲

舸

開卷連朝俗慮忘

舸

惓惓深院晝偏長蠅蟲作陣乘時

出芭草木非花過雨香悅我心情還仗酒舸醫人貧病

竟無方大裘廣厦誰能任芭萬物浮生夢一場舸時

糴捐貲不足

一般節物有參差舸長養甯關造化私積雨苔花當路

早芭背風蟬韻出林遲綠陰垂屋蕉宜夏舸錦箨穿籬

筍過時觸處無端傷老大芭爭教吟鬢不成絲舸

翳空濃綠晝冥冥舸缺處山光遠送青靜境能安無貴

賤芭醉鄉深住有門庭積陰墨瀋滋苔沼舸乍霽爐烟

出綺櫺早晚盼歸京洛客芭小樓夜雨一燈聽舸時

歸里

見郭蘭池秋夕偶成之作次韻書慰愷園姪

江楓葉脫荻飛絲細卷青燈又一年滄海珠光沈暮雨
豐城劒氣黯秋烟風盲易鍛摩空羽囊盡難償賣卜錢
自古良材終晚遇何須搔首問青天

丙寅二月廿七日同舸齋厯江上諸道院登銀峰

聯句

夜雨朝晴天意好舸偕遊莫放春歸早
篴輿隨處扣花

關蒞紅滿石壇晨未掃千帆楚榜走天涯舸一角僧樓

挂林杪峰腰磴仄挈童孫蒞籬脚烟深留宿鳥
高樓縱

目須臾間舸渺渺歸鴻送雲表金鼇一塔戴吳天蒞白

馬層濤懷越嶠滄桑過眼同興廢舸登覽前賢富文藻

百年泥爪亦寥寥苗一雨桃花悲草草蓬萊弱水不可

期舸此生喜共家山老苗是日子五十初度

輓張淨因女史

文吳夫婦古稀年多少才人羨謫仙蓮幕尙虛章母席

夫人嘗設帳阮芸臺中丞節署蓬山忽返彩鸞輶遺篇不惜三更讀予

綠秋軒藁竟夕不忍釋手一面還期後世緣歸去雲霄亦無憾教成

雙鳳已翩翩

慧業編成絕妙辭清才不愧女宗師廣陵花月供陶寫

閨閣文章仗主持書畫並傳雙管健姓名空使十年知

與夫人神交已久未能一晤何當放棹邗江上桂酒臨風奠一卮

題曲江亭閨秀倡和詩後次江瑤峰女史韻

仙居江上遠紅塵唱玉聯珠字字新林下高風今未歇
卷中奇句尙驚人

韻事都歸少女風錦心繡腑一家同江亭花柳春如海
盡入詩囊畫橈中

勞勞塵累謝詩魔巴曲還賡白雪歌慚愧劉家三姊妹
頻年會少別離多

酬翠屏洲王愛蘭子一子莊季如蘭諸女史見懷
之作

江左風流歲月餘桃源久住卽爲家閨中秀擢三珠樹
筆底吟成六出花似月冰紈爭撲蝶打頭紅雨礙盤鴉
無由縮地逢仙侶空有詩情寄晚霞

和曲江亭諸女史初夏見懷原韻四首

積雨春過盡蘿垣疊翠屏伊人仍契濶新綠又林亭江
影迢迢碧山光面面青右丞家法在詩句繪烟汀

縠紋南浦浪卵色晚晴天一自知音渺無心理七絃老
深風木憾早廢蓼莪篇多謝諸名媛殷勤寄彩箋

壺隱三椽小園居十畝陰衰年將作繭佳日且停鍼喜
得閨中友頻調匣裏琴好風時惠我鸞鳳總清音

芳洲何處所渺渺隔江烟易阻遊仙路初長入夏天無
花常晏起有月慣遲眠笑我詩情減因君更擘箋

原倡

王 瓊愛蘭

偶見雙飛燕銜花繞翠屏翻書消永晝遣興到江亭
雨過溪流白烟開岫歛青忽驚春事了芳草滿前汀

王迺德子一

陰晴俄頃異又是熟梅天柳外流鶯轉天風弄管絃
閒吟思舊雨懷古有殘篇爲憶清娛客江魚寄錦箋

王迺容子莊

清女閣詩金卷之四
愛聽黃鸝語長貪坐綠陰微風吹柳線細雨碧秧鍼
適興閒裁句懷人懶撫琴江鄉好風景所惜渺知音

季芳如蘭

殘紅落已盡芳草綠如烟愛此清和日兼逢櫻筍天
懷君如中酒對月不成眠欲寫相思意殷勤拂素箋

戊辰中秋前一夕偶成書寄澂雲灝三男

木犀交蔭晚庭深一院香吹匝地金角枕惺忪通夜月
棘闥南北此時心前程努力年俱少衰鬢耽吟雪半侵
得失總由天意定無煩日者論升沈

哭浣雲三妹四首

昆季全凋老淚乾又聞凶耗涕洟瀾餘年已恨隨肩少
永訣誰知再面難山水一囊工刻苦蠶鹽半世厯辛酸
傷心膝下多麟角轉眼飛騰不及看

少時骨月痛分張往事追思欲斷腸失恃閨中君最小
依兄京邸日偏長北征吟寄愁千疊南雁書廻淚數行
能得幾時親舍底一燈圍坐話滄桑

憶從冀北返江城廿載匆匆節序更已伴貧官嗟落拓
可堪多病累聰明續紛早著聯吟卷

妹閨中倡和嘗用
續紛合稿小印

刀尺常參督課聲句曲嶺雲東海月至今遙望總淒清
年來聚首太蹉跎空約秋期老屋過只有尺書勞問訊

恨無雙翼越關河
荆花凋盡愁難了
池草荒餘夢更多
痛哭孤棺江上返
暮雲黯黯水增波

偕舸齋過蒜山禪院聯句

寥天萬里大江澄舸佳日斯樓每共登
丹桂有香秋氣

肅蒞青山無恙鬢絲增
同修淨業言何易舸欲謝塵緣

喜漸能百歲光陰俱過半蒞放懷隨處信烏藤舸

晚眺聯句

足底滄波樹杪樓舸雙筇高處倚清秋
連村早稻千畦

熟蒞半嶺斜陽萬井稠
遲暮何堪傷爾我舸江山不厭

其勾留莫言醉眼模糊甚蒞望裏還能辨五州舸

甘露寺聯句用蒜山晚眺韻

載酒來登北固樓

舸

西風幾日變涼秋襟天匹練無邊

白

菴

覆隴黃雲萬頃稠塔建衛公神尙護

舸

庵圖米老

蹟常留江山第一推斯地

菴

竟欲逃名老故邱

舸

庚午二月廿七日同舸齋暨李汝霖郭繡谷兩壻

登凌江閣卽席有作

此地經過四十年春風情話又江天登樓人自清冰似

染翰才誇潤壁聯桃葉宜家吾有望霜花點鬢爾何先

賞心樂事應須記要聽同賡白雪篇

索汝霖繡谷同和

秋日同晚芳大姊遊焦巖率成三絕次壁間王夢

樓先生韻

晴江萬里暑無風嵐翠重重蔽梵宮曲磴緩隨青鳥上
鐘聲飛出亂雲中

象嶺青青對閣眠山容依舊客華顛松寥信宿拋塵事
飽看朝霏與暮烟

遊踪屢踐信前因得識茲山面目眞欲賦天風海濤曲
知無奇句繼先人

松寥閣感舊追悼論山兄

髻鬣隨兄侍板輿卅年回首只須臾空餘老眼尋泥爪
知否焦仙識我無

猶記丁年乞假歸故山到處總依依爲言欲遂菟裘願
畢竟蒲團住翠微

三山奇句題將徧朗誦精靈尙可呼

先君暨論山兄我三山留句最多

欲摩崖嗟腕弱留名敢望百年俱

佳處亭同晚芳姊遲月用先論山兄東昇樓韻

佳處亭空最上層家山暮齒快同登滄江入夜風濤靜
曠宇經秋氣象澄挈伴清遊差有幸追歡往夢復何能
昔嘗隨論山兄侍太恭人遊此百年良夜甯多得須待冰蟾碧海昇

[illegible]

諸家題辭

趙懷玉味辛

笙磬同音卅載和庭階
玉樹況交柯望廬莫重黃門悼
福慧人間已占多

大雷書久讀難兄老去尤於詩律精
今日從頭展遺卷
秋窗風雨帶愁聲

劉嗣綰芙初

江樓風日爲開襟一卷清娛閣上吟
箏笛到來都洗耳
瑟琴難得此希音
每從世外窮瑤想爭向人間羨錦心
今日令徽泉路隔鮑家詩對漆鐙深

倡隨雙賭筆玲瓏悽斷連環解脫中諸子學曾經慢授
一家詩賸壁紗籠海門暨雅堂兩先齋頭疏栗才原亞
屋底牽蘿計未終慚愧徐陵華思減清詞輸與玉臺工

陳 燮理堂

飲綠山堂裏清才聚一家語皆關至性名不惜簪花小
艇烟波約前因仙佛誇從知梁孟隱多事避紛華

趙擢彤睦堂

麗句清辭費翦裁下簾聲自半空來畫眉應倩生花筆
賦茗何慚詠絮才好與三唐爭格調曾無一字到塵埃
名媛今古詩多少新得奇篇老眼開

閨門鷗侶洛川神今日南徐破見聞文字名超關進士
淵源學本鮑參軍不爭繁豔花中鞠獨出新裁錦上雲
自是珠璣堪絕世遊絲兼可換鵝羣

李 珍竹居

冰雪聰明絕世奇吟箋字字見新辭
壻如京兆稱雙美家本參軍震一時
自昔名姝原有數只今閨秀更推誰
窺來豹影心先折可得全班一示之

洗脫陳言務瘦生筆花燦處使人驚
倘逢蘇蕙應爭席肯讓班姬獨擅名
雪上難尋鴻爪跡雲間惟聽鳳鳴聲
自慚俗吏非風雅片錦看來眼倍明

好倩閨中大雅扶名媛端不讓名儒阿兄真喜誇三妹
異代何妨號大家讀如姑質本芝蘭香自馥胸多錦繡味
皆腴也知珠彈非輕擲肯許明光到老夫

錢之鼎鶴山

總角嬉遊慣曾依阿姊邊

宜人爲先姊小姑

閒憑粧閣靜酌字

拂吟箋顧我真如弟清才渺若仙鮑家詩格好不讓大

雷傳

白首終郎署清操古所難

謂姊夫雅堂農部

情親分骨肉死別

愴心肝紫電催年換

雅堂下世已十餘載

黃沙攪夢寒

辛未予入都訪雅堂

舊寓不

憂來頻展玩一讀一決瀾

可得

花擁清娛閣年年醉酒過

舸齋丈每於花開時招諸同人讌集新詞連日

和勝友昔時多

往年嘗偕應地山鮑野雲張寄槎李東崖顧弢庵戴廉石集於閣下今東崖已

物故餘各有

散遊於外有譽聞湖海全家隱薜蘿佳兒皆玉立

哲嗣

昆玉皆才俊時鈔

夫人遺橐將付梓鐫石徧巖阿

天與湖山興長流粉墨香

宜人偕舸齋丈遊西湖詩並皆佳妙

夫妻同載

鶴烟月滿輕航此地曾仙尉如予亦古狂叨蒙三絕獎

拙橐曾蒙宜人題詩有書畫詩三絕之獎

拜手奉瑤章

顧鶴慶弢庵

江南詩派舊傳家讀罷惟思護碧紗一字細於香吐篆

全神清到月無華感懷終古空郎署

卷中多懷令兄雅堂先生及哀輓諸

作結契平生有釣槎共向烟波酬好句

曾寫烟波匡廬共泛圖照

飛雪赤城霞

舸齋歷遊黃山台宕匡廬諸勝卷中俱有贈行詩

郭琦蘭池

綠楊樓閣曙烟殘把卷高窗忍薄寒山水頓驚真貌出
見聞都作好詩看掃眉麗筆憑誰擅繞指精金似此難
風外妙香雲裏瀑一時飛遍畫闌干

吳山花草段橋亭舊是君微步履經十載人尋蝴蝶路
三春簫斷鳳凰翎又看風絮沿湖白記謁金閨荷眼青

知否伯鸞同到此連宵佛火話熒熒

辛未仲春偕舸齋先生寓西湖僧樓

始獲覩夫人全

稟奉題二律

諸家評跋

袁枚簡齋

詩話補遺云夫婦能詩古今佳話近今如張舸齋之與鮑蘆香尤其傑出者也

又云二人才調相匹故知秦嘉徐淑不得擅美於前又云五七古公然老手今體音節清蒼兼饒神韻閨中之白太傅也

王文治夢樓

情深意鍊骨重神清詩學之深近時所罕

深穩中時露佳句古體安章頓句俱有成法近時名家

清如月言金言
所難不意於閨秀得之歎服

予嘗謂夫人詩律細於令兄令兄不服今細玩尊稟益覺予前言不謬

七言古最難在章法如登金山塔一篇前後勻稱雖大名家亦不多有

七夕立秋之作清和細切他人縱能運巧不能有此韻度

題銀河洗筆圖詩起句思邈然三字便含全題此用筆之妙非尋常餽飭家所知通首妙絕古今不僅爲此題絕唱也

王嵩高少林

閨秀詩總有習氣非調脂弄粉翦翠裁紅失之纖小卽
粧臺鏡閣刺刺與婢子語俚俗尤多讀茝香世妹大著
巾幘中乃有名儒真大家以後一人其詩譜亭聯句一
首孝思藹然紅蕉館翦燭夜話四律可續棠棣之篇答
舸齋二首代柬一首讀之令人增伉儷之重至于讀書
教子才德所著如天籟自鳴篇中往往流露嵩高與雅
堂交卅年餘久耳熟焉今獲讀於飲綠山堂敬佩歎服
不能已已時乙卯秋九月

洪亮吉稚存

清如閣詩鈔 詩餘
予與論山交二十年欲作一詩挽之讀芭香夫人寒食
誌感一篇爲之閣筆論山每誇諸妹才筆信不虛也他
若老至示兒等篇沈鬱眞摯豈特無脂粉氣習恐經生
爲之亦無此獨到耳丁卯人日訪梅樵山與舸齋劇談
竟日因暇讀此以誌欽挹

法式善時帆

詩話云鮑芭香之蕙海門先生次女張舸齋室登韜光
寺云陰崖含雨氣疎磬落天風湖樓云簷敞看山遠窗
低近水寒探梅云蕊褪連朝凍禽窺向午枝懷論山兄
云惜別驚春早看雲怪雁遲坐雨云窗潤生虛白山低

歛暮青西湖泛舟云柳邊朱檻緣湖曲沙際青蕪抱郭
彎七夕立秋云人間一葉驚飛早河畔雙星待渡遲良
會卻當初永夜輕裾可怯乍涼時王夢樓嘗稱芭香詩
律工細過於其兄

王芭孫鐵夫

詩於淵靜之中自出生新之致比來閨闈中好句至多
然取境真而寫意到則未有如是者也乙丑歲暮假寓
江深草閣遂過飲綠山堂辱示此編因識

陳超曾柏亭

閨閣詩字字清雅如讀端人正士之作爲自來名媛所

清如閣詩金
詩
三
未有

胡翔雲黃海

菑香夫人大著純乎唐音其揣摩於長慶諸大家者多矣

陸繼輅祁生

新柳詩爲此題絕唱春草詩哀音逸思悽婉動人寄令妹古體詩王夫人神情散朗有林下風致正於此等處流露嘉慶乙丑立春日同鎮洋彭兆蓀吳門金學蓮陽湖董士錫自邗上至潤州舸齋司馬留飲山堂同讀一過歎喜讚歎不盡繼輅並識

顧鶴慶張庵

近時江南北作春草詩者甚夥從大處寫失之粗空處寫失之滑未有如此熨貼者細而不纖是爲大雅

鞦韆曲靠實發揮卻又旁見側出總由筆妙故足達難顯之情

送春曲一句一轉一字一轉轉轉入妙清空天矯求之古人集中亦正未易多覩

短七古順文敘事一轉一折無字不諧是老於格者寄三妹詩四十字當作一句讀而紆迴曲折卻不使一直筆此等消息解人最難

清如閣詩金 詩題 四
送遊匡廬詩風調極佳於舸齋先生高情逸致淡語寫
出令人神往

郭 琦蘭池

渾然一氣聯句之作最爲壇場

古體中雄健之筆直似坡公森秀奇峭又似岑嘉州才
人之筆無所不有

和論山先生主試粵東一篇典貴極似劉夢得

錢塘觀潮七言古奇情錯出硬語盤空非此巨筆不能
扛此題向閱黃仲則二詩已歎爲異才今讀是篇又爽
然失矣

龍井篇整麗之中兼饒跌宕是高岑王李一派

水樂洞起法極爲超妙是東坡極意摹仿太白文字

茅桂芬蕊僊

集中佳處妙在從性情中來深得三百篇旨趣迥非時流俗派嘲風嘯月者所得窺其堂奧

兄之鍾論山

從性情中流露而書卷之氣盎然深得詩人溫柔敦厚之遺

七言古詩沈鬱頓挫中更兼妥貼排奐具有杜韓之長眞傑作也

清如月言金言
七言律詩最多清空如話轉折無痕格律渾成絲絲入扣皆作者慘淡經營沈思渺慮而出百鍊鋼化九轉丹成臻斯境地老兄欲退避三舍

祭尊姑太宜人文直寫胸情自然整暇大家東征以後此堪嗣響不徒作祭文觀也

姊之蘭畹芳

吾妹質性端謹和平渾雅故所爲詩適以肖其爲人集中詠物詩多有寄託而文有內心渾含不露絕不以尖刻纖巧之語取勝此養福之徵也

詩本性情所以可貴近人多以華縟爲富堆垛爲博艱

深爲古空廓爲雄謂清折者近於弱淡遠者近於淺情
韻勝者謂其聲調不高格律細者謂其町畦未化持此
論詩而性情汨沒多矣集中賢夫婦相倡和以及與兄
妹從子輩贈答往來之作俱從至情至性中自在流出
清而能腴淡而彌旨渾脫超妙名貴高華兼擅六代三
唐之勝爲近今名家所難蓋其性情有過人者矣

遊攝山西湖兩集爲中年以後脫化之境蓋性靈中自
具山水而登高臨深仰取俯拾耳目與山水相激盪而
性靈益以濬發故能狀難寫之景於目前含不盡之意
於言外其詩可備志乘其筆可當著書勿作尋常遊草

讀也

妹之芬浣雲

情真則其言有物法老故圓轉如環可知胸中無所云云而勉強以求佳構者難矣醞釀深醕定推名手聯句詩力均聲同珠聯璧合

棲霞諸作真乃洗盡鉛華天然風趣登金山一首尤爲超絕古人

經舊宅五律前半如話後半如畫大厯人得意之作清娛閣坐雨詩三四雄健五六幽秀兼而有之

寄芬五律一首起句云怡情觀物化觸處轉依依蓋因

觸事生悲所以怡情以觀物化乃觀物如此而仍多愁緒其所遭者可知矣二句緊相貫注轉字下得靈活而有力是謂工於發端情事兼盡樸老矣而又曲折由發端之空濶也俗工開口便盡則無此紆徐矣此等詩斷不在初唐以下

姪文達野雲

格律靜細深穩辭意朗潤清腴寢食三唐而本乎性情以自闢蹊徑故能戛戛獨造

詠物詩穎思雋句大巧無纖由其制意勝也侔色揣稱不足以概之

清如閑言金言
文如其人于詩亦然姑母冲和渾雅具讀書養氣之學
故其詩清而不浮華而不縛斂才就律深意高情深得
唐賢神韻求之近世邈焉寡儔

詩本性靈又須資以卷軸乃能比附濬發盡意而止姑
母中年以前未持家政手不釋卷凡課選樓清娛閣兩
家藏書繙閱殆遍誠如昔人朝經暮史晝子夜集以自
立課程者四十以外披覽日疎然閱歷既深則書卷之
氣合同而化見道極大入理極深至於運用渾脫比擬
確切特其餘事其根柢深厚有如此者

敬讀寄示諸作詩律之工不待言卽論書法秀潤天成

循循規矩中而風神彌復俊永求諸時賢惟石庵先生
近之乃以家政所累日漸荒棄須知百世後賴以不朽
者不在兒女輩也願不遺封非毋厭隄廩乾隆壬子六
月廿一日姪文達謹識

竹鄰老人若筠


詠物詩無描頭畫角之態家數故高


詠簞五律體物瀏亮夏室一聯憶丙申秋論山酒間曾
向予誦及衡帆在座亦極賞之

不事雕琢而婉暢精刻自是本色好詩

卷中諸作聲調清婉自出穎思不愧海門先生雅堂中

翰家法年來抄撰京口詩人蒙拾集獨名媛篇什惜不多見循覽是帙乃知閨中之秀近在吾家謝庭柳絮正不得專美於前爰喜而題其後乾隆庚子正月廿五日飲綠山堂偶書時簷雪初融研冰都釋





5235.8/4591

5


THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

DEC 2 1954

京江鮑氏三女史詩鈔合刊

三
卷
策
語
金
針





三秀齋詩鈔序

徐生韻生余甲午主試京兆所得士也其人脩然塵表有鶴立雞羣之致嘗以詩賦就正華實相宣歎爲超宗殊有鳳毛生因奉其王父秀亭刺史王母鮑宜人遺集請爲弁言余展轉覽觀海天萍寄草格律謹嚴聲情溫粹雅近中唐三秀齋詩莊雅清淑夢樓侍講評爲卓然成家不獨閨閣所難非溢美也余嘗往來京口覽山川之奇秀宜其生斯土者人多瑰異夫人有詩古文詞一集以傳自不乏人而求其伉儷多才子孫嗣響者蓋鮮抑又聞小山司空云刺史內行純篤晚官令牧勤民事

勵清節循聲卓著畿輔閒宜人孝敬淑慎不以文字自
衒其德誼風尚固有出於尋章摘句之外者生其嗣徽
繩武勉申不匱之孝思有餘力則以學文也哉道光庚
子六月姚元之序

三秀齋詩鈔目錄

卷上

古今體詩八十七首

卷下

古今體詩八十三首

[illegible]

三秀齋詩鈔卷上

丹徒鮑之芬葯續著

古今體詩八十七首

題涉江採芙蓉圖

秋江漠漠煙波空伊人穩泛煙波中不設青翰張翠羽
兩頭滿載秋芙蓉芙蓉經霜顏色好蘭蕙過時消歇早
採之若爲遺所思馨香自惜盈懷抱極目江南杜若汀
美人舊夢縈芳草胡爲苦戀紅塵中緇衣十載長安道
物生榮謝各有常轉瞬朱顏鏡中老焉得仙人一瓣蓮
爲舟遍登五岳凌十洲雲中招我採珠侶朝遊瀟湘莫

洛浦長風直遡斗牛宮若木咸池共容與

虞美人

翠葉離披綠羅薄雜珮玲瓏五雲錯濃於芍藥秀於蘭
一縷柔莖吐奇萼曾聞楚帳埋花鈿英魂化作花娟娟
臨風怨態含朝雨猶似當年垓下舞美人遺恨空至今
太息英雄化塵土

牽牛花

星姑影落銀河側金井銅龍露猶溼一籬藍翠著秋陰
絡緯聲聲喚無力花房鎖霧葉凝煙幽豔非香清可吸
曉風暗月不勝情倩女遊仙應共惜可憐顏色怯朝暎

不及葵心常向日

野茉莉

階除空處牆陰寂深淺芃芃映叢碧卻從閒裏逗微香
茉莉芳名原浪得宛似鄉村好女兒昏學施朱面塗白
自然茅屋竹籬閒不向西風怨蕭瑟開時風韻亦宜人
斜日半籠烟霧色

春暮答鴻起姪

江南花落芳草長燕山春暮客思鄉杜宇催歸歸不得
尺書寄我芝蘭行消夏樓臺曾共醉戎葵織錦槐籠翠
杯傾新釀梨花濃盤貯櫻桃巖蜜墜限韻詩成課後先

藏頭射伏爭精研風煙一別人千里再換星霜兩地天
華表亭亭誇玉樹少年聲價高詞賦殷勤遠道不相忘
珠璣枉寄懷人句長篇突兀空中起寶劍光芒天外倚
短句蟬聯月露詞鮫綃翦破春漣漪家世文章超屈宋
清聲更喜聞雛鳳幾回披卷夜窗時池塘空鎖勞勞夢
簾鉤四首

眉痕掩映霧綃空曳影拖煙近綺叢一角斜牽犀劃水
半規疑墮月畱弓莫驚魚鑰傷春後鎮鎖蝦鬚病酒中
誰見後堂欄檻裏徘徊欲上怯東風
分明劈破玉連環釵股誰敲玳瑁彎有意參差邀半面

無心舒卷任雙鬟空閨獨伴流黃晚禁院頻窺屈戌閒
不鎖芳香偏鎖恨聲聲清韻出花間

欄迴卍字上苔紋牋詠桃花坐晚曛銀蒜條條懸皓魄
珍珠面面控晴雲藏時卻訝波心露響處渾疑步底聞
徙倚涼宵嫌露重玉纖斜挽醉三分

瘦影頻侵玉女窗寒虹乙乙釣湘江珊瑚網斷蛛絲串
翡翠分開燕尾雙梧館蕭森傳落吹簷鈴浙漉鬪金腔
無心莫怪驚香夢解和琴心入夜缸

庚戌早春和王少林先生梅花十首

官閣依山閣焚香對煮茶清吟酬白雪逸思寄梅花老

幹春前瘦疎枝竹外斜羅浮人去後香夢託寒槎

舊遊金粉地瓊樹綴花紛映雪人聯壁裁雲月二分名

同何遜美賦並廣平聞

先生曾與家論山獨愧參軍妹

詩懷罔所云

江鄉梅信早破臘接芳辰憶作披裘客相逢獨笑人清

知香在骨潔擬玉爲塵呵筆山窗下徘徊爲寫神

淪落天涯客幽懷少所知初逢子猷棹惠我杜陵詩根

老江南路枝寒薊北時春風幸披拂吟咏莫言遲

明月前生是天香世外存芳菲先得步桃李復何言靜

院吟蹤冷晴窗鳥語喧殷勤問風信取次到達門

冷署春暉煖花容自不寒巡簷供色笑高卧當林巒放
鶴頻招友騎驢倩整冠塵中抱仙骨莫等衆芳看

潮水橋邊路山陰雪夜舫詩情畫難到和寡唱應高入
律慚羌管澆愁賴濁醪笛中吹不落爭奈朔風號

庾嶺盤根遠孤山舊跡多春生圖畫裏相對意如何影

淡黃昏月詩傳清淺波當年十三樹想見碩人過

先生
令祖

殿撰公手植十三
樹梅花因顏其屋

獨開香冉冉並倚影離離瘦去雲無質消來雪有肌幽
禽頻共語戲蝶未容窺吟到揚州句依稀六代時

小園花一樹綠萼未全凋醉入師雄夢吟餘沈約腰輕

三才圖會 卷一
寒遞簾幙淡月寫窗寮十載春消息相思不自聊居亦
有老梅
一株

聞笛

風薄湘簾露氣侵碧雲滿地散桐陰高樓倚月誰家笛
客館驚秋此夜心塞雁清音應共聽江梅舊韻不堪尋
中宵引領不成寐逼近蕭蕭萬井砧

奉懷論山長兄

時扈蹕
熱河

衣綫臨行定損顏平生從未事征鞍九秋邊朔來鴻苦
八月霜華去客寒倚馬應看鹿盧劍行營不負鳳池
翰北風未得參軍報千里心愁毳幙單

七夕感舊

天上年年盼鵲橋
人間舟楫路迢迢
舊遊賸有牽情夢
歲月空消恨怎消

暑年花月憶隨行
接得班姑喚謝娘
珍重好懷占喜繭
黃金合子暗收藏

愛把秋衫翦芰荷
涼風香氣散簾波
夕陽樓上陳瓜果
穿罷金鍼賽巧多

一水星槎歡會遲
龍梭日日綰離思
何人悵望無期別
吟罷黃昏月上時

三十初度和菑香
仲姊原韻

三才圖會 卷一 五
不覺生年長空驚歲月週清陰桐茂夏佳日菊當秋澹
澹詩和性依依子慰愁辛勤侍 堂上霜雪漸盈頭
雲水三千里何能一葦週別來江上柳搖落幾經秋杜
宇聲聲恨歸鴻字字愁離心憑尺素不可訴從頭
憶昔風臺上臺前碧水週清樽同泛月落葉共題秋往
事頻來夢新詩只寄愁難憑雙羽翼飛繞舊樓頭
自悼拋慈膝星霜已十週心驚春草長淚盡白楊秋終
古眞成恨尋常那是愁如何勞鞠育空此二毛頭

游故相國別墅

絮咏林風舊謝家香痕蠟淚冷明紗客來悵望梁園晚

秋老空庭蕎麥花

題杏林春燕圖

燕子歸時杏正花
上林千樹趁晴霞
一枝何處饒春色
曾認烏衣子弟家

小春朔日同論山兄秀亭外子愷園姪圍鑪聯句

峭山八月己層裘論煖室初冬似早秋浣香泛金罍新

菊釀秀雲生寶鴨舊衣篝愷松風瀉夢鄉園隔論塞雁

書寒歲月過浣爲問江南梅信好秀一枝先向阿誰投

愷

次韻答仲姊

三才圖會 卷一
江上錦鱗三十六殷勤千里慰離情江淹憶別空傳賦
潘岳閒居且面城園果剝餘秋棗實厨蔬香饜露葵羹
看山何日闌同倚飲綠堂中逸句成

秋日寄仲兄

萼鱸七載別魂賒籬落西風菊又花分手未防長作客
傷懷尤甚乍辭家緘封寄恨魚蹤少箏柱排愁雁陣斜
獨上高樓重極目寒煙衰草遍天涯

答長姊

去歲吟秋曾寄君一年光景又秋分懷人別夢驚涼雨
見雁歸心逐遠雲客邸經時頻望信西窗何日共論文

長安砧杵三更月
搗斷愁腸不可聞

移居南軒

負郭三間足自娛
濃陰初長草新鋪
室堪避暑何妨斗
簾好防蠅不尙珠
靜裏圍棋先得意
夢中高枕已忘吾
縈懷多少江鄉思
月下風前興強扶

消夏

深院塵囂寂風簾
日自斜
碁聲清玉局
墨氣浸明紗
梔子同心結
芙蓉並蒂花
憐他新乳燕
兩兩到盧家

詠梨花猫

金鈴來往解人呼
愛傍衣襟作煖嘘
燦爛背紋青孔雀

參差爪雪玉蟾蜍潛身牆穴輕聽處洗面花陰靜卧餘
蛺蝶幾回飛不定苔斑印損綠疎疎

贈愷元姪新婚

氤氲佳氣鬱金堂琴瑟新歌靜好章青鏡引波侵翠黛
絳紗籠燭映紅妝雙棲繡鳳桐花小並倚銀蟾桂子香
爲語傾城非易得扶春妙手倩檀郎

和秀亭贈歌者二首

變妍姍唱不勝春舞袖回風鞦動塵楊柳三春多怨別
花枝二月正相親紅低畫扇催絃急綠浸芳樽送酒新
莫唱憶江南一曲當筵知有斷腸人

一任飛花散作春粲塵原不著心塵
豐蘭公子縈懷遠
芳草王孫引夢親
樂部爭傳名已重
旗亭唱出句猶新
寶兒莫盡風前笑
不太憨生最可人

秋齋卽事

時秀亭返
自都門

秋光一逕啓幽關
好鳥殷勤報客還
溼翠竹間風欲滴
濃陰蕉底雨猶斑
琴調別鶴橫焦尾
鼎貯濃香裊博山
莫向塵衣惜緇素
從來雲水共心閒

遊故相園

鳴鳳緘金匱
朝鸞罷玉珂
春驚流水逝
客怨夕陽多
院靜稀人跡
庭閒有雀羅
澤餘花脈脈
蔭美竹猗猗
數仞

三才圖會卷一
牆猶孔三重閣豈阿蒼生多負望撫景歎如何

卽席應太福晉教賦得霜葉紅於二月花

得花字

極目寒山外霜痕四野華爲憑青女力染出暮林霞深
淺原空色榮枯異衆葩蕭蕭下秋水莫悞引漁槎

咏扇

皎潔裁圓月參差展半規暫拋成午夢輕拂動涼颼比
翼休相忘同心永不疑風流王逸少婀娜謝芳姿薄霧
籠蟬羽輕雲約素絲桃花歌處掩桃葉妒桃枝

自題天際識歸舟圖

北固雙峯疊翠螺中流塔影瀉江波每逢暇日登臨處

縱是無愁感亦多

一棹春寒渺渺波江花江草淚痕多重思鐵甕城邊路
八載風烟有夢過

曾聞芥子納須彌更道扁舟壁上歸空處若能容一葦
秋風擬逐雁行飛

右丞筆妙擬神遊萬頃蒼茫尺幅收惆悵歸舟應誤識
何人目斷枕江樓

潞水歸甯京邸道上作

身是營巢燕子忙春秋猶憶舊雕梁風詩載詠非泉水
客邸歸甯似故鄉人語雞聲離午店鞭絲馬影趁斜陽

三才齋詩金卷一
前途喜見長安近雲際螭頭捧日黃

吟芍藥

廿四風前婪尾杯西園桃李逐芳埃東君未放春零落
金帶圍腰最後開

人韻如花花勝人風薰露浣不容塵如何爛漫長安道
拋擲金錢賤買春

舟中感懷

廿載光陰彈指間何緣兩度入長安分明紅日當頭見
爭奈青雲置足難客路辛勤徒往返親情聚散各悲歡
湖光山色依然在棖觸生平淚不乾

舟中對月懷長安兄嫂

連綿梅雨別都城一日雲山遠一程憶昔春風楊柳岸
只餘荒葦作秋聲

記得團團共畫堂論文樽酒惜清光不知今夕是何夕
明月蘆汀憶雁行

望嶧山

荒山縱目盡蒿萊桐樹何年委爨灰太息知音今已少
天公不爲育良才

辛亥南歸畱別兄嫂

自歎早年違怙恃相依兄嫂倍情親關河共閱三千里

寒暑頻過十一春故國松楸瞻尙遠他鄉骨肉別重新
身如萍梗愁如緒況值連宵風雨頻

重登木末樓仍疊前韻

京華夢醒十三秋重上危樓續舊遊遠樹曾經迷別雁
長風有意送歸舟綠波芳草春如昔紅日青雲望總浮
回首依然天北極懷人惆悵賦汀洲

哭笙山兄四首

早歲同遭父母艱連枝義重古今難十年遠客頻傷別
一昨相逢未盡歡只道棠花常衍茂何期風雨忽摧殘
百身莫贖悲何及怎乞浮邱一粒丹

孝友從來感二難
傷心雲路阻長安
臨岐自痛分鴻雁
中道誰知折羽翰
每憶謀生家室累
劇憐餬口雪霜寒
天涯各爲浮名利
永絕平生握手歡

前因後果恨千端
女嫁男婚不及看
花過三春多寂寞
月當四五不團圓
魂歸化鶴音容杳
夢醒啼烏淚血乾
霜操能持家事重
從亡容易未亡難

茫茫天道問無端
正直由來鬼不歡
義氣昔年誇鮑叔
交情今日少任安
一生風雅人琴絕
萬壑烟霞筆墨殘
獨我生離重死別
招魂賦罷愴心肝

寄懷三嫂

時欲歸甯未果

三才齋詩集 卷上
麥秋寒重雨絲絲花外聲聲喚子規行不得時無限意
數行珍重寄離思

一載音容夢不歸雁行雲外痛分飛遙憐隻影空閨裏
苦雨西風冷總幃

容山道中

三年重得整脂車骨肉離情喜暫舒懷抱一般兒女累
詩書都爲米鹽疎河魚迢遞來京洛梁燕參差戀故居
聚首恩恩剛一月曰歸送別意何如

晨駕駸駸莫暫畱一聲珍重忍回頭來時山色俱含笑
去路春光盡惹愁嫁女比隣心獨美謀生薄宦願難酬

兩京縱跡渾相似百里歸甯動隔秋

題閨秀畫菊冊

閨中風雅是吾師斑管生花不畫眉
尺幅移來秋數種霜華月暈共離披

載酒東籬舊夢賒畱連五斗愧陶家
西風莫怨開遲暮相對秋心淡似花

春日卽事

瞬息流光又一年暗香吟散落梅前
無情無緒連綿雨輕煖輕寒索莫天
故棟巢傾勞燕語喬枝風靜穩鳩眠
貧家一事饒生意隨手栽花不費錢

三才圖會
卷一
贈駱佩香

六代繁華古帝畿而今靈秀屬蘭閨
聲名遜抗機雲後學問言工德貌齊
柳絮清吟都是雪蓮花妙悟不沾泥
何時更放山陰棹第一峯前待品題

秋月病中寄懷駱佩香

懷人何處賦登樓風雨蕉窗暗客愁
世外容君輕似鶴霜楓江上又吟秋

萍蹤自笑客爲家阻我鄉園百里賒
一向愁中兼病裏不曾樽酒酌黃花

題三朵芍藥步曾運使韻

風番廿四謝東君婪尾尊前幻采雲拱日丹心成一品
占星台位恰三分靈根亦借栽培力豔質誰工刺繡文
添取揚州明月色竹西歌吹譜新聞

題張舸齋姊丈飲綠山堂

天上張公子閒居樂道心數椽聊寄迹五畝暫開襟
輿從春暉茂杯畱夜月深到門無俗客車馬漫駸駸
疊石成邱壑晴雲遏樹陰非徒樂園圃直欲仿山林
藂密依窗靜敲斜覓徑深不容塵到處時有鶴相尋
閣小愛藏山藏山獨見山朝霏兼暮靄收覽入窗間
筆墨塵氛寂琴樽歲月閒獨爲城市隱高足幾人攀

三才齋詩金
家學兼師友新聲起鳳鸞衣長著萊子鬢不老潘安綰
帙三千架花枝十二闌及時行樂好雲水放懷寬

過王修竹獨鶴山莊探梅漫成四絕

春風幾日到前村鳥語晴開竹外門爲報數枝消息好
牆陰殘雪卧苔痕

因山藉水絕喧譁幽僻端宜處士家徙倚閒庭詩思冷
一尊香茗對梅花

晴窗鶴夢破雲深一卷黃庭寫道心斑管香濃花格瘦
六朝餘韻尙而今

主人善楷法

塵中世外兩忘機日日金尊繫落暉半畝青山容借隱

春風門巷近烏衣

春日喜駱佩香見訪疊前寄懷韻

曾記春波江上樓
芳尊舊雨洗離愁
風前容易重攜手
暗裏消磨兩度秋

面城半畝似山家
詩思難尋別思賒
絲雨如煙引愁緒
春風來訪舊梅花

前韻再答佩香

前朝吟散夕陽樓
頓減新愁與舊愁
檢點詩懷謝知己
由他人事自春秋

芳草池塘舊謝家
豪情今比昔猶賒
千金一擲春多少

三才圖會 卷一
樓上緋衣醉杏花

和駱佩香畱別元韻

殘雪消梅朔氣和春風喚起病維摩
傾談半日情何限
分手三年夢幾多
楊柳晴絲仍別袂
桃花新漲有回波
詩筒正擬常來往
南浦怱怱悵若何

送外子之山左

紉蘭佩君子不用折楊枝
遠別因家累鍾情歎我癡
江湖非習慣寒暑好扶持
鶴髮高堂上歸鴻莫過期

三秀齋詩鈔卷下

丹徒鮑之芬浣雲著

古今體詩八十三首

題張節婦桐陰課子圖

高桐垂美蔭風遠自流音張仲家聲舊嚴嚴姬壺教深孤雛賡白雪別鶴冷青琴寸草何時報菴蔬自苦心

咏夾竹桃

源水湘雲若問津放梢時見著花新閨中逸韻兼林下君子風懷託美人簌簌青陰籠笑靨瀟瀟紅雨溼香筠門牆立處宜高節不是尋常陌上春

三才圖會 卷一
良玉猶敲佩玉聲
臙脂乍洗粉妝明
其華南國憐之子
載楫春江錯喚卿
流水夕陽休悵望
去年今日不關情
薰風嘯咏軒窗下
別有芳香烈更清

讀楚辭感賦

修容攘背肯憐才
解骨吞聲鑒往來
千古知音如一夕
能無歌當哭聲哀

爲鑿甯固桷白方
問天天道總悠長
世閒何地無花木
楚些江邊草獨香

哀吟被髮楚江濱
耿耿孤忠託鬼神
漁父何知相問難
詩人終古悼靈均

陶鑄工深器始成何能瓦缶當鐘鳴風詩三百爲方駕
日月長懸身後名

幽篁獨處與誰論慷慨悲歌夜色昏疇昔華陽名勝地
豈無怨魄與詩魂

和論山兄畱別元韻

薊北風煙十載并鄉園日日憶鴻征驚同池草三春夢
喜聚庭花一樹荆翦燭每嫌清夜短傾尊欲遲夕陽晴
何堪又作新離別愁上高樓倚月楹

一昨春波揚子津流光過眼太頻頻黃花晚節霜能拒

丹桂中秋露未勻

時愷園姪下第

騏驥終騰千里足文章長健

三才圖會 卷一
百年身宦情自信心如水平洛何妨十丈塵

暮春寄懷論山兄

蒼松澗底抱良才桃李春風爛漫栽
俸薄囊饒詩百卷官閒日醉酒千杯
知名終不慚前輩立腳還應鑒後來
冷眼看殘棋一局金門小隱卽蓬萊

花飛草長又今年觸處魂消送別天
認得巢歸惟舊燕催將人去是啼鵲
攀崖蔓葛高於樹得水浮萍碧似蓮
莫道韶光三月暮殿春金帶奪春妍

寄懷外子客崇明

不爲支機石何因泛海槎
依人金失色抱器玉無瑕
教

子師兼母勞心客作家縱令能嚼雪也要寄梅花

夜課示兒

書窗刀尺伴深更彷彿當年侍母情遲暮桑榆嗟老至
辛勤稼穡望秋成敢期白屋生麟種且喜丹山繼鳳聲
他日定誰稱宅相可能作傳效淵明

寄論山兄

八月秋高霜雁來呼羣喚侶聲何哀蘆寒沙白共棲止
物情可感傷予懷我有同胞六十兄文章早著四海名
馮唐已老不得意家貧求祿羈神京薊北浮雲江上樹
盼得歸來重別去傷心憶到送行時別淚欲傾揚子渡

年去年來春復秋二十八度月當頭當頭一度一腸斷
清輝兩地懸離愁記得京華看月色兄言今夕是何夕
今夕何夕又十年百歲人生幾今夕吁嗟乎南山三徑
猶未荒人不歸來菊又黃此生惟願一杯酒白頭兄妹
依江鄉

謁葛仙祠

一瓣眞香祝虔誠拜祖姑風詩憶泉水木葉戀根株丹
井傳千古仙居拔九衢可能憐弱息日暮路途殊

題秋景畫冊

春羅翦罷翦秋紗幽豔從來愛草花開向晚風庭院裏

數枝深淺襯餘霞

剪秋紗

東籬黃菊故開遲
露浥霜披冷淡姿
占得幽芳先一步
濃纖宜稱早秋時

藍菊

怒車攘臂笑徒然
徑草階花小有天
不學涼秋啼絡緯

高桐流響美鳴蟬

螳螂

一般丹粉絕春紅
妙筆全參造化工
別有吟秋愁庾信
不勝披卷對西風

獨鶴山莊看紅梅
步孔生韻

幾日前村信寒梅
又著花清新逢謝客
花底詠餘霞

其二

傲骨何妨瘦先春好駐暉
臙脂空薊北不作嶺雲飛

其三

含芳畱夕照忍雋待春陽
雪意微勝酒寒威不禁香

其四

東閣才人賦孤山處士栽
占他風第一未許蝶相猜

壽王修竹先生

華陽山水放懷寬風雅淵源詠考槃
西漢文章隆閼闕南朝人物盛衣冠
槐階美蔭聯三鳳竹徑鳴珂奏八鸞
福履康甯鳩杖健稱觴五代共承歡

方舟深淺里同稱管鮑遺風及友朋
德業珪璋相並耀

豐年玉穀一齊登青松野菊隨元亮畫境詩情屬右丞
耄耄永期仁者壽辦香人共祝岡陵

百城萬卷性歸真道不干時德潤身整肅家庭皆治理
平章竹樹亦經綸開尊北海饒風月高枕東山避世塵
金石八瑯音迭奏分甘介壽樂天倫

老筆秋橫萬壑煙喬松偃蓋鶴鳴天香山會裏聯耆舊
石室名中著散仙菊薦金尊重九後梅迎壽域小春先
少微星象干南極定有珍從問百年

贈曹墨琴夫人

才名久已重王門未接芝蘭座上春京洛十年空爪雪

江鄉千里隔雲塵盤中苜蓿諳新味湖上葦鱸續舊因
盟手風前披素筆簪花如見衛夫人

題廖織雲女史畫芍藥卽和來韻二首

露葉風莖出世妍將離珍重結詩緣不矜花相圍金帶
態度蕭疎骨欲仙

東君著意絢春姿妙筆平分造化奇莫道開從桃李後
精神十倍殿春時

答王少林先生見寄

自笑非才事伯鸞賃春力弱灌園難詩酬白雪鹽無味
畫學春山米當餐夜月擣衣霜杵冷清燈訓子荻灰寒

先生只素殷勤念荆布從來分所安

賀王少林先生得孫

來書言其母孕經年生時冬日盆蘭忽作花

玉樹雙依謝傅家福田更喜發靈芽珠胎結蚌經年實
蘭藥先梅十月花蔥蒨庭階新蔭美馨香堂構祖風誇
青雲前軌蓬萊上五代龍門繼未賒

聞歌感舊四首

京洛繁華舊夢過空憐歲月逝如波琵琶莫更彈明月
司馬青衫涇已多

潞河官道接神京記得歸甯半日程車走如雷人似海
繁絃不斷過雲聲

征車午店方停駕度曲琵琶已上絃唱到望江樓一闕
動人鄉思倍淒然

南北行蹤二十年幾多離合繫情緣從今雁斷魚沈海
休把長安望日邊

輓王少林先生

古道從來譽匪虛文章當代更誰如養親求祿廉能儉

敷政勞心敬不疏

先生居官太夫人以下皆
蔬布管河務躬自督率

羈旅甘棠

曾借蔭論文陋巷屢停車

昔居潞陽先生公
事至必談詩竟日

愧無佳況

酬知己慰問頻勞寄素書

舊夢京華悵若何一江人隔暮雲多春風擬寄梅花句

曾和先生驛路驚傳薤露歌
借冠人悲賢太守修文天
梅花十詠
召病維摩莫言翦燭西窗會從此鱗鴻不我過

渡驥江

萍梗蹤無定乘桴計豈然
浪花晴泛雪海氣遠吞天
澤國窮何極扁舟渺若仙
長風如可駕直遡斗牛邊
煙外浮圖影依稀句曲山
潮頭澎湃處指點舊鄉關
寸草墳猶溼連枝夢不還
誰知遊子恨淚盡白雲間

同外子渡驥江

南北行蹤爪雪多
念年韶景歎蹉跎
同車京路人猶昔
打槳江湖鬢已皤
煙靄升沈山弄色
帆檣來往水無波

三才圖會卷一
生涯愧殺虬髯婦空把珊瑚海上過

菊影四首和外子韻

賞識秋心四照宜離離素壁暗霜披案頭清供明鐙夜
籬下分根瘦月時秀可餐來俱耐冷澹如人處不勝持
別開一片南山色不是屏風畫折枝

簌簌霜華立滿身西風簾捲夜無塵蕭疎不減風人骨
冷落難摩處上神參透禪心原水月銷來顏色謝金銀
吟腰解道秋來瘦更向深宵覓句頻

霜痕不借筆端鋒陶令於今尙有蹤寄託新吟客自傲
疏狂故態爲誰恭扶持席上三條燭斷續樓頭五夜鐘

解脫塵心秋未老不妨寫照十分濃

非煙非霧護窗稜深淺平分四座鐙繡佛齋中清悟道
化城天裏淨依僧莫愁散去雲無質正好移來月有憑
紙閣蘆簾閒晤對墨華酒暈一時騰

題外子畫帳

當年張緒態猶狂老去風流燕燕忙招取清風邀素月
陶然一枕黑甜鄉

紅杏過時惜彩毫年年柳色笑青袍多情更有呢喃燕
喚起春眠日已高

秋日懷愷園姪

骨月情何極長違兩地天艱難吾久歷門戶爾初肩清
白餘千卷孤寒賸一甌離心言不盡只有淚如泉
憶昨恩恩別星霜忽一周伊人仍遠水天氣又涼秋舊
夢風搖井歸心月在樓長江共潮汐目斷日邊舟

詠梅四首

梅心

早春獨步得其天冰雪惟憑一點堅
澹處祇宜明月印靜中自有妙香傳
芝蘭素結生前契水竹清畱世外緣
似笑無言誰更會風幡不動境超然

梅骨

傲骨從來異衆芳
生來耐雪與經霜
何須錯節方爲鐵
不到開花始有香
健筆撐雲三折瘦
縞衣浸月五銖涼
百年風格詩中見
沈病潘愁孰較量

梅夢

非煙非霧鎖氤氲
睡思朦朧夜色紛
庾嶺神遊天一綫
揚州幽會月三分
黑甜鄉裏吹成雪
翠羽枝頭化作雲
大抵浮生同此境
勞勞塵網卻輸君

梅魂

三生幻迹可憐宵
渺渺羅浮續夢遙
幾箇黃昏禁得斷
一番風信黯然銷
峭寒簾角和香返
細雨旛鈴怯佩搖

三才圖會 卷一
只恐有情難遣此流連倩影燭頻燒

暮春卽事

閒中好景自相尋新綠殘紅院宇深柳絮點萍終浪迹
梅花結子已成陰窗開煖日宜添綫簾卷和風自鼓琴
珍重韶光看芍藥婪杯金帶一春心

招隱寺

一徑松篁山鳥幽年深不見讀書樓梵天功德梁家盛
贏得香燈供冕旒

鶴林寺

名詩滿壁帖雙鉤今古才人接勝遊花徑不逢殷七七

日斜重上杜鵑樓

獅子窟

獅子何年爲守關
龍噴一道水潺潺
山僧亦在紅塵裏
只有觀音古洞閒

鴻鶴山莊

蒼茫一片戴公山
鴻鶴何年去不還
千古風懷畱柏樹
春秋高卧白雲閒

獸炭

春色煨爐楫桡紅
炭形巧作獸形雄
泥胎脫出因人力
木德相生自化工
正合狙哮煙霧裏
如何豹隱火光中

消寒滿泛犀尊酒映上酡顏笑醉翁

張牙握爪製偏奇萬狀猙獰活火宜鬚待捋時難著手
班將窺處恐然眉爲文不異嗤麟楨借煖何須衣貉皮
坐擁三冬應足用深宵射伏賦新詩

壽郭母吳太君

茂苑簪纓盛閨房德慧全山靈鍾郁郁家學溯淵淵桃
李風詩美蘋蘩內則賢鴛機題錦字鴻案疊瑤篇良佐
門風肅嚴師母教先九熊心最切封鮒責尤堅儲粟仁
兼布爲莊義更傳方舟游泳濟戚里惠慈宣潘賦閒居
樂萊衣戲綵鮮友龍名並著飛鳳翼相連 紫誥金章

貴清齋繡佛緣壽臻星有象節閏月先圓甲第臨朱蓋
華堂列綺筵瑤池桃似斗華嶽蕩如船桂樹燕山發芝
蘭謝砌聯福量真比海修到卽爲仙未拜宣文幔遙瞻
壽域天門墻童子跂衣盃祖燈然松柏期常健岡陵祝
不騫竹孫榮五代金母邁千年顏駐添籌屋心寬種玉
田巴辭代春酒盃手獻尊前

郭生以詩見贈卽次原韻

雷澤傳書愧弱枝江聲落墨繼英姿卅年空弄塗鴉筆
十歲先裁走馬詩幼慧神情秋水徹老成風範匠門推
虞山卽是丹山路雛鳳清聲動一時

三才齋詩金 卷一
早秋閒詠

室陋居非賃時窮樂可賒
醅香甕藏酒生意手栽花
杯貯三分月階翻五色霞
何須問秋興更在阿誰家
簾垂晝景靜暑退薄涼初
徑草隨消長窗蕉自卷舒
鴉披斜照返蟬詠晚風疏
寤對無塵俗怡情一卷書
不眠侵早起白袷掩西風
薄采枝頭露親除葉底蟲
怡情忘俗累愛物達天工
十丈秋芳豔窗開錦障中
閨閣無良友知音賴有兒
長應能擇句次亦喜鈔詩
課罷膏仍繼談深月任移
桑榆憐暮景聊以慰心期

柳枝詞十首

春意先將臘意同東風日夜翦刀裁霏霏雨雪天涯路
葉葉青歸去歲來

約畧臨風試舞輕裙腰相映草痕生斜陽巷陌新晴裏
吹出飴簫第一聲

廿四風中廿四橋隋堤煙水正迢迢當年殿腳人何在
螺子三升黛儘描

不繫錦帆成大去長畱金縷絢韶光興亡何必雷塘弔
萬古千春柳姓楊

放眼顰眉萬縷情眠時宜雨醒宜晴樓頭瘦卻人多少
羌笛休吹出塞聲

三才齋詩金 卷一
楊子江頭漠漠煙西津渡口送行船閒人不解牽離思
爛賤穿魚入市塵

柳枝輕軟柳條鮮結作同心綰作圈鬪草隣家輸撲滿
還供姹女串青錢

東家姊妹約西家楊柳堤邊駐鈿車各自不言心裏事
長條蘸水卜油花

鶯梭兩兩柳毵毵轉綠回黃色自諳若使煙絲織成匹
不須辛苦事春蠶

百花盡到花時好楊柳生花春已老柔條珍重繫陽春
青青莫逐江南草

三秀齋詩鈔跋

細讀諸作卓然成家七言古尤雋上不獨閨閣所難近
日士大夫以詩名家者亦罕能臻此能無歎服夢樓王
文治跋

--	--	--	--	--	--	--	--	--	--

